



# ليلة المولد

محمود الجعدي



انظر لقد شيد الموت لنفسه عرشاً..

في مدينةٍ غريبةٍ منفردةٍ بعيدةٍ في  
ثنايا الغرب المعتم..

حيث ولِيُ الخير والشرير والمحسن  
والمسيء..

كلٌّ إلى مثواه الأبدية.

(إدجار ألان بو)

يقال أن

(سلیمان بن داود)

أخذ ثمانية عهود

غليظة على الجن، لكن بعد

موته قامت بإخفاء العهد الثامن،

فأصبحت سبعة عهود.. العهد

رقم ثمانية والذي أخفاه الجن هو

(عدم مس الجن لأي أحدٍ من البشر)

ومن هنا تبدأ قصتنا...

\*\*\*

(١)

كانت الشمس تجذب فوق تلك القرية ذات الشوارع الملتوية التي تشبه أذرع أخطبوط عملاق، حين تعالي صياح مجموعه من الأطفال المشرددين يلعبون الكرة، قبل أن يقوم أحدهم بركل الكرة في الهواء، لترتطم بوجه امرأة شابه تعبر الطريق، فومضت عيناهما للحظة وشعرت بألم هائل..

صرخت بغضبٍ وحاولت الإمساك بالطفل الذي قفز من أمامها كالقرد، ثم اختفى في لحظة.. فكرت أن تهروء خلفه لكن وجدت أنها ستهين نفسها، فمضت في طريقها وهي تلعن الطفل، وزوجها الذي يجلس في المنزل بلا عمل، وحماته التي تعايرها لأنها أنجبت بنثاً، وجارتها التي تسببت في نفوق الأرانب التي تقوم بتربيتهم حين نظرت لهم ولم تصلي على النبي.

سارت لمدة ربع ساعة تخطت خلالها بضع شوارع قبل أن تمر أمام ناصية منزل مبني بالطوب الأحمر، يعلو سطحه لافتة كبيرة ترجو سيادة الرئيس بالترشح لفترة رئاسية جديدة..

على ناصية هذا المنزل، وبالصدفة اصطدمت بالطفل الذي ركل الكرة في وجهها وهو يجري.. كادت أن تسقط على الأرض لكنها استندت بإحدى ذراعيها على جدار المنزل، وباليد الأخرى أمسكت الطفل:

- نهار أبوك أسود.

حاول الطفل أن يتملص منها لكنها كانت تقبض عليه بيدٍ من

حديد..

صفعته على مؤخرته ثلاث صفعات قوية تليق به، وقضمت كتفه كأنها آكلة لحوم بشر.. تدخل بعض المارة وبصعوبة بالغة أقنعواها أن تسامحه وتتركه، بعدها أصبح يهذى ويتخيل أن هناك من أطفأ نور الشمس بسبب قوة الضرب.

داخل المنزل الذي تعلوه اللافتة والذي دار أمامه هذا الموقف، كانت هناك مشاجرة حامية الوطيس تدور بين الزوجين (رضوان) و (بديعة).. مشاجرة لم يهتم بها أحد من الجيران كالعادة، ولم يحاول شخص ابن حلال كما يقال أن يصلح بينهما.. الجيران تعودوا على مثل تلك المشاجرات الزوجية العنيفة.. ربما لو حدث ذات يوم وتوقفا عن الشجار لاعتقد الجميع أن هناك شيئاً ما خطأ.. طالما أنها مستمران في الشجار، فهذا يعني أن كل شيء يسير على ما يرام، هذا طبعاً إذا ما تغاضينا عن ظهور كدمات في وجه (رضوان) وبقع زرقاء في عين (بديعة) عقب كل مشاجرة.

(رضوان) كان ضخماً طویل القامة، أسمر البشرة، بينما (بديعة) جثة مصنوعة من اللحم الأبيض والأرداف العريضة واللسان الطويل.. كان (رضوان) بخيلاً جداً، وجاهلاً بمعنى أنه لا يستطيع أن يفك الخط، وبالتالي يمكنه تمييز بعض الأرقام..

في الأصل كان يعمل (كلافاً)<sup>(\*)</sup>.. ثم بين ليلة وضحاها اشتري ثلاثة أفدنه وبنى فوقهم داراً كبيرة وحظيرة بهايم.. كان منفصل تماماً عن العالم الحديث، يكتفي فقط بالذهاب إلى الحقل صباحاً، ثم العودة وتناول الغداء والاستلقاء بقية اليوم في (المندرة) يستمع إلى الراديو ومحطة الشباب والرياضة، كان مغرماً إلى حدٍ

كبير بكرة القدم.. لم يكن يهوى مشاهدة التلفاز.. كما كان يحب الاستماع لتحليل المباريات وأخبار اللاعبين، هو لا يستطيع أن يجيبك عن سؤالٍ بسيط مثل: في أي عامِ نحن؟ لكنه وعلى سبيل المثال قادر على إخبارك ما هو سعر بيع (كريستيانو رونالدو) وكيف أنه الأحق بكونه أفضل لاعب في العالم، ويخبرك أيضًا بعدد الأهداف التي أحرزها.

(بديعة) كانت على العكس منه، كانت امرأة متعلمة نالت الشهادة الابتدائية وذهبت إلى كتاب الشيخ (عبد السميع) وحفظت جزء (عمَّ) كاملاً، ولو لا ضيق الحال لقطعت في التعليم شوطاً كبيراً، وربما نالت الإعدادية مثل ابنة عمها التي تعمل لدى مكتب محاماة وتقوم بكتابة التظلمات..

كانت (بديعة) وبلا فخر تستطيع قراءة جريدة كاملة، وتعدد لك قنوات التلفزيون قناة قناة، ثم تخبرك بمواعيد المسلسل العربي والتركي والهندي والياباني.. أحياً حين تجلس مع نفسها، تحسر على زواجها من هذا الثور الذي يذيقها العذاب نهاراً ثم يمتنعها ليلاً على الوجه الأبغض.

كانت ثمرة هذا الزواج الغريب.. (وفاء).. طفلة ضئيلة الحجم، ورثت سمار والدها وقصر قامة والدتها.. (وفاء) تبلغ الآن السابعة من العمر.. نجحت في الصف الأول الابتدائي منذ أيام قليلة، وجعلت والدها يقوم بدفع خمسين جنيهاً في مقابل علبة ألوانٍ جديدة، كان قد وعد أن يشتريها لها في حالة النجاح.

لم ينتبه أحد إلى (وفاء) حين خرجت من المنزل وسارت في أزقة البلدة وهي تحمل ألوانها وكراسة الرسم حتى وصلت إلى

منطقة أرض زراعية.. مسحت المكان بعينيها، اعتادت أن تأتي إلى هنا لتلعب، على مقربة منها تقافزت بعض الفراشات الملونة، هرولت خلفها داخل العيدان الخضراء، وأمسكت إحداها وهي تشعر بسعادةٍ هائلة.. دون أن تدري قادتها قدماها إلى شجرة (جميز) كبيرة، بجوارها طاحونة مهجورة تشبه البرج، ومزخرفة بطريقة طوبة حمراء وأخرى سوداء.. منذ أعوام طويلة كان لتلك الطاحونة شأن عظيم، وكانت تعمل بشكلٍ يوميٍّ منذ أعوام طويلة ويقف أمامها الفلاحون في طوابير من أجل طحن الغلال والحبوب، بطفوليةٍ شديدة تقدمت (وفاء) تجاه الطاحونة وهي تردد أحد أناشيد المدرسة:

العصفورة جمعت القش.. قشـه وقـشـه بـنـتـ العـشـ  
عشـها عـالـيـ عـنـدـ الشـجـرـةـ.. يـعـلـوـ يـعـلـوـ عـنـدـ الـقـمـرـةـ  
تـوقـفـتـ عـنـدـ بـابـ الطـاحـونـةـ، لـتـتـقـافـزـ أـمـامـهاـ الفـراـشـاتـ منـ جـديـدـ  
وـتـحـيطـ بـهاـ فـيـمـاـ يـشـبـهـ الدـائـرـةـ.. مـنـ وـرـاءـ بـابـ الطـاحـونـةـ، خـرـجـ  
صـوـتـ خـشـنـ مـبـحـوـحـ:ـ وـفـاـاـاـاءـ.

أجفلت في مكانها واستعدت للهروب، عاد الصوت يقول:  
- ماما وبابا لسه بيتحانقو؟  
هزت رأسها:  
- أيوه.

تحرك الباب قليلاً مصدراً طنيتاً مخيفاً:

- ادخلي.

تجمدت في مكانها.. لم تكن تدري ماذا تفعل.. عقلها الصغير يحاول أن يصل لقرار، الصوت يقول بملل:

- بسرعة قبل ما أكل غزل البنات كله.

تمتمت:

- أنت معاك غزل بنات؟

غمغم:

- أيوه جميل ولو نه وردي.. أنتي بتحببي اللون الوردي، صح؟

لم ترد (وفاء) مباشرة، قالت بعد برهة:

- لا، الأبلة في المدرسة بتقول إن فيه ألوان صناعية.

همت بالرحيل لكن الصوت عاد يقول بسرعة:

- غزل البنات الأبيض موجود.. أبيض وجميل.

التفتت (وفاء) من جديد وحاولت أن تنظر إلى ما بالداخل.. رأت ما يشبه عينين صغيرتين، هتفت ببراءة:

- أنت مش بتخرج ليه؟ حد حبسك؟

ضحك الصوت:

- لا طبعاً.. أنا هنا لوحدي.

فكرت (وفاء) أن الشخص الموجود بالداخل مسكين ويحتاج إلى العطف، عاد الصوت يقول:

- وفاء هتبيجي.. أنا هقفل الباب حالاً.

صاحت وهي تسرع الخطى للداخل:

- لا.. لا.. أنا جايـه.

ولم تكـد تـعبر حتى أـغلـقـ الـبـابـ منـ خـلـفـهاـ فيـ دـوـيـ مـزعـجـ،ـ وـتـصـاعـدـ منـ حـولـهاـ بـعـضـ الغـبارـ فيـ الـهـوـاءـ..ـ التـفـتـ حـولـ نـفـسـهاـ فيـ قـلـقـ تـبـحـثـ عنـ الشـخـصـ الـذـيـ كـانـ يـتـحدـثـ معـهاـ..ـ

لا أثر له..

في أعلى السقف الذي يشبه القرطاس، كانت توجد أعشاش بوم كثيرة.. كما كانت توجد أيضاً نافذة صغيرة يتسلل منها الضوء على استحياءٍ شديد.

سارت (وفاء) حتى وصلت إلى حجر الطاحونة الضخم الذي يستخدم لطحن الغلال.. تحسست ملمس الحجر الهائل.. كان خشنًا وباردًا جدًا.

من ركن مظلم، خرج الصوت يقول:

- تعرفي أن الطاحونة دي عشان تشتغل رموا فيها بنت صغيرة في نفس سنك.

سحبت (وفاء) يدها من فوق الحجر بحركةٍ حادة حينما عاد  
الصوت يقول:

- زمان كان في راجل طيب.. ورث قيراطين طين من أبوه.. باعهم عشان يبني الطاحونة.. دي كانت أول طاحونة في البلد.. وهو فكر أنها هتجيب له فلوس كتير، لكن الأهالي مكنوش متعددين عليها وكانوا بيطحنوها في البيوت.. صاحب الطاحونة كان بيجي كل يوم يفتح الطاحونة، ويفضل قاعد قدامها لا حول له ولا قوة، ويتحسد على أرضه اللي باعها.. وفي يوم واحدة سرت معدية اقتربت عليه يرمي بنت صغيرة في الطاحونة، وقالت له إن لما دم البنت يغسل حجر الطاحونة، الرزق بتاعه هيكتر.. بعد كام يوم الأهالي بدأوا يقفوا قدام الطاحونة بالطوابير.. محدش عارف هو عمل كدا ولا لا.. بس خلال الوقت ده في بنت اختفت ومحدش لقاها خالص.. طبعاً دي مش قصة حقيقة.. دي تخاريف.. أو عي تكوني بتصدق في التخاريف.

- يعني إيه تخاريف؟

- دي حاجة زي الحواديت.. أكيد بتتحبي الحواديت.. مضبوط؟

- بحبها أيوه.

قال الصوت:

- بتتحبي حدوتة مين؟ أنا عندي حواديت كتير.. عقلة الإصبع.. سرت الحسن والجمال.. أعرف كمان حدوتة الغوووووولة.

- الغولة؟!

- آه دي حدوٰة جميلا.. ماما محكتهاش ليك؟

- لا.. ماما مش بتحكي ليها حواديت خالص.

- الغولة دي واحدة ست بتأكل البنات الصغيرين اللي زيك.

تراجعت (وفاء) بظهرها حتى وصلت إلى الباب، وهي تقول:

- أنت تعرف الغولة؟

قال الصوت بسخرية واضحة:

- أعرفها.. لا طبعا.. أنا بخاف منها.. أنا بخاف من كل حاجة..  
بخاف حتى من الظلمة.

ولم يكدر ينطق كلمة (الظلمة) حتى غرقت الطاحونة كلها في  
ظلام دامس كأنها كانت كلمة سر.

تجمدت (وفاء) في مكانها وارتقت ضربات قلبها بشدة مع  
ضحكةٌ خبيثة انطلقت من كل مكان..

فجأة يد من حديد قبضت على كتفها.. شعرت بالألم الذي تحول  
بسرعةٍ لنبضات متقطعة، انتقلت إلى قلبها وكاد أن يتوقف من  
الخوف.. ضرب نور مصباح قوي في عينيها، كان أشبه بشمسٍ  
صغيرة.. استطاعت أن تميز يدًا معروقة تقبض عليه بإحكامٍ  
شديد، من وراء المصباح لمحت وجهها ذا ابتسامة شريرة وأسنان  
منخورة.. غمغمت (وفاء) بخوفي وهي تراجع بظهرها وتحتضن  
ألوانها وكراستها:

- أنا.. أنا خايفة.. عاوزة ارجع البيت.

تحرك الوجه يمبيّأ ويساراً بمعنى (لا).

ابتلعت (وفاء) ريقها بصعوبة، ثم استدارت نحو الباب وحاولت أن تفتحه.. كانت يدها تهز مقبضه بلا فائدة.. ازداد لديها الشعور بالخوف والفزع، كانت ترتعش وتتصدر حركات عصبية غير ذات معنى.. من فوق كتفها ودون أن تشعر ظهرت يد تملئ بالشعر الأسود والمخالب، وراحت تتسلل بصمتٍ مميت نحو عنقها..

لسبِّ ما التفتت (وفاء) إلى الخلف..

لا وجود لتلك اليد البشعة.. هناك فقط تلك اليد التي تمسك المصباح..

قالت (وفاء) ببراءة:

- الباب مش بيتفتح.

ظهرت يد أخرى وسحبت مقبض الباب فتحرك بهدوء، قال الصوت:

- محتاجة تكوني أقوى من كدا.

تنقلت (وفاء) ببصرها بين المصباح والممر الطويل المرعب الذي ظهر وراء الباب.. لم يكن هناك وجود للطريق الزراعي الذي جاءت منه.

عاد الصوت يقول:

- يلا.. روحـي.

في يأيٍ تقدمت (وفاء).. تجاوزت حافة الباب دون أن تنظر مرة أخرى إلى الوراء..

اشتمت رائحة رطوبة وغبار، وأشياء عفنة..

قلبها ينحني في صدرها وهي تفكّر.. ما العمل الآن؟.. هل تعود للداخل أم تغامر وتكمل؟

لم تستمر حيرتها كثيراً، فقد أغلق الباب من ورائها وأصبحت سجينه هذا الممر..

دون أن تشعر سقطت منها الألوان وكراسته الرسم..

الإضاءة لم تكن جيدة حتى تستطيع تمييز ما حولها.. فقط كل تفكيرها هو كيف تخرج..

في تلك اللحظة جالت بخاطرها العشرات من الأفكار المرعبة.. تخيل مئات من الوحوش والشياطين الذين يريدون التهامها.. الغريب أنه لم يحدث شيء سيء، لقد ظهر باب في نهاية الممر، ومن ورائه كان يوجد الطريق الذي جاءت منه، ارتحت أعصابها بعض الشيء، ثم اندفعت بأقصى ما لديها من سرعة نحو هذا الباب..

كانت تشعر أن هناك أحداً خلفها..

حانة منها التفاتة سريعة إلى الوراء..

لا أحد..

اطمأنت..

اقتربت من الباب..

استعدت للخروج..

ثم تذكرت الألوان والكراسة..

عادت تلتفت إلى الوراء.. إنها هناك ملقة على مسافة ليست بالبعيدة..

فكرت..

عادت للداخل من جديد..

قلبها يدق بشدة..

وصلت إلى الألوان والكراسة ثم حملتهم من فوق الأرض..

نظرت إلى الظلام الذي يأتي من الناحية الأخرى..

سمعت همسا كالفحيج..

بسرعة عادت تجري باتجاه باب الخروج..

ومثل المرة السابقة راودها هذا الإحساس المخيف، أن هناك أحداً خلفها، فاللتفتت لكنها لم تجد شيئاً..

وصلت إلى الباب، واستشعرت الهواء البارد المعبر برائحة الزرع الذي يأتي من خلاله..

هدأت أعصابها..

ارتسمت ابتسامة على شفتيها وهي تخيل ملامح أمها حين  
تحكي لها ما حدث و..

وفجأة جذبتها يد قاسية نحو الأرض وقتلت صرختها.

\*\*\*

(\*) الكلاف: هو من يقوم بعلف الماشية وتربيتها.

(٢)

- كمال.. كمال.

الصوت المذعور الذي يبحث عن النجا<sup>ة</sup> يضرب لحاء مخ (كمال)  
بقسوة..

فتح عينيه بصعوبة..

إنه فقط الغبار الذي يحرق صدره، والأنفاس الثقيلة، ورائحة  
الدماء..

حاول النهو<sup>ض</sup> لكن كان هناك وزن هائل يجثم فوق ظهره،  
ويجعل ضلوعه تكاد أن تختلط بعضها البعض..

أزاح كتلة حجرية ليكتشف وجود سيخٍ حديدي يحترق ساقه،  
دماً تخرج من الجرح، فتختلط بالتراب والطوب وتصنع فوقهم  
أشكالاً مشوهة، لم يكن يشعر بالألم، تحسس السيخ الحديدي  
الذي يعوق حركته، نهايته معقوفة كخطاف صيد، استجمع  
شجاعته وقوته، ثم قبض على السيخ بكلتا يديه وبدأ في  
انتزاعه، أطلق صرخة هائلة وقد انفجرت داخله براكيين من الألم  
والحمم التي مزقت عقله، السيخ يمتد في يده ويخرج ممتلئاً  
بالدماء وبقطعة لحمٍ كبيرة..

- كمال.. كمال.

صوت زوجته يتكرر، وقد صار ضعيفاً واهئاً.

سعٌ بشدّةٍ وهو يحاول اختراق كومة الغبار بيديه.. نادي:

- أنتي فين؟

تحت كومة من بقايا المنزل المنهاز، رأى جزءاً من ساقها الممزقة، نهض متربناً وهو يزير أكواام الطوب والإسمنت، كان يصرخ ويبكي في نفس الوقت، وصل لجسدها الذي انسحق معظمها، بين ذراعيها كانت تضم جسدًا صغيراً وتحمييه.

- بابا.. بابا.

استفاق من ذكرياته على صوت (محمد) ابنه الذي كان ينظر من نافذة القطار ويتابع الحقول الخضراء المتناثرة..

- عاوز إيه؟

طلب منه أن يشتري له حلوي من أحد الباعة الجائلين الذي كان يمر بالجوار..

نادى البائع واشترى منه قطعتين، أخذ منها واحدة لنفسه.. كانت تمتلئ بالسكر وشيء يشبه الفول السوداني المحروق، قضم منها قطعة صغيرة، فكاد أن يبصقها بينما كان (محمد) يلتقط قطعته في تلذذٍ عجيب.. اهتزت العربة بشدة مع صوت احتكاك الفرامل بالحديد، وبدأت سرعة القطار تتناقص قبل أن يتوقف أمام أحد (المزلقانات).. جلس البائع في مواجهة (كمال) ليعيد ترتيب بضاعته، سأله (كمال) باهتمام:

- شكلك متعلم.

ابتسم البائع:

- خريج كلية تجارة...

ثم أشار إلى شابٌ مشعرٌ ببيع أدوات حلاقة وأمشاط بلاستيكية، وأردف:

- والواد اللي هناك ده خريج آداب.

قلب (كمال) نظره بين كليهما ثم قال:

- الشغل مش عيب، المهم انك متقدش إيدك لحد.

في تلك اللحظة، مر أمامهم شاب يحمل أدوات عمل الشاي، أشار إليه (كمال) وسأل:

- وده خريج إيه كمان؟

ضحك البائع:

- لا.. ده شخص مجهول الهوية.

حاول (كمال) أن يبتسم:

- بيقى خريج هندسة.

أطلق البائع ضحكة عالية، جعلت كل من في العربية ينظر إليهما، ثم جرى مسرعاً ونزل من القطار الذي عاد يتهدى، ويكمم طريقه كسلحفاة تسير على البر.

التفت (كمال) إلى (محمد) وطلب منه التوقف عن الحركة:

- بلاش شقاوة.. اقعد عشان المسامير اللي في رجلك.

زفر (محمد) بضيقٍ وصنع باللونتين من الهواء على جانبي وجهه،  
قبل أن يقول:

- أنا كوييس.

حمله (كمال) فوق ساقيه، وراح يمسح فوق رأسه قائلاً بحنان:  
- أنا عارف.

سحب (محمد) نفسه من بين ذراعيه، وعاد ليقف على الكرسي المواجه له، وينظر من نافذة القطار الذي راح يهتز يميناً ويساراً.. ألقى (كمال) رأسه بجوار النافذة، وأخذ يستنشق بعض الهواء الذي صار أكثر نقاءً كلما ابتعد عن المدينة، أسبل جفنيه قليلاً، كان قد استيقظ هذا الصباح مرهقاً بعدما أمضى الليلة كلها ما بين النوم واليقظة، كثرة التفكير أضنت عقله وجسده، بالرغم من ذلك حاول ألا يتباطأ وأسرع الخطى وهو يحمل (محمد) بيده اليمنى والحقيقة باليمنى..

كانت قد مضت سنة كاملة منذ أن عاد من ليبيا بعد تعرض السكن الذي كان يقطن فيه لهجوم مسلح، أسفراً عن موت زوجته وتركيب ثلاثة مسامير في جسد ابنه الوحيد، هو أيضاً لم يخرج سليماً فقد استقر سيخ حديد في ساقه وترك فيها فجوة واسعة وعرجاً دائمًا، ترك ذكرياته جانبًا وأخرج (ساندويتتش) راح يتناوله على مهل وهو يشرب الشاي، صوت عجلات القطار وهي تطحن القضبان كانت تمثل له خلفية موسيقية للمشاهد المتلاحقة لجوانب الطريق وهو يتبعها بشغف قديم، بعد مدةٍ ارتدى (محمد) بجواره حين مل من متابعة الطريق، وسأله (كمال):

- مالك؟

- زهقت يا كمال.

- أنا أبوك مش صاحبك اللي في المدرسة.

غمغم (محمد) بكلمة غير مفهومة، عاد (كمال) يقول:

- طيب نام شوية ولما تصحي هنكون وصلنا.

- مش عاوز أنام.

قالها (محمد) وهو يمد كلتا ساقيه للأمام في محاولة منه أن يلمس طرف المقعد المقابل له، لكن قدمه كانت أقصر من اللازم، كتم (كمال) ضحكة كادت أن تفلت منه، حينما عاد (محمد) يسأله وهو ما زال يقاوم:

- الساعة كام دلوقتني؟

رد (كمال):

- ستين دقيقة.

- بطل رخامة بقى.

- هديك على دماغك.

ضحكـت امرأة وزوجها، كانا يجلسان على المقعد الملـاـصـقـ لهـ، فـشـعـرـ بـحـرـجـ بالـغـ جـعـلـهـ يـرـمـيـ (محمدـاـ) بـنـظـرـةـ حـادـةـ كـالـرـصـاصـ..

حاـولـتـ اـمـرـأـةـ أـنـ تـرـطـبـ الأـجـوـاءـ وـتـبـادـلـتـ معـ (محمدـ) بـعـضـ

ال الحديث ..

تابع كمال حوارهما وهو يتفحص زوج المرأة، كان في العقد الخامس من العمر ويبدو كموظفي أرشيف حكومي ..

لاحظ الزوج أن (كمال) ينظر إليه، فابتسم وقال:

- ابنك ده عسل.

كانت طريقة نطقه للكلمات تدل على أصولٍ ريفية، أو ما (كمال) برأسه قائلًا:

- بس شقي قوي.

- حاول تجاريه في الكلام، الطفل في السن ده بيعتبر أبوه مركز الكون.

- ربنا يسهل.

- كله خير بإذن الله، أنت رايح فين؟

- والله ما أنا عارف.

ضحك الرجل بقوّة لدرجة أن بعض الرذاذ تناثر فوق وجه (كمال).

قال الرجل:

- يا عم قول كلام غير ده .. فيه حد مش عارف هو رايح فين.

مسح (كمال) ما علق على وجهه من رذاذ وقال:

- آه زي ما بقولك كدا.. أنا رايح لواحد صاحبي اسمه (كرتونة).

غمغم:

- كرتونة!

- هو اسمه الحقيقي (كريم) بس شهرته (كرتونة) لأن حجمه صغير، لو شفته هتلaciه شوية جلد على عضم، الناس سموه كدا تريقه، عشان كان لما بيحب ينام كان بيدخل جوه كرتونة كبيرة وينام فيها، بس هو ابن حلال وطيب، وكان شغال معايا في ليببيا قبل ما نسيها ونزل مصر أو بمعنى أصح قبل ما نهرب منها.

هتف الرجل:

- ليببيا! ده القتل هناك مبيخلصش.

- والله أنا كنت في منطقة أمان وكنت بقول أنا عايش زي أهل المكان ومكنش فيه فرق بيني وبينهم.. لكن في يوم حصل هجوم من داعش، ومراتي وشقا عمري وكل حاجة راحت في ثانية، ويدوب عرفت أهرب أنا وابني.

تمتم الرجل في أسى:

- لا حول ولا قوة إلا بالله.

- ونعم بالله.

سأله الرجل باهتمام:

- كنت شغال إيه هناك؟

- فني مصبغة في مصنع ملابس.

- المصنع ده تلاقيه اتدمر دلوقتي.

زفر (كمال):

- بقى شوية تراب.

- طيب صاحبك كرتونة قالك تنزل فين بالضبط؟

- قال لي اركب القطر ده، وعند آخر محطة انزل.

صاحب الرجل لأنما عثر على شيء مفقود منه:

- آه تمام.. عرفتها، على العموم هي المحطة اللي بعد مني علطول.

هتف (كمال) في فضول:

- طيب البلد دي وضعها إيه بالضبط.. طمني.

ابتسام الرجل:

- بص هي متقدرش تقول عليها مدينة ولا قرية.. هي حاجة كدا مزيج بين الاثنين.. مكان تحس مش موجود على الخريطة وعامل زي اللي رقصوا على السلم، لا طالوا سماء ولا أرض.

صمت برهة ليتقط أنفاسه، وراح بعدها يستعرض كل المعلومات التي لديه عنها، بأنه مدرس تاريخ أو ما شابه ذلك، ثم أنهى كلامه عنها بأنها أرض مظلومة.

- ليه بتقول كدا؟

أجاب الرجل:

- زمان هي كانت حلقة وصل لأكتر من قرية حواليها، كان عشان تسافر أو تشتري حاجة لازم تمر منها، حالة أهل البلد كانت كويسة وأسعار الأراضي فيها زادت، لكن يا بنى زي ما بيقولوا دوام الحال من المحال، وبعد لما اتبنت سكة القطر واتعمل طريق دولي بقت هي آخر محطة وبسبب ده قل دورها أو بمعنى تاني مات دورها خالص، وأحوال العباد هناك اتبدلت واللي كان عايش مبسوط صابه الفقر والجوع.

شعر (كمال) بتsonoامي من القلق يضرب صدره وهو يسمع ذلك، قبل أن يقول:

- لكن أنا سمعت إن هناك منطقة صناعية جديدة والمفروض إني هشتغل هناك.

- هي مش منطقة صناعية زي ما انت مفكـر، لكن (محروس) ابن الحاج (داعر) عامل هناك مصنع ملابس جديد، وتقربياً المصنع ده هو الشيء اللي باقي مع كام حته أرض زراعية هناك، عايش على خيرها أهل البلد.

استفسر (كمال):

- يعني تنفع أعيش فيها وألاقي لقمة عيش ليا ولابني، أنا بقالي سنتين من ساعة لما رجعت مصر عمال اتنطط من هنا لهنـاك ومفيش مانع عندـي ارجع؟

أجاب الرجل:

- تنفع طبعـاً.

ثم سأل (كمال):

- لكن أنت منين أصلًا؟

أمال (كمال) رأسه وهو يقول:

- أنا من قرية تبع محافظة الدقهلية لكن زي ما أنت عارف لقمة العيش بتحكم.

بدأ الرجل كمن يحدث نفسه وهو يردد:

- آه عارف عارف...

وصمت قليلاً قبل أن يستدرك:

- متقلقش هي بلد كويسة وأهلها أهل كرم، ولو حبوك هيرفعوك فوق دماغهم.

في تلك اللحظة بدأت سرعة القطار تتناقص رويداً رويداً.

- دي محطةنا.

قالها الرجل وهو ينهض متثاقلاً، صافحه (كمال) مودعاً إياه:

- فرصة سعيدة.

- أشوف وشك بخير.. المحطة الجاية هي محطتك.

وتأبط يد زوجته وسارا سوياً ببطء كمن يسيراً إلى القبر..

تابعهما (كمال) ببصره حتى نزلَا على أرض المحطة، وفي لحظة

تلاشت ملامحهما من ذاكرته.. كان هذا أحد الآثار الجانبية للصدمة النفسية التي تعرض لها بعد الحادث كما أخبره طبيبه المعالج والذي نسي ملامحه هو أيضاً..

أرخي (كمال) رأسه على النافذة قليلاً، وراح يفكر فيما قاله الرجل إلى أن بدأ الظل يغمر القطار وهو يدخل تحت سقف المحطة، ثم ظهر اسم البلدة على لافتة معدنية علاتها الصداً..

(تل العبيد)

\*\*\*

طنين ذباب أحاط برأس كريم (كرتونة) الذي لم ينفك يحاول إبعاده بيده، وهو يسرع الخطى داخل حارة جانبية تكتظ بالقاذورات وأكوام القمامه، في طريقه إلى المحطة للقاء (كمال)..

كان (كرتونة) حاد الملامح، كثيف شعر الرأس مثل شباب (الهبيز أو الخنافس) كما يطلق عليهم.. كما كان يرتدي قميصا فضفاضاً به العديد من الألوان، يتسع لشخص آخر بجواره، وبنطالاً أبيض اللون يصل إلى ما فوق ركبتيه، وجوربین طويلين لونهما أحمر يغطيان ركبتيه، وحذاءً كلاسيكيّاً يشبه حذاء (جحا).. باختصار كان يشبه المهرج أو شخصية كارتونية خرجت من إحدى حلقات (سبونج بوب).

تجاوز (كرتونة) الحارة القذرة ثم انحرف باتجاه مسجد القرية الكبير:

- السلام عليكم يا أهل الخير.

ألقى السلام على مجموعةٍ من المصليين الذين خرجوا للتو من صلاة الظهر.

## رد أحد الرجال الملتحين:

- وعليكم السلام ورحمة الله وبركاته.

قال آخر:

- سنتظرك في درس العشاء.

وأردف ثالث:

- لا تدع الدنيا تنسيك الآخرة يا أخي.

هتف (كرتونة) مقلداً طريقة كلام المسلسلات الدينية:

- هيئات هيئات.. كلا بنا.. لا تنسوا أطياق الأرض باللين.

ثم تجاوزهم ليعبر هذه المرة أمام القهوة التي تلاصق الجامع من الخلف ويجلس على ناصيتها مجموعة شباب يدخنون أحجار المعسل الممزوج بالحناء والعلكة.

شدو پا ولاد الهرمة.

قالها وهو يمد إبهامه إلى فمه ويشفط الهواء كمن يدخن حجر معسل، رد أحد الشباب الجالسين وهو يبصق كتلة بلغم بحجم ليمونة صغيرة:

- حبّينا يا كرتونة.

- نصاية كدا وراجع.

- ماشي بس هات تموينك معاك.. إحنا مش هنقضيها ودي.

- يا ابن الهرمة، ده أنا اللي مربيك.

أشاح الشاب بيده مستنكراً:

- يا عم دي مكتتش سيجارة حشيش خدتها منك من خمس سنين.

قال (كرتونة):

- يابني هي دي كانت سيجارة عادية.. دي اللي خلتكم تدخل لعالم الضياع والفشل الجميل.

ثم تبادل مع الشباب بعض العبارات المضحكة (+18) قبل أن يسرع الخطى ويكمم طريقة تجاه المحطة حتى وصل إلى أحد الكباري الخشبية المتهاكلة، يمر فوق الترعة الوحيدة التي تغذى الأراضي الزراعية ويتسع بالكاد لمرور شخصين متجاوريين..

في نهاية الكوبري كان يوجد ضريح مجهول الهوية له قبة خضراء وفوق القبة هلال مصنوع من الخشب..

لا أحد يعرف لمن هذا الضريح.. البعض يقول أنه لأحد صحابة الرسول الذين جاءوا إلى هنا، والبعض يقول أنه لأحد أولياء الله الصالحين الذين عاشوا خلال فترة حكم (الحاكم بأمر الله) وهرب من بطشه إلى هنا..

على أية حال كان الأهالي يحبون التبارك به وينذرون له النذور،

ويؤكدون أن الدعوة أمامه مستجابة.. لقد دعوا ذات يوم أن تفوز مصر في مباريات كأس العالم، فانهزمت الثلاثة مباريات واحتلت المركز الحادي والثلاثين من ضمن اثنين وثلاثين دولة.

فجأة اعترضت طريق (كرتونة) عينان واسعتان أطلتا من تحت دلو ماء آسن.. هتف بلهفةٍ وشوقٍ وفرح:

- (هدى) ...

حاول أن يقول لها شيئاً لكنه ارتكب.. قالت:

- إزيك يا كريم.

تأمل وجهها الدائري الذي يشبه القمر وقد احتلط فيه حمرة وجنتيها بسمرة بشرتها مع ابتسامتها الخجولة.. ثم قال:

- الله يسلامك.. إزيك.

أجابت:

- الحمد لله.

سألها:

- المية مقطوعة عندكم ولا إيه؟!

أومأت برأسها في نفس اللحظة التي مرت فيها مجموعة من الفتيات وهن يختلن قبل أن يطلقن ضحكات غريبة كأصوات الضفادع..

شعرت (هدى) بالانزعاج منهن لدرجة أن يدها التي تمسك بالدلو

قد اهتزت، فتساقط عليها بعض الماء وبل جزءاً من وجهها، حاول أن يحمل عنها:

- عنك انتي.

قالت بصوتٍ خفيضٍ:

- لا.. شكرًا.

ثم تخطّته وهي تتمّم:

- ابقي خلينا نشوفك.

استند بظهره إلى حائط أحد المنازل وظل يراقبها وهو يضع يده على صدره حتى يمنع قلبه من الركض خلفها.

على الناحية الأخرى من حائط المنزل الذي يستند إليه، وداخل المنزل نفسه كانت الإضاءة معتمة.. المنزل متواضع الأثاث لكن هناك فوضى كبيرة.. يوجد ممر صغير في نهايته حجرة بابها مفتوح مثل فم يحاول الصراخ، من داخل الحجرة تخرج حشرجة مكتومة، وراء الباب لا يوجد شيء مميز، فقط هناك سرير ودولاب ومرآة كبيرة، وليس هناك أي أحد في الغرفة.. مروحة السقف تدور على أقل سرعة ولا يخرج منها هواء لكن توجد رائحة كريهة تشبه رائحة الصودا، يتكرر صوت الحشرجة من جديد، هناك شيء.. تحت السرير ظهرت امرأة مسجاة على ظهرها، جاحظة العينين، تخرج من فمها رغوة بيضاء، وفي يدها علبة حبوب منومة فارغة..

كانت (بديعة) التي يئست من حياتها بعد اختفاء ابنتها منذ شهر

وقررت أن ترکب قطاراً سريعاً إلى الموت.

\*\*\*

على باب المحطة التقى (كمال) بـ (كرتونة)..

استغرقت الأحضان بينهما ربع ساعة كاملة لدرجة أن (محمدًا) راح يتائف من الملل.. حمله (كرتونة) فوق ذراعه وهو يقول:

- أنت مش فاكرني يا محمد.. أنا عمو كرتونة.. على فكرة أنا كنت مع أبوك في المستشفى يوم ولادتك.. وأنا اللي ادنت في ودنك اليمين وأقمت الصلاة في ودنك الشمال عشان الشيطان ميقربش منك.

وضع (كمال) يده على كتف (كرتونة):

- وقوتك معايا كبيرة قوي عندي وخدمة مش هتساها.

ردد (كرتونة) وهما يسيران سوياً:

- على إيه بس.. أنت خيرك عليا.

ثم أخبره أن وظيفته في مصنع الملابس محجوزة منذ أيام، فقال (كمال):

- قلقان قوي يا كرتونة.. خايف مقدرش اسد في المكان ده.

طمأنه (كرتونة):

- الشغل بسيط.. المصبغة أنت هتمسكها وأصلاً المصنع مفيهوش كواذر كويسة.. صدقني أنت في خلال سنة هتاخذ وضعك.

ابتسه (كمال):

- شكلك عطيهم عنى انطباع كبير.

- أنا طالع بيكم السماء هنا.

سؤاله (كمال) عن المكان الذي سيمكث فيه.

أخبره (كرتونة) أنه قد استأجر له منزلًا جيدًا، له جيران يتسمون بالخير والود، سيشعر معهم بارتياح شديد.

- يا رب يا كرتونة.. بيني وبينك أنا تعبت من الشقا والسفر.

- البلد هنا هتسريح فيها، وبعيد عن الزحمة ودوشة المدن.

-بس واضح أنها هادية قوي، ومفيهاش حتت كتير ممكن الواحد يروحها.

**غمغم (كرتونة):**

- بالعكس هنا هتلaci كل حاجة.. كافيتريات وقهاوي ومطاعم وجناين، وفيه كمان سينما مفتوحة جديـد.

ابتسه (کمال):

- البلد دي أنا مش فاهمها.

- ومتحاولش تفهمها يا صاحبي.. امشي معاها وسايرها على أد ما  
تقدر.

وصلوا إلى منطقة ذات أرض زلقة، معظم بيوتها مصنوعة من

الطيب اللبناني، يجلس أمام أبوابها نساء فقيرات، ويمرح حولها حشود من الدجاج والبط..

حدث (كمال) نفسه قائلاً: «لو كان المنزل الذي سيعيش فيه هو واحد من هؤلاء، فسوف يعود أدرجه في الحال.»

قال (كرتونة) كأنه قرأ ما يدور في خلده:

- دي منطقة بتاعة شحاتين الرز.. شوية ناس غلابة عايشين على التسول، وبيجوا في موسم الرز بيروحو ياخدوا الزكاة من الفلاحين على هيئة رز ويجمعبوه وبيبعوه.

- ده نوع من أنواع التسول.

- صحيح بس اعتبره نوع من أنواع التكافل بتاع البلد هنا.

حاول (كمال) أن يفهم:

- إذا كان فيه شغل مبيشتغلوش ليه؟

رد (كرتونة) بوجه عبوس:

- أكتر دول ستات مطلقات أو أرامل.

قال (كمال) وقد استوعب ما يحدث:

- انتوا كدا بتعاملوهم كأنهم منبوزين.

رد (كرتونة):

- هنا السيدة المطلقة عامله زي المرض اللي بيقتل صاحبه واللي

انتهى الكلام عند هذا الحد، وران صمت بينهم لم يقطعه سوى صوت العلقة في فم (محمد)..

أثناء ذلك شعر (كمال) أن أهل البلدة يتميزون بالرصانة.. الرجال يمشون في صمتٍ وبخطواتٍ سريعة، بينما النساء يرتدين ملابس محتشمة ولا يضعن مساحيق التجميل.

بعد مدة دخلوا إلى شارعٍ نظيفٍ مرصوفٍ وعلى ناصيته محلٌ  
بقاله ذو رصيفٍ مرتفعٍ وأمامه تم وضع ثلاثة مشروبات غازية،  
والكثير من عبوات البطاطس و(مقرمشات الذرة) ..

وأشار (كرتونة) إلى بيتٍ من طابقين، تمتلىء جدرانه الخارجية بكفوفٍ من الدم ويقع في نهاية الشارع:

- الپیت هناءک اهو.

كان منظر البيت لا يأس به.. أشار (كمال) إلى الكفوف:

دی من ایه؟

رد (كرتونة):

- البيت أصلًا جديد وأصحابه عاملين كدا عشان الحسد.

## - أصحاب البيت إيه نظامهم؟

- اتفقت معاهم إن الكلام معايا.. يعني الإيجار أنا هاخده منك وھعطيه لهم كل شهر، وهمأ لو عندهم شکوى ولا حاجة هيبلغوني.. بس متقلقش دول ناس طيبين قوي.

قال (كمال) ببعض الارتياح:

- طيب تمام.. طمنتنى.

قاده (كرتونة) إلى الداخل، وهو يقول:

- شقة حلوة قوي وھتعجبك.

كانت الشقة مكونة من ثلاثة غرف وبھو واسع، الأثاث الموجود كان بسيطًا لكنه أكثر من مناسب كما أنه كافٍ جدًا..

بعد أن تفحص (كمال) الشقة، ارتاح واطمأن كثيراً، ثم قال:

- هي فعلاً كويسة جدًا.

وأشار (كمال) إلى مصباح كيروسين معلق:

- حافظ على دي، النور بيقطع هنا كتير.

- معايا كشاف في الشنطة.

- مفيش أحسن من لمبة الجاز.. اسمع كلامي.. المهم أنا همشي دلوقتي.. النهاردة الخميس وبكرة الجمعة والسبت أجازة عيد العمال.. هعدي عليك الحد الصبح واخدك نروح المصنع ونقابل المهندس معنتز وتسسلم الشغل.

صافحة (كمال) بامتنان، وقال:

- ألف شكر.

ابتسم (كرتونة) بحاج:

- متنقولش كدا.

ثم هم بالانصراف لكنه تذكر شيئاً، فقال له (كمال) بصوتٍ خافت حتى لا يسمعه (محمد):

- محتاج فلوس.. أجيبي لك؟

- لا.. لا.. ربنا يبارك فيك.

- متأكد.. دي مش عزومة مراكبيه.

- صدقني لو احتجت هطلب منك.. بقولك إيه اقعد اتغدى معانا النهارده.

- مش هينفع.. الحاج محروس مكلفني بموضوع وهروح اقضيه.

- مين الحاج محروس ده؟

قال (كرتونة) في غموض:

- متستعجلش.. هتتعرفه بعددين.

\*\*\*

(٣)

- فول تانك.

قالها (الحاج محروس) لعامل محطة الوقود الذي جاء مسرعاً.

- تحت أمرك يا حاج.

كان (الحاج محروس) هو الابن الأكبر للمرحوم (داغر).. أحد أعيان البلد وأشهرهم على الإطلاق.. ويملك مائتي فدانًا ذوات خصوبة عالية، يتم تصدير إنتاجها إلى الخارج بصفة دورية.. بالإضافة للأرض كان شريكاً في مصنع الملابس الحديث مع زوج أخته المهندس (معتز)..



بعض الجهلاء كانوا يتندرون حول ثروته ويقولون أنه أغني من (الله).. (الله) يملك فقط بعض النجوم التي تظهر في الليل، أما (محروس) فيمتلك أموالاً لو تم رصفيها فوق بعضها لوصلت إلى تلك النجوم.

بعيداً عن هؤلاء الجهلاء هو شخص شعر حين تلقاءه أنه بسيط جدًا ولا يحب التباهي بثرائه.. هناك شيطان فقط يهتم بهم في حياته، معدته وما بين ساقيه.. غير ذلك هو لا يعبأ بشيء..

كان ذو كرش عريض يتدلّى أمامه كقربة ماءٍ تهتز كلما تحرك، أيضاً كانت قدماه قصيرتان جدًا وبهما تقوس واضح، يجعله يشبه الغوريلا حين يسير.

بينما كان عامل المحطة يتتابع عداد ماكينة ضخ الوقود، كان

(الحاج محروس) يقلب محطات الراديو باهتمامٍ، حتى توقف عند واحدةٍ يخرج منها صوت (أم كلثوم) وهي تغنى:

أغداً ألقاك

أنت يا جنة حبي واحتياقي وجنوبي

أنت يا قبلة روحي وانطلاقي وشجوني

أغداً تشرق أضواوك في ليل عيوني

ألقى رأسه على مسند المهد، وغاب قليلاً في ذكرياتِ مضت،  
قبل أن يستفيق على صوت عامل المحطة، وهو يلصق وجهه  
بزجاج نافذة سيارته حتى كاد أن يعبر من خلالها قائلاً:

- كله تمام.. أي خدمة تاني؟

رد (الحاج محروس) بلا اكترات:

- لا.. شكرًا.

ثم أخرج حافظة نقوده المكتظة مثل أتوبيس عام يسير في  
شوارع القاهرة، وهو يسأل:

- كام يا بني؟

أجاب العامل:

- 295 جنيه بس يا حاج.

انعقدا حاجباً (الحاج محروس) حتى كادا أن يتلامساً وصاح

باستغراب:

- ليه؟

ابتسم عامل المحطة:

- أنت متعرفش يا حاج.. النهاردة كان في صب جديد في المصلحة.

ضرب (الحاج محروس) كفافاً بكاف:

- برضه.. إحنا مش هنخلص من المصلحة دي.

- هنعمل إيه بس يا حاج.. دول ناس مبيحسوش بینا.

- ولا عمرهم هيحسوا.. أنت اسمك إيه يا ابني.

- (سيد).. محسوبك سيد.

ناوله (الحاج محروس) ثلاثة جنبها:

- خلي الباقي عشانك يا سيد.

لمعت عينا (سيد) في فرح:

- ربنا يبارك فيك ويسلم طريقك يا حاج و...

لم يسمع (الحاج محروس) الباقي لأنه انطلق بسيارته مسرعاً في ضجر..

خلال طريقه مر من خلال الميدان الرئيسي للبلدة والذي امتلأت جدرانه بصور مرشحين انتخابات مجلس الشعب السابق.. كانت

صورته من بينهم وهو يبتسم ابتسامة ثقة خفيفة لم تشفع له للفوز..

تoggler بالسيارة بين حواري ضيقة تكتظ بالمنازل القديمة والأطفال الذين يشبهون الذباب، حتى وصل إلى منطقة لا يمكن لسيارته الدخول فيها.. أوقف السيارة على ناصية أحد المحال، وبيدو أن صاحب المحل يعرفه جيداً لأنه طلب منه أن يجلس قليلاً، لكن (محروس) رفض بطريقة مهذبة وهو يتراجل من السيارة بوقار، ثم عرج داخل شارع ضيق يعج بكثير من أشباه البشر..

منظر (الحاج محروس) كان لا يناسب تلك المنطقة البائسة لكنه على أيه حال لم يكن يجذب انتباه أحد، وإن دل ذلك على شيء فهو يدل على أن تلك ليست المرة الأولى التي يأتي فيها إلى هذا المكان.

فوق رصيف قذر كانت تجلس شحادة فقيرة ملامحها تدل أنها ماتت منذ سنين، لكنها ما زالت تتنفس رغم ذلك.. كانت تجلس القرفصاء وتستند على عمود إنارة خالي من المصابيح.. قالت وهي تمد يدها بصعوبة إلى (الحاج محروس):

- لله يا حاج محروس.

انحنى قليلاً حتى لامست ركبتاه الأرض وصار في مستوى رأسها، ثم قال لها:

- انتي لسه عايشه يا (أشجان).

ضحك ضحكة أظهرت فمًا مشوهًا خالياً من الأسنان:

- والله يا حاج أنا بتنهاها من ربنا، بس مش عارفه هو سايبني ليه.

ابتسم ابتسامة كشفت عن زوج من الأسنان الذهبية:

- أكيد عملتي ذنب كبير وسايبك تتعدبي.

نقدها ورقة نقدية من فئة العشرة جنيهات وأردف:

- ادعى لي.

- ربنا يديك على أد نيتك.

ضحك:

- بلاش الدعوة دي.. هتدخلنا النار.

قهقهت وحاولت النهوض.. سألهما:

- رايحة فين؟

قالت (أشجان):

- هروح بقى.. الليل قرب.

في تلك اللحظة ظهر شاب طيب الملامح عاونها على الوقوف،  
وهو يقول:

- على مهلك.

قالت للشاب:

- ربنا يكرمك يابني.

والتفتت إلى (محروس) وقالت:

- الواد ده واد ابن حلال.. كل يوم بيروحني.. مش عارفه من غيره  
اعمل إيه.

قال الشاب بخجل:

- الحاجة أشجان بركة المنطقة كلها.

ربت (محروس) على كتفه:

- فيك الخير.

ثم تركهم وذهب تجاه منزل مكون من ثلاثة طوابق، كل نوافذه مغلقة ويعلوها التراب، فبدا حالياً من السكان..

صعد السلم ذا الدرجات الواسعة بقفزاتٍ سريعة لا تناسب سنوات عمره.. أمام باب شقة الطابق الثاني أخرج مفتاحاً، ثم أدخله في الباب ودخل، أضاء نور البهلو ذي الأثاث البسيط المكون من (سفرة) ذات خمسة مقاعد فوقها مفرش مزركش، و(نيش) يمتلئ بأطقم الصيني التي تم رصفيها بعنایة بالغة.. على أحد جدران البهلو كانت توجد لوحة كبيرة لطفلةٍ شقراء الشعر، تحمل مزهرية بها ورود بنفسجية اللون.. نزع (الحاج محروس) العمامة وتأمل رأسه اللامعة في المرأة.. من فوق كتفيه انسابت يد رقيقة ملونة بالحناء، حتى وصلت إلى صدره وتحسست شعره المجدد.

- أتأخرت.

التنفـت (الـحاج مـحـرـوس) إـلـى صـاحـبـة الصـوت النـاعـم وـهـو يـبـتـسم جـذـلـاً..

(فـاتـنـ).. قـطـعـة القـشـدـة البيـضـاء وـالـتي تـفـوحـ منـهـا رـائـحة السـمـنـ الـبـلـديـ.. كـانـتـ مـمـتـلـئـة الجـسـدـ، كـثـيرـة الشـحـمـ، مـلـفـوـفـة القـوـامـ، وجـهـها دـائـريـ مـرـسـومـ بـعـنـايـةـ.. تـرـتـديـ قـمـيـصـ نـوـمـ أحـمـرـ اللـونـ شـفـافـاً بـدـوـنـ مـلـابـسـ دـاخـلـيـةـ، فـظـهـرـتـ كـامـلـ مـفـاتـنـها عـلـى النـحوـ الـذـي يـهـواـهـ (الـحـاجـ مـحـرـوسـ).)

ضمـهـا إـلـى صـدـرـهـ فـشـعـرـ بـلـيـوـنـتـهـا بـيـنـ ذـرـاعـيـهـ، فـقـالـتـ:

- مجـتـشـ لـيهـ الأـسـبـوعـ الـلـيـ فـاتـ؟

- شـغـلـ المـصـنـعـ بـعـيـدـ عـنـكـ.

أـزـاحتـ يـدـهـ مـنـ حـولـهـاـ وـابـتـعـدـتـ عـنـهـ، وـهـيـ تـقـولـ بـصـوـتـ نـاعـمـ:

- يـعـنيـ مـشـ أـمـ العـيـالـ؟

تفـحـصـ صـدـرـهـ بـيـدـهـ:

- أـمـ عـيـالـ مـيـنـ؟ مـفـيـشـ فـيـ القـلـبـ غـيـرـكـ.

ضـحـكتـ ضـحـكةـ رـقـيـعـةـ، جـعـلـتـ الدـمـاءـ تـنـفـجـرـ فـيـ عـرـوـقـهـ، ثـمـ قـالـتـ:

- كـلامـ.

سـأـلـهـاـ:

- وـالـدـتـكـ هـنـاـ؟

هذت رأسها بالنفي، وقالت:

- لا.. خرجت.

لف ذراعيه حولها فأصبحت في لحظةٍ بين أحضانه.. حاولت أن تتملص منه في دلائلٍ أنثويٍّ يحمل صبغة بنات الليل، لكنه أحكم قبضته عليها، وهو ينظر في عينيها مليئاً ويرى نفسه فيهما، تأوهت فارتخت ذراعاه قليلاً، حملها تجاه السرير، ثم وضعها عليه وهو يقبل عنقها المرمري، مدت يدها لتنزع صدريتها لكنه قال بجوع:

- عنك انتي.

بعد لحظاتٍ كان السرير يرتعش رعشاتٍ كهربائية، وقوائمه الأربعة تهتز بعنفٍ وبلا توقف.

\*\*\*

بعد أن انصرف (الحاج محروس) من عند (فاتن).. دخلت امرأة بيضاء البشرة قصيرة القامة، تضع الكثير من مساحيق التجميل على وجهها لتختفي سنوات عمرها الخمسين، هذه (نوال) أم (فاتن).. كانت تغادر المنزل قبل قدوم (الحاج محروس) حتى يستمتع بوقته مع (فاتن) ثم تعود بعد انصرافه.

(فاتن) تستحم تحت (الدش) وهي تندنن بأغنيّةٍ حزينة، وحولها ستار من البلاستيك الشفاف ليمنع تسرب رذاذ المياه للخارج، لكنه لم يمنع تمييز جسدها الذي يشبه السوط، وصل إلى مسمع (نوال) صوت (فاتن) بينما هي في طريقها للمطبخ، لتقوم بإعداد طبق

سلطة فواكه، فتحت الثلاجة، ثم بدأت تخرج ثمرات الفاكهة وتغسلها تحت مياه الصنبور التي كانت تنزل ضعيفة جدًا، قامت بتقطيع الفاكهة على مهل، وقسمت الكمية في كوبين من الزجاج قبل أن تضيف فوقهم بعض الكريمة، ونادت بصوٍت عالٍ:

- فاتن.. لسه قدامك كتير.

- لا خلاص يا ماما.. أنا خارجه حالاً.

حملت الأم الكوبين، ووضعتهما على مائدة الطعام ثم جلست أمامهما وسرحت بخيالها قليلاً، لم تكن ابنتها (فاتن) في الأصل امرأة تتبع جسدها كما قد يعتقد البعض لوهلة، ذات يوم كانت فتاة جميلة عادية، سطحية الشخصية، تستمع ليل نهار إلى (حمامي وتمر حسني، واوكا وارتبيجا) وتقضي وقتها في تصفح (الفيس بوك) ووضع صورها على (إنستجرام).. تزوجت من أحد أبناء عمومتها والذي كان مهووساً بالذهب إلى (الجيم) وبناء عضلات أشبه بالبالونات المتفخمة، قبل أن ينتهي به الحال في السجن بعد القبض عليه أثناء محاولاته تهريب المخدرات داخل ثلاجة، كانت هذه محاولته الأولى والأخيرة، فحصل على خمسمائة سنة سجن وترك زوجته الشابة بلا قرش واحد أبيض لينفعها في اليوم الأسود..

مضت الأيام بعد ذلك بسرعة مذهلة وبدأت هي في ارتقاء سلم التنازلات، ضحكة لبائع الخضار، غمرة لبائع الدجاج، قبلة للجزار، أشياء كانت تفعلها من أجل تخفيض جنيهات قليلة في الحساب..

ثم ذات يوم اضطرت إلى التنازل الأكبر، لكنها لم تشعر بالذنب أو

الخوف، لقد حدث هذا تدريجياً وعلى مراحل، الأمر كان أشبه بالتدريب على تلقي لكتمة قوية، كل يوم تتلقى لكتمة ضعيفة ثم اليوم التالي لكتمة أقوى وهكذا إلى أن تتلقى القاضية، وبعدها لن تشعر بشيء.. وأخيراً التقت بـ (الحاج محروس) أو الغنيمة الكبرى كما تحب أن تطلق عليه، تعرفت عليه حين عملت في مصنع الملابس الذي يملكه مع (معتز) زوج شقيقته، كانت هي وقتها تعمل في قسم الحياكة، لم يستغرق الموضوع كثيراً حتى كانت قد تركت العمل وأصبحت تبيت تحت جسد وأموال (الحاج محروس).. أما الأم (نوال) فقد هجرها زوجها منذ عشرين عاماً حين سافر إلى اليونان للعمل صياد أسماك، بعد أن سافر انقطعت أخباره تماماً، البعض يقول أنه غرق مع مركب الصيد، والبعض يقول أنه تعرف على فتاة من فرنسا، تزوجها وذهب معها في موسم العنب للعمل في مزارع الكروم هناك، لكن سقطت فوقه آلة ثقيلة ومات، كانت كل القصص التي تروى عنه تنتهي بالموت ولهذا تناست أمره..

منذ حوالي شهر جاء (الحاج محروس) على غير عادته، جاء ليلاً ولا شيء في رأسه غير النكاح، لم يكن الوقت يسمح له (نوال) كي تغادر وتترك الشقة، اكتفت بالبقاء في غرفتها بعد تحذير من ابنتهما بآلام تخرج حتى لا يغضب، اكتفت بالجلوس على فراشها والتلوي فوقه وهي تستمع لأصوات التأوهات وقرع اللحم باللحم، ثم بعد قليل قررت أن تتسلل و تسترق النظر من خلال ثقب الباب، رأت ابنتهما عارية الساقين والفخذين وبينهما يندفع (الحاج محروس) ذهاباً وإياباً، انكمشت حول نفسها وألصقت ظهرها بالباب وهي تتنفس بصعوبة وقد غمرها العرق واشتعلت

غرائزها القديمة، في نهاية تلك الليلة ذهبت وتبادلـت بعض كلمات الترحيب مع (الحاج محروس) وهي ترتدي قميص نوم مفتوح الصدر، يظهر حرف (٢) الناتج عن التقاء نهديها، ولأن (الحاج محروس) عنتيل متعرس، فقد أدرك جيداً ما ترمي إليه، ووافق وختم عليه..

منذ أسبوع جاء إليها وهو يعلم بغياب (فاتن).. لم ينس بنت شفة، لم تسأله لماذا أتى، لم يدور بينهما أي نوعٍ من أنواع الحوار، فقط أرقدـها على الأرض ثم بدأ في فعلـته المشاغبة.

- سـرحـانـة في إـيه؟

استفاقت (نوال) من شرودها على سؤال (فاتن) التي خرجـت من الحمام وهي ترتدي (بشكـير) وردي اللون وتلف رأسـها بـ(فوطة) مبلولة، توـترت للحظـة قبل أن تقول:

- لا.. مـفيـش حاجة.. دـايـخـة شـويـة من مشوارـالـسوق.

هـتفـت (فاتـنـ) بـخـبـثـ وهي تـتـخـذـ مـكـانـهـاـ عـلـىـ المـائـدـةـ:

- طـيـبـ ما تـريـحـيـ نـفـسـكـ شـويـةـ.. اـنـتـيـ كـبـرـتـيـ عـلـىـ الـحـاجـاتـ دـيـ.

نظرـتـ إـلـيـهـاـ (نوـالـ)ـ وـحاـولـتـ أـنـ تـسـبـرـأـغـوارـهـاـ منـ خـلـالـ النـظـرـ فـيـ عـيـنـيـهاـ وـتـفـهـمـ ماـ الـمـقـصـودـ بـكـلـامـهـاـ لـكـنـهـاـ فـشـلـتـ،ـ وـقـالـتـ:

- قـصـدـكـ إـيهـ؟

وضـعـتـ (فاتـنـ)ـ مـلـعـقـتـهـاـ فـيـ طـبـقـ سـلـطـةـ الـفـواـكـهـ وـراـحتـ تـأـكلـ،ـ وـهـيـ تـقـولـ بلاـ مـبـلاـةـ:

- هكون بقصد إيه يعني.

ثم حاولت أن تدير دفة الحوار، فقالت:

- عاوزين نشوف موضوع الحنفيات بتاعة الحمام.. المية عماله تسرب منها.

- خلاص نكلم محروس.

- لا الموضوع مش مستاهل، فيه سباك على أول الشارع هبقى أروح له بكرة وأجيبيه يركب الخزان.

قالت (نوال):

- محروس هيتضايق لو عرف إن راجل دخل هنا.

استنكرت (فاتن):

- هو كان ولی أمرنا.

- انتي شاييفه إيه؟

ردت (فاتن) بعصبية:

- أنا مش شاييفه حاجة.. أقولك خلينا نأكل أحسن.

ثم راحت كلابها تأكلان من سلطة الفواكه، وهما تنظران إلى بعضهما البعض نظرة عداء.

\*\*\*

(أشجان)..

الشحاذة العجوز تعود إلى منزلها الصغير الموجود في منطقة شحاذين الأرز، كانت منهكة من طول مدة الجلوس على ناصية الشارع التي تقطن فيه (فاتن).. قامت بطهو قطعة لحم جاءتها بالأمس من أحد المحسنين، بعد أن نضج اللحم وتصاعدت رائحة (الشوربة).. أحضرت رغيف عيش شمسي أعطته لها جارتها هذا الصباح، قامت بتنقيط الرغيف قطعاً صغيرة ووضعته في (الشوربة) مع اللحم ثم بدأت تأكل، كانت تمضغ بلا أسنان فيختلط فكها بلحام وجهها، ويسيل الزبد من بين شدقها، حين انتهت قامت بتنظيف بقايا الطعام التي تساقطت منها ومسحتها جيداً، شعرت بثقلٍ في رأسها وترax في جفونها، فتثناء بت بقوٌ وقررت أن تذهب إلى النوم، لكن قبل أن تنام انحنت أسفل السرير، دفت من الأرض حتى كادت أن تلتصق بها، تحسست البلاط وانتزعت واحدة من مكانها، تحت (البلاطة) كان يوجد صندوق صغير من الصفيح علاه الصدا، أمسكت الصندوق ثم هزته فأصدر صوت رنينٍ معدنيٍّ محبب إلى نفسها، هزته عدة مرات ومع كل مرة كان قلبها يرقص، فتحت غطاء الصندوق وإذا به يحتوي على جنيهات ذهبية، انعكس بريق الجنيهات الذهبية على وجهها، كان وجهها يتألق سروراً، ضمتهم إلى صدرها وقبلتهم ثم راحت تعدهم كما اعتادت كل ليلة، إنهم ثمانية وأربعون جنيهًا ذهبياً بالتمام والكمال، تبقى فقط جنيهان وتكمل الخمسين، تنتظر ذلك على أحر من الجمر، لقد جمعت هذا العام ضعف العام المنصرم، ربما ثلاثة شهور على الأكثر وسوف تجمع المبلغ الكافي لشراء جنيهين، سوف تقوم بتقسيمهما عندئذ إلى قسمين؛ كل قسم 25 قطعة، كانت شغفة بكنز الذهب،

فهذه ثروتها التي جمعتها على مدار عشرين عاماً من التسول، مضت نصف ساعة وهي على هذه الحالة تحدث الجنبيات الذهبية قبل أن تعينهم داخل العلبة وتضعها من جديد تحت (البلاطة).. صعدت بعد ذلك إلى سريرها القريب من الأرض حتى تتمكن من الصعود إليه، نزعت غطاء رأسها فظهر شعرها الأبيض الشبيه بغزل البنات، وضعته جانبًا ثم اندست تحت (البطانية) وغطت في نوم عميق خالٍ من الهموم والأفكار..

يقال أن الشحاذين لهم نصف الدنيا، ربما لهذا الكلام أساس من الصحة كما نراه الآن، في الخارج هبت ريح قوية اهتزت لها نافذة المطبخ المفتوح وصنعت ضجيجاً كافياً لإيقاظها، نهضت متثاقلة من الفراش، كانت تستند إلى الحائط حتى لا تسقط، قدماها العجوزان لا تزالان في خدر النوم، وصلت إلى المطبخ والريح تتعوي في داخله، المطبخ بارد جدًا، الكثير من الأطباق والملاعق متباشرة هنا وهناك، نظرت إلى الأشياء وفكرت أن ترتبها، كانت لا تحتمل فكرة وجود فوضى في المطبخ، قامت في البدء بإغلاق النافذة جيداً هذه المرة، كانت واثقة أنها قد أغلقته قبل أن تنام لكن ربما لم تغلق المزلاج كما يجب، انحنىت تجمع الأطباق وتعيد وضعها في أماكنها، بالصدفة لمحت آثار تراب على الأرض، تراب أسود غريب، تتبع سير التراب ببصرها، إنه يمتد فيما يشبه الخط المستقيم ثم يختفي عند الجدار، شعرت فجأة بعدم الراحة، أو لو شئنا الدقة شعرت بالخوف يجتاحها، هنا انغلق عليها باب المطبخ، لقد سجنت، لكن حين مدت يدها تحاول فتحه، استجاب لها وخرجت، راحت تجوب منزلها الصغير في قلقٍ وقلبه يدق كالطبلول، هناك شيءٌ ما يدور غير طبيعي ولم

تعهده من قبل، شعرت أن روحًا شريرة توجد معها في الداخل، ذهبت إلى المطبخ من جديد لتجلب سكينًا تدافع يه عن نفسها، فجأة انطفأت كل الأنوار من حولها، غرقت في ظلامٍ دامس وصوت الرياح من الخارج تعوي كذئابٍ جائعة، استعانت بذاكرتها ومشت حتى وصلت إلى شمعةٍ تضعها تحت وسادة سريرها، أشعلت الشمعة وعلى ضوئها لمحت صورة ابنها الموجودة في اليهو ملقاء، كان عمر هذه الصورة أكثر من ربع قرن، لقد ذهب المسكين إلى حرب الخليج وساهم دون أن يعلم في امتلاء جيوب بعض الفاسدين بالأموال التي تدفقت عليهم من جراء ذلك، أخبروها فيما بعد أنه مات لكن جثته لا تزال مفقودة، وأعطوهما خطاب تعزية وشكراً لا يساوي شيئاً، يومها مزقت الخطاب ولم تبكي، كانت ترفض تصديق أنه مات ولديها بعض الإيمان في أنه سيعود يوماً ما، فقط هو قد تأخر بعض الشيء، حملت صورة ابنها من على الأرض ثم مساحتها جيداً وأعادت تعليقها كما كانت، بطرفٍ عينيها رأت ظلاً أسوداً يقفز في الهواء ثم يختفي، هنا راحت قطع الأثاث تهتز لأن هناك شيئاً خفياً يحركها، تقلص وجهها من الخوف وراحت تستعيد بالله من الشيطان الرجيم، وتقرأ المعوذتين، وهي تدور حول نفسها كإبرة بوصلة تبحث عن اتجاه الشمال، في تلك اللحظة صدر صوت قوي وعادت الأضواء إلى البيت من جديد، اطمأن قلبها بعض الشيء، كل ما يجري حولها هو مجرد خيالات وأصوات ريحٍ ليس أكثر، بهدوءٍ أطفأت الشمعة باستخدام أنفاسها، فجأة سمعت حركة تأتي من خلفها، حاولت أن تلتفت، لكن الأواني كان قد فات، صرخت صرخة مخنوقه من شدة الألم حين انبثقت الدماء من منتصف بطنه وخرجت منها يد بشعة، كانت هناك يد تعبر من

خلال ظهرها إلى بطنها، تناثرت دماؤها على الجدران والتصق بعضها على إطار صورة ابنها، انسحبت اليد من بطنها وتركت وراءها فجوة واسعة عميقه..

في اليوم التالي عثر الجيران على (أشجان) مبقرة البطن بلا أحشاء.

\*\*\*

# لودة التبن المراجحة

(٤)

توقف (سيد) عامل المحطة أمام مضخات الوقود واحدة تلو الأخرى، وراح يأخذ قراءة العدادات ويدونها في ورقة صغيرة، ثم عاد إلى غرفة مكتب المحطة، كانت الساعة التاسعة ليلاً حين أغلق عليه الباب وبدأ يعد النقود التي تحصل عليها ويقارن بينها وبين أرقام العدادات، في النهاية تبقى له أربعون جنيهاً وضعهم داخل حافظة نقوده، ثم أخذ يجمع النقود في رزم ويكتب فوق كل رزمة قيمتها، بعد أن انتهى وضع النقود داخل خزانة صغيرة وأغلقها..

نظر في الساعة ..

الرابعة صباحاً ..

نفح في كف يده محاولاً الحصول على بعض الدفء والهواء الساخن، كان من الأشخاص الذين لا يحبون الشتاء، البلدة في مثل هذا التوقيت تبدو مثل مدن الموتى الخالية من الأحياء، شعر بثقلٍ في رأسه وبرغبةٍ في النوم، خرج من المكتب وهو يتثاءب لكن الهواء البارد لم ينجح في تبديد النعاس الذي يغزو عقله، ابتعد قليلاً عن محطة الوقود، وبحث في جيبيه حتى عثر على السيجارة الوحيدة التي معه، أخرج السيجارة وأشعلها وهو يستند إلى عمود الكهرباء يتتابع حركة السيارات التي تمر، لقد كان التدخين ممنوعاً داخل المحطة، ما زالت فكرة أن يلقط البنزين شارة عود ثقاب أو سيجارة تشكل هاجساً مرعباً وتهديداً لا يمكن التغاضي عنه، كان مسموحاً له بالتدخين لكن على مسافةٍ

معينة، وتحديداً عند هذا العمود الذي تكدرست أعقاب السجائر أسفل منه بمرور الأيام، شاهد من بعيد يوماً قاطنة بين فروع شجرة على الطريق المقابل، كانت تقف فوق عشٌ كبير جعلته يتتسائل: «متى استطاعت بناءه؟..» فجأة بدأ مصباح العمود الكهربائي في الارتفاع والأذيز، نظر له باستغراب، مضت ثوانٍ على هذا حتى انطفأ المصباح وحل الظلام، نفث آخر نفس دخان وألقى السيجارة تحت قدميه وسحقها سحقاً بحذائه ثم انصرف عائداً إلى المحطة، لمح بجوار إحدى مضخات الوقود امرأة عجوز ترتدي عباءة سوداء فضفاضة ولها ذيل طويل يزحف خلفها، في البداية لم يكن متاكداً مما يراه لكنه شعر أن قدميها لا تلمسان الأرض..

اقترب منها..

شاهد وجهها..

كانت بشعة..

شعر بجفافٍ في حلقه..

لا يمكن أن تكون هذه بشرية..

أغلق عينيه، حاول أن يقنع نفسه أنه يتوهّم وأنه حين يفتحهما لن يجد أمامه هذه العجوز الشيطانية، فتح عينيه من جديد، المشهد ما زال مرعباً لكنها لم تعد موجودة أمامه..

بل خلقه..

أمسكته من رأسه ثم أسقطته أرضاً..

صرخ وهو يشعر أن كل عظمة في ظهره قد تحطم، اندفع على ركبتيه زاحفًا تجاه دراجته النارية، وهو يلهث من الخوف والذعر..

نظر من فوق كتفه إلى الوراء..

رأها ساكنة كالموت تحدق به..

استعاد القدرة على النهوض والجري..

قفز فوق الدراجة النارية ووضع المفتاح وأدار المحرك، صوت المحرك يئن كرجلٍ مريض لا يقوى على النهوض، نظر سيد إلى العجوز التي تحركت من جديدٍ وراحت تقترب منه، أدرك أنه لم يعد أمامه المزيد من الوقت، ترك الدراجة بعدما عجز عن تشغيلها وركض بسرعةٍ تجاه حقول القصب، تخبط بين عيدان القصب وأمتلأ وجهه بالجروح والخدوش الدموية، اندلعت من ورائه صرخة هائلة، أدرك أنها غاضبة، التفت إلى الوراء، لم يكن يراها، لكن عيدان القصب التي خلفه كانت تتهشم وتتسحق بالأرض وتقرب منه، اندفع جانبًا محاولاً تغيير اتجاهه والإفلات منها، التفت إحدى ساقيه على الأخرى فتعثر وسقط على الأرض، في نفس اللحظة توقفت المطاردة، حاول أن يصغي السمع فلم يعد يسمع أصوات تحطم عيدان القصب..

هل تراجعت عنه؟!

بعد قليلٍ سمع صوتًا كنقيق الضفادع ودبب خطواتٍ ثقيلة، ظل رابضًا في مكانه وهو يمني نفسه ألا تعثر عليه، بعض عيدان

القصب يلمحها من مخبئه وهي تهتز ثم تبتعد لأن العجوز تعبر من بينها..

ظهرت أمامه..

حدق في عينيها اللتين تسبحان في سائلٍ أسود لزج، بالصدفة لمست يده حجراً على الأرض، طوح يده بكل قوة وألقى الحجر في وجهها، كانت رميته موفقة فأصابت عينيها مباشرة، أصدرت صرخة هائلة ثم اختفت من أمامه، أتبع ذلك الكثير من الهدوء والصمت، نهض من مكانه غير مصدق ما حدث، نظر جيداً حوله، لقد ابتعد كثيراً عن محطة الوقود وعن دراجته النارية التي قطعاً ستعمل الآن بعد أن انتهى الخطر، لكن على مسافةٍ ليست بالبعيدة كانت هناك أضواء ونار مشتعلة، اعتقاد (سيد) أن تلك النار تعود إلى صاحب الحقل، قدر أن يسير تجاهه أفضل من العودة، فجأة لمح ظلاً على الأرض أمامه، لكن مصدر الظل لم يكن يأتي من ورائه، بل من أعلى، تفككت أعصابه حين رفع وجهه تجاه السماء، رأى العجوز تطير فوق رأسه مباشرة ولا تفصل مخالبها عن رأسه سوى مترات، صرخ ثم أطلق ساقيه للريح..

عادت المطاردة من جديد، هذه المرة على نحو مختلف، كان يركض وكل ذرةٍ في كيانه تركض معه، ظلها كان يحيط به كأنها حوله في كل مكان، شعر بمخالب تضرب ظهره لكنه تحمل حتى وصل إلى الأضواء والنار المشتعلة، لكن لم يكن هناك أحد، أمله الأخير في العثور على مساعدة قد تبخر، تناول قطعة خشب مشتعلة ورفعها في وجهها، راح يطوّحها بضعف ووهن، للحظة

شعر بشيء حاد يخترق عينه ولم يعد يرى جيدا، حاول أن يمسح عينه لكن الشعلة سقطت منه وانطفأت على الأرض، شعر بصفير حاد يثقب أذنيه..

ثم صرخ.

\*\*\*

استيقظ (كمال) على صرخة هائلة تدوي في أذنيه، لدقائق ظل يلهث وهو يستعيد بالله من الشيطان الرجيم، المشاهد المروعة عن موت زوجته وإصابة (محمد) وأنهيار المنزل فوقهم لا تزال أضفافها تطارده في أحلامه، بعد قليل أتاه صوت آذان الفجر قادماً من ميكروفون الجامع المعلق فوق عمود كهرباء على أول الشارع، كان يرغب في استكمال النوم لكن المؤذن راح يردد لأنما يخاطبه هو بالذات:

- الصلاة خير من النوم.. الصلاة خير من النوم.

تصارع قليلا مع نفسه قبل أن ينهض من الفراش، ثم يخرج من المنزل ويسيير بخفية نحو المسجد الصغير الموجود في نهاية الحي، توضأ من صنبورٍ وحيد موجود خارج المسجد ثم دخل وهو يسمى ويدعو الله أن يفتح له أبواب رحمته، لاحظ أن معظم المصليين من كبار السن الذين أوشكوا على دخول القبر، كان عددهم قليلا لا يتجاوز الخمسة عشر رجلا، وكانوا يعرفون بعضهم جيدا، نظروا إليه جمبيعا باستغرابٍ وخوفٍ في بادئ الأمر، كأنه أحد مخلوقات كوكب مغامرات في (سبيس تون).. شعر أنهم يريدون أن يتحسسوا ليتأكدوا أنه حقيقي وليس أحد تخاريف

الشيخوخة، سأله أحدهم عن اسمه ومن أين أتى.. تذكر (كمال) سؤال منكر ونكير: ما اسمك؟ من ربك؟ ومن النبي الذي بعث فيكم؟

رد على الأسئلة بهدوء وكىاسة لا بأس بها..

أنقذه شيخ المسجد من سيل الأسئلة حين نهض لإقامة الصلاة، كان رجلاً وقوراً، مهيب الطلعة، ضخم البناء..

أحد الموجودين استوقف الشيخ وأخبره وهو يتثاءب أن (الحاج توفيق) لم يأتِ بعد..

كان يبدو من سياق الكلام أن (الحاج توفيق) هذا، أحد الموظفين على صلاة الفجر..

قال الشيخ وقد انتقلت له عدوى التثاؤب:

- ما دام مجاش يبقى مات.. إحنا نخلص صلاة ونروح بيته نفضل هناك لغاية لما نغسله وكمان نصلي عليه الظهر.

هتف رجل كهل بتأثر:

- الله يرحمه.. والنبي عازين ندعوي له يا شيخ.

زجره الشيخ:

- لا حلفان إلا بالله.

دمعت عيناً أحد الرجال:

- والله أنا مش مصدق إن الحاج توفيق مات.. ده كان بيقول إنه

عاوز يتجاوز جوازة قانية.

قال (كمال) بتردد:

- طيب ما يمكن راحت عليه نومه أو تعبان شوية.

قال الشيخ بثقة:

- الحاج توفيق لا يمنعه شيء عن صلاة الفجر إلا الموت.

في تلك اللحظة دخل رجلٌ تحيل، رأسه ملفوفة بضمادة بيضاء بها بقعة حمراء، وقال وهو يلهث:

- الحمد لله إني لحقتكم قبل ما تصلوا.

سأله الرجل الذي كان يبكي:

- خير يا توفيق.. أتأخرت؟

قال (توفيق) بوجه عبوس:

- مراتي عرفت إني عاوز اتجوز وقامت بينما خناقة لرب السماء وضربتني بکوبایة في دماغي.

قال الرجل:

- المهم إنك لسه عايش.

هتف (توفيق):

- لا.. ما أنا هتنقتل لما أرجع.

ثم صمت للحظة قبل أن يشير إلى الشيخ:

- منك لله.. أنت اللي قلت لي اضرب النساء بالنساء.

صاحب الشيخ باستهجان:

- خسئت يا توفيق.. إنما أنا لك ناصح أمين.

أمسك (توفيق) بلحية الشيخ:

- أنا كنت هموت بسببك.

غضب الشيخ ودفعه في صدره:

- طيب والله ما أنا مصلي الفجر.. ابحثوا لكم عن إمام غيري.

ثم جمع عبادته وغادر المسجد دون أن يلتفت وراءه. حاول (كمال) أن يستوقفه لكنه فشل..

ظل بقية الموجودين يتشاركون فيما بينهم إلى أن قال الرجل الكهل، وهو يمسك كتف (توفيق):

- صلي بینا أنت.

قال (توفيق):

- لا يا جدعان.. أنا مش حافظ غير سورة (قل أعوذ برب الفلق) وسورة (قل هو الله أحد).

ثم التفت إلى (كمال):

- صلي أنت بینا يا أستاذ.

ابتسم (كمال) في حرج:

- يعني.. أنا...

قاطعه (توفيق):

- عليا الطلاق بالثلاثة محدث هيقف إمام غيرك.

قال الرجل الكهل:

- الشيخ قال لا حلفان إلا بالله.

أراد (كمال) أن ينهي المشكلة، فتقدم للإمامية وهو يقول:

- استووا يرحمكم الله.

توفيق:

- استوينا والنعمـة.

كمال:

- الله أكبر.

\*\*\*

بعد انتهاء صلاة الفجر، وصل عامل محطة الوقود كي يستلم فترة عمله من (سيد).. ما حدث بين إمام المسجد و(توفيق) جعله يتآخر، وتوقع أن يجد (سيداً) غاضباً منه لكنه فوجئ باحتفائه، حاول أن يتصل به أكثر من مرة لكن هاتفه كان خارج نطاق الخدمة..

بحث هنا وهناك..

أكثر ما أثار دهشة العامل هو وجود دراجة (سيد) البحارية، إنه لا يتحرك بدونها، إذاً هو ما زال في الجوار، عاد يبحث من جديد، ذهب تجاه عمود الكهرباء الذي كان مصباحه ما زال يشع على الرغم من أن الشمس قد بدأت في البزوغ، لاحظ عقب السيجارة الحديث وآثار قدمي (سيد).. كاد أن يعود إلى المحطة لولا أن لمح من بعيد شخصاً يخرج من بين عيدان القصب ثم يزحف بوهٌ على الأرض..

هرع تجاهه وقد ميّزه..

إنه سيد..

حين وصل إليه كان ملقى على وجهه وقد توقف عن الحركة تماماً، ظن أنه ما زال على قيد الحياة، حاول أن يساعد فرفعه من على الأرض، لكنه أفلته من يده حين رأى وجهه، راح يتراجع بظهيره، ويصرخ في رعبٍ، وقد أصابته لوثة عقلية، كان وجه (سيد) قد تم انتزاعه، ولم يتبق منه غير بقايا لحم وأسنان عالقة.

\*\*\*

(٥)

في حجرة بالطابق الأرضي بالقرب من منطقة شحاذين الأرز، استيقظ (كرتونة).. كان قد انهمك الليلة الماضية في شراء بعض الطلبات الخاصة ذات المزاج الخاص والعالي لـ (حاج محروس).. ولقد كان نصيب (كرتونة) منها قطعة صغيرة ملفوفة في ورقة (سيلوфан).. هذا بخلاف العشرين جنيها التي اشتري بعشرة منها (ساندوتشات) مصنوعة من الكبد، التهمها في العشاء..

أول شيء فعله حين استيقظ أنه تأكد من وجود القطعة تحت وسادته حيث تركها بالأمس قبل أن يغفو، بعد أن أطمأن قلبه مد يده إلى جواره وتناول زجاجة ماء شبه فارغة، رشف منها رشقة صغيرة ثم ألقاها في الشارع من النافذة التي بجواره، جاءت الرمية وبالصدفة على امرأة تعبر الطريق فلعنـت (كرتونة) وزوجها الذي يجلس في المنزل بلا عمل، وحماتها التي تعايرها لأنها أنجبت بنتاً، وجارتـها التي تسببت في نفوق الأرانب التي تقوم بتربيتهم حين نظرت لهم ولم تصلي على النبي.

قال (كرتونة) بصوت خافت وهو يختبئ:

- ولية مجنونة.

وانتظر حتى لم يعد يسمع لها صوتاً وتأكد أنها ابتعدت، ثم أخرج رأسه من النافذة وصاح بأعلى صوته ليسمعه الجميع:

- حظك حلو إنك بعدي.. اقسم بالله كنت هكسـر رقبتك دلوقتي.

عاد إلى فراشة ووضع ساقاً على أخرى، وهو يردد:

- سبات متختشيش.

كان يسكن في حجرة متواضعة، بها أريكة ينام عليها، ومنضدة بلاستيكية يأكل فوقها، وبوتاجاز ذو عينٍ واحدة يستخدمه في طهو أو تسخين الطعام، الجدران كانت تمتلئ بنقوش سوداء لكن حين تدقق النظر فيها تكتشف أنها بيوت صراصير وحشرات أخرى مجهولة، فجأة سمع (كرتونة) طرقاً على النافذة، فتح النافذة من جديد فسقط على وجهه (ساندويتتش فول وطعمية) وخمسون جنيهاً..

كانت هذه (سعاد) جارته والتي تعمل أخصائية اجتماعية في المدرسة الابتدائية.. لقد كان من عادتها أن تعطيه (ساندويتتش) قبل ذهابها إلى العمل..

سمعها تقول دون أن تتوقف:

- عاوز حاجة؟

لم يجبها..

كررت سؤالها مرة أخرى وهي مستمرة في السير لكن بصوتٍ عاليٍ تقترب درجة الصراخ:

- عاوز حاجة؟

صاح هذه المرة:

- لا.

ثم مد يده تحت السرير، وتناول علبة سمن تمتلىء بورق جرائد قديمة.. وضع الورق كله على الأرض، وأخرج كيس نقود صغير كان في عمق العلبة، فتح الكيس ووضع في داخله الخمسين جنيهاً التي ألقتها (سعاد) إليه.. كانت تعطيه هذه النقود بين الحين والأخر كي يدخلها لها بعيداً عن يد زوجها..

وضع أيضاً العشرة جنيهات التي تبقيت معه من الأمس ثم أعاد العلبة كما كانت، ما لا تعرفه (سعاد) أنه كان يضع لها نقوداً منه حتى تزيد من حصيلة مدخراتها.. في كل الأحوال هو كان يشفق عليها ويشعر بكراهية تجاه زوجها الشحيم سبع الطياع.

النهم (ساندوبيتش الفول والطعمية) وخرج من حجرته، خرج بنفس الملابس التي كان ينام بها، خرج بنفس الملابس التي كان يرتديها بالأمس، خرج بنفس الملابس التي لم ينزعها منذ شهر..

على الساعة السابعة والنصف كان يقف ويطرق باب (كمال) الذي استجاب من أول طرقة، وفتح له الباب قائلاً:

- تعال ادخل افطر.

رد (كرتونة):

- سبقتك، بألف هنا وشفا.

أفسح له (كمال) الباب للدخول:

- طيب اقعد اشرب شاي عقبال لما اصحي (محمد).

دخل (كرتونة) وهو يقول:

- سببه نايم أحسن.

هز (كمال) رأسه:

- لو صحي وملقانيش هيحاف.. أنا هصحبيه وأتكلم معاه وافهمه  
اني نازل الشغل.

ثم ذهب لإيقاظ (محمد) وعاد..

جاء (محمد) وهو يفرك عينيه في تكاسلٍ، وصافح (كرتونة) بينما  
قال له (كمال):

- الأكل عندك.. أنا سايبيه على التربيزة.

واتجه إلى التلفاز وأكمل:

- هشغل ليك التليفزيون عشان متزهقش.

أوما (محمد) برأسه، ضغط (كمال) زر تشغيل التليفزيون، فظهرت  
أسوأ صورة ممكنة، قال (كرتونة):

- وإننا راجعين هجيب حد يضبطه.

ناول (كمال) (محمدًا) هاتًّا صغيرًا من نوع (نوكيا) وقال له:

- لو حصل أي حاجة كلمني.. اتفقنا.

قال (محمد) وهو يضع الهاتف في جيبه:

- اتفقنا.. متخافش يا بابا.. هي دي أول مرة يعني.

ربت (كرتونة) على كتفه:

- جدع يا محمد.. طالع لعمك كرتونة.

عاد (كمال) يقول:

- لو الباب خبط اسأل مين الأول قبل ما تفتح.. ومهمها حصل  
متفتحش لحد غريب.. اتفقنا.

رد (محمد) بملل:

- اتفقنا.

وأخيراً خرج (كمال) برفقة (كرتونة)..

أثناء خروجهما تصادف خروج فتاة من المنزل المجاور.. كانت جميلة جداً، ورقيقة جداً.. ترتدي فستاناً وردي اللون، وشعرها أسوداً كالفحمة ينسدل فوق كتفيها بليونة.. ابتسمت لهم ابتسامة صغيرة.

رفع (كمال) يده في تحيةٍ خجولة، وهو يقول:

- صباح الخير.

ردت كالنسمة:

- صباح النور.

ثم سارت في طريقها..

قال (كرتونة) حين لاحظ نظرات (كمال) لها:

- اسمها عايدة.. بتشتغل في صيدلية.

وصفت للحظة قبل أن يردد، وهو يغمز بإحدى عينيه:  
 - ومش متوجزة.

قال (كمال) وهو يشير إلى (توك توك) يعبر أمامهما:  
 - مبقاًش فيا دماغ للكلام ده.. يلا اركب.

بعد نصف ساعة كانا أمام بوابة مصنع الملابس الرئيسية.. بوابة حديدية عملاقة تشبه بوابات السجن.

تقدم (كرتونة) إلى البوابة، وصافح فرد الأمن الجالس على مقعدٍ خشبيٍّ متدهالٍ قائلاً:

- إزيك يا عم صعيدي.

أجاب عم (صعيدي):

- الله يسلامك يا أبو عمرو.

وأشار (كرتونة) إلى (كمال):

- المهندس كمال.. إن شاء الله هيشتغل معانا.

تفرس (عم صعيدي) ملامح (كمال) بسرعة ثم قال:  
 - أهلاً وسهلاً يا أبو عمرو.

رد (كمال) وهو يصافحه:

- أهلاً بك.

قال (عم صعيدي) محدّثاً (كرتونة):

- كويس اني شوفتك النهاردة.

- خير؟

أخرج (عم صعيدي) هاتفه من جيب قميصه:

- شوف كدا مش عارف ادخل على حسابي على الفيسبوك.

تفحص (كرتونة) التطبيق بسرعة على الهاتف، وهو يقول:

- حسابك تقريريًّا اتلغى.

- لا إله إلا الله.. إزاي يا عم.. هما بيعملوا معايا كدا ليه.. ده تالت حساب يتقلل.

قال (كرتونة) وهو يناوله الهاتف:

- ما أنا قلت لك خش باسمك الحقيقي وأنت مصمم تعمل بنت عشان تكلم البنات والستات المطلقة.

هاتف (عم صعيدي):

- يا عم أنا بحب أبقى متنكر.. أنت مالك.

سؤاله (كرتونة) باهتمام:

- أنت كنت مسمى نفسك إيه بالمناسبة؟

وضع (عم صعيدي) ساقًا على أخرى، وأجاب:

- الملوك الأبيض.

ضحك (كرتونة) ثم قال:

- المهم.. المهندس معتز وصل؟

هز (عم صعيدي) رأسه نافياً:

- لسه مجاش بس زمانه على وصول.

قال (كرتونة):

- طيب أنا هاخد المهندس كمال في جولة سريعة جوه المصنع  
بحيث ياخذ على الجو لغاية لما يجي المهندس معتز.

- تمام.

- عاوزك بس لما يجي ترن عليا عشان نطلع له علطول قبل زحمة  
الشغل.

قال (عم صعيدي):

- ماشي.. متقلقش من الموضوع ده.

قال (كرتونة):

- حبيبي يا عم صعيدي.

ثم اتجه بعد ذلك مع (كمال) إلى داخل المصنع حيث صالات  
القص والتقطير والحياة والأقسام النهاية والمخازن.

قال (كمال) بعد ساعةٍ من التجول وهما يقفان أمام كافتيريا

المصنع:

- الشغل حديث فعلاً.

ناوله (كرتونة) كوب شاي وعلبة بسكويت سادة:

- العملاء كلهم أجانب، والشغل في محاولات إنه يتصدر بره.

سؤاله (كمال) بعد أن رشف رشقة صغيرة من الشاي:

- مفيش إنتاج محلي؟

- فيه طبعاً.. بس بيكون بوافي القماش والمواد الخام.. بدل ما تترمي بتتعمل شغل محلي أي كلام وبتجيب فلوس.

قال (كمال) بحزن:

- يعني الشغل النضيف بره والمضروب جوه.

- والله ده الموجود.. عندك بديل.

- للأسف لا.

كان (كرتونة) يغمس البسكويت في الشاي ويأكله ثم يقول:

- الشغل هنا هيعجبك.. اسمع مني، وبعدين هيبقى عندك وقت فراغ كويس ممكن تاخذ وردية زيادة.

غمغم (كمال):

- لا يا عم.. أنا عاوز وقت أقضية مع محمد.

- اللي تشووفه يا صاحبي.
- المهندس معتز نظامه إيه؟
- هيعجبك.. ذكي جدًا وكمان رياضي.. أنا سمعت انه كان خد المركز الثاني في بطولة الجمهورية في الكاراتيه لما كان في الجامعة.
- هو صاحب المصنع لوحده ولا معاه شركاء؟
- معاه الحاج محروس أخو مراته.
- الحاج محروس ده اللي انت اتكلمت عليه امبارح.. مضبوط؟
- مضبوط.. ده راجل فلوسه كتير، ومن وقت للثاني بروح اقضى له المشاوير.. خد عندك النهاردة بالليل هو باعترني استقبل دكتور الصحة الجديد وأجهز له السكن بتاعه.
- المهم تكون معاملته حلوة معاك.. الفلوس مش كل حاجة.
- الفلوس كل حاجة يا صاحبي، واللي يقول غير كدا دهبني آدم عايش في عالم سفسم.
- سقطت قطعة بسكويت من (كرتونة) في الشاي، وحاول أن يخرجها بقطعة أخرى لكنها ذابت وسقطت هي أيضًا.. قال (كمال):
- كفاية شغل الأطفال ده وطلعها بمعلقة.
- هتضيع حلاوتها.

في تلك اللحظة دن هاتف (كرتونة) (هناك شخص تافه يتصل بك).

نفض بقايا البسكويت العالقة في كفه، ثم أخرج الهاتف ونظر إلى اسم المتصل:

- عم صعيدي بيرن.. يبقى المهندس معتز وصل.. يلا بینا على مكتبه.

أسرعا كلاهما الخطى إلى أن وصلا إلى ردهة واسعة ذات أرضية مصقوله تفضي إلى مكتب (معتز) الذي يقع في الطابق العلوي من المصنع.. قال (كرتونة) وقد لاحظ توتر (كمال):

- المهندس معتز شخصية عسل.

بعد خطواتٍ قليلة أصبحا داخل المكتب..

كانت تجلس أمام الباب سكرتيرة حسناء، مصنوعة من مساميق التجميل، ترتدي نظارة ضخمة، وتمسّك في يدها (تابلت) ومندمجة في لعبة (سولتير العنكبوت).. انتبهت لدخول (كرتونة، وكمال) فأسرعت تغلق اللعبة ورسمت على وجهها ابتسامة باردة، تحدث معها (كرتونة) وشرح لها فيما جاء، نهضت بتناقلٍ وهي تلعنه سرًا، كان (كرتونة) يتبع اهتزاز مؤخرتها ويغمز بعينيه إلى (كمال)..

طرق السكرتيرة باب مكتب المهندس (معتز) إلى أن سمعت الإذن بالدخول، ثم دخلت وغابت لدقائق قبل أن تعود وتفتح لهما الباب قائلة:

- اتفضلاً.

استقبلهما المهندس (معتز) بابتسامةٍ روتينية، وأشار لهما بالجلوس وهو يقول بودٌّ مصطنع:

- أهلاً وسهلاً.

كان طويلاً القامة، مفتول العضلات، تحيط بوجهه لحيةٌ حقيقةٌ كأنها مرسومة بقلمٍ أسود، يرتدي بدلة زرقاء، ونظارةٌ طبيةٌ لها إطار ذهبيٌّ.

كانت غرفته واسعة تحتوي على أثاثٍ بسيطٍ جداً.. مكتبٌ خشبيٌّ عريضٌ فوقه مصحفٌ وعددٌ من (الدوسيهات) الضخمة وجهاز (لابتوب) حديثٌ، بجانبه ثلاثةٌ صغيرةٌ يعلوها زجاجةٌ ماءٌ فارغةٌ، في مواجهته شاشةٌ تلفازٌ حديثةٌ تعرض تسجيل لبطولة العالم في الكاراتيه.

بدأ (كرتونة) يقول:

- المهندس كمال فني المصبغة اللي كنت كلمت حضرتك عنه.

التقط منه (كمال) طرف الحديث، وبدأ يحكى عن الأماكن التي عمل بها سابقاً، وبعض الطرق الحديثة المستخدمة في صبغ الملابس، ظهر الاهتمام على وجه المهندس (معتز) بما ي قوله (كمال) وأصغى بتركيزٍ عاليٍ..

مضت عشر دقائق وسرعان ما خرج (كرتونة، وكمال) والسعادة بادية على وجهيهما، خاصة أن (معتز) طلب من (كمال) أن يبدأ في مباشرة العمل من اليوم.

أخيراً يبدو أن كل شيء يسير على ما يرام، لكن لا أحد يعلم ما ينتظركم.

\*\*\*

(6)

منزل معتز..

كان الوقت غسقاً حين أطلقت (وردة) زوجة (معتز) شهقة مكتومة وهي تخرج إصبعها من حلتها، ثم تنطلق مباشرة إلى الحمام وتفرغ ما في جوفها مع آهة طويلة.. بعد دقيقة وبعد أن ظنت أن الموضوع انتهى، عادت من جديد لtxخرج المزيد وتزداد الآهة طولاً، خرجت من الحمام وهي تتصرف عرقاً، فتحت صيدلية المنزل، ثم أخرجت منها علبة دواعي شفافة، تناولت منها حبة واحدة مع نصف كوب ماء، اقتربت من المرأة ونظرت إلى جسدها، كانت دميمة دون مبالغة، ذات وجهٍ طويل، وأنفٍ ضخم، وعيينين ضيقتين، ومصابة بمرض (البوليميا).. حاولت إنقاذه وزنها عن طريق إفراغ ما في بطئها بعد تناول الطعام، قرأت حول هذه الطريقة في إحدى صفحات (الفيس بوك) وشاهدت عنها أكثر من فيديو على (اليوتوب).

بعد ساعةٍ رن جرس الباب وبدأ ضيوفها في الحضور، تجمعوا في صالون المنزل استعداداً لجلسة النميمة الأسبوعية، كانوا ثلات نساء فقط..

روحية.. زوجة بائسة..

سعاد.. جارة كرتونة..

فاتن.. عشيقه محروس..

استقبلتهن (وردة) بفستانٍ أنيق باهظ الثمن.. كانت تحب أن ترى نظرة الغيرة في عيون صديقاتها، نظرة امرأة إلى امرأةٍ ترتدي أفضل منها، أبغض من نظرة متحرجٍ في أتوبيس مزدحم.

بعد واجب الضيافة وشرب العصائر والمرطبات، وضعت (روحية) قطعة (الجاتوه) جانباً، وهي تقول بخبث:

- آسفة يا جماعة مش هقدر اكل.. الرجيم بقى.

فاتن:

- الرجاله بيحبوا المقلوظين.

روحية:

- لا.. ده جوزي ناقص يوزني كل يوم.

قالت (وردة) بحدة:

- هو انتي يعني كنتي بتاكلني من أكله، وبعددين جوزك ده جبله.

سعاد:

- سببها في حالها.. معاهها اتنين نسوان يشاركونها فيه.

ثم تناولت قطعة (الجاتوه) الخاصة بها، وهي تستطرد:

- هاكلها أنا.

سعاد.. جارة كرتونة..

فاتن.. عشيقه محروس..

استقبلتهن (وردة) بفستانٍ أنيق باهظ الثمن.. كانت تحب أن ترى نظرة الغيرة في عيون صديقاتها، نظرة امرأة إلى امرأةٍ ترتدي أفضل منها، أبغض من نظرة متحرجٍ في أتوبيس مزدحم.

بعد واجب الضيافة وشرب العصائر والمرطبات، وضعت (روحية) قطعة (الجاتوه) جانباً، وهي تقول بخبث:

- آسفة يا جماعة مش هقدر اكل.. الرجيم بقى.

فاتن:

- الرجاله بيحبوا المقلوظين.

روحية:

- لا.. ده جوزي ناقص يوزني كل يوم.

قالت (وردة) بحدة:

- هو انتي يعني كنتي بتاكلني من أكله، وبعددين جوزك ده جبله.

سعاد:

- سببها في حالها.. معاهها اتنين نسوان يشاركونها فيه.

ثم تناولت قطعة (الجاتوه) الخاصة بها، وهي تستطرد:

- هاكلها أنا.

ضحك (وردة):

- بالهنا والشفاء.

سألت (فاتن):

- أمال زينب مجتش ليه؟

كانت تقصد (زينب) العضو الأخير في مربع النميمة. قالت (روحية):

- تقربياً حامل.

وردة:

- تقربياً ولا أكيد؟

روحية:

- لا أكيد.

فاتن:

- ده العيل الكام؟

ردت (روحية):

- هيبقى الخامس.

وردة:

- وهتقدر عليهم؟

**روحية:**

- ومتقدرش ليه.. دي صحتها حديد.

**وردة:**

- الخوف تجيب بنت.. هتبقى البنت الخامسة.

**روحية:**

- ده ممكن تتطلق فيها.

**سعاد:**

- البنات رزقهم واسع.

**روحية:**

- البنات هم ما يتلام.

**وردة:**

- هو جوزها بيشتغل إيه؟

**ردت (روحية):**

- كان فاتح محل موبايلاط وبعدين قفله وفتح مكانه محل بلايسيشن عشان العيال.

**صاحت (وردة) بجزع:**

- هو بتاع عيال.

روحية:

- آه.. أمال أنا بقول إيه من الصبح.

وردة:

- ده أنا ابن اخويا بيروح يلعب هناك.

روحية:

- لا.. أوعي تودوه هناك.. ده راجل نجس.

فاتن:

- حرام عليك! ده راجل طيب وغلبان.

روحية:

- حرام ليه.. حرمت عليه عيشه.. ده أنا مرة معدية من قدام المحل بتاعه، قال لي يا صفيحة السمنة البلدي.. بقى أنا صفيحة.

ضحكت (فاتن):

- قولي بقى كدا.. انتي مغلولة منه.

قالت (روحية) باشمئاز:

- من مين؟ من ده؟

قهقهت (وردة) و(سعاد) قبل أن تقول الأخيرة:

- سمعتوا عن المهندس الجديد.

وردة:

- أيوه وهيشتغل عند معتز جوزي.

سعاد:

- هو هيسكن في وش بيت عايدة، كرتونة صاحبه وهو اللي جاب له السكن.

روحية:

- حكايتها إيه الجدع ده؟

سعاد:

- والله ما اعرف.. بس كرتونة بيقول انه ابن حلال وطيب قوي.

روحية:

- أنا الحق بقى اشبكه لأختي.

قالت (فاتن):

- أختك مش متجوزة وعايشه في بور سعيد، ولا انتي ليكي أخت تانية.

روحية:

- لا هي أخت واحدة، بس كانت متجوزة من واحد ابن كلب واطلقت ورجعت.

فاتن:

- جوزها كان بيشتغل إيه.

روحية:

- كان شغال في محل بيع هدوم باله.

سعاد:

- بور سعيد دي أنا روحتها السنة اللي فاتت.. البحر هناك جميل.

وردة:

- لا جميل ولا حاجة يا اختي.. ده كله قناديل.. جربى تروحى بور فؤاد.. الميه هناك جميلة.. هتركبى معدية من بور سعيد لبور فؤاد.

سعاد:

- فعلًا أنا القناديل بهدلتنى وبهدلت البنات، بس أنا فرحت في اخت جوزي.

ضحكت (فاتن):

- هي هتجوز امتنى عشان تحل عن دماغك؟

سعاد:

- مش لها تتخطب الأول.

وردة:

- هي عدت التلاتين ولا لسه.

سعاد:

- عدتهم من زمان.. عيبها انها جاهلة وعشان كدا أنا ناوية اعلم  
بناتي.

حركت (فاتن) شفتيها بامتعاض:

- العلام وحش للبنات.

سعاد:

- هو إيه اللي وحش.. السست المتعلمة أحسن من السست الجاهلة.

روحية:

- السست ملهاش غير بيتها وجوزها وبوتاجازها.. جدتي دايماً تقول  
كدا.

(فاتن) باهتمام:

- هي جدتك لسه عايشه؟

روحية:

- لا.. ماتت من سنتين.. كانت ماشية على الترعة وعربية ربع نقل  
محملة جاموسه.. الجاموسة نطت من العربية وطاحت في  
الناس.. ودهست جدتي.. أنا مشفتتش المنظر لكن اخويا قال لي  
أن دماغ جدتي بقى عجينة.

فاتن:

- الله يرحمها.. أنا لها جدتي ماتت منمتش لمدة أسبوع.

سألتها (وردة):

- من الحزن عليها؟

فاتن:

- لا يا حبيبتي.. كانت واحده مني خاتم ودورت عليه ملقطهوش..  
خاتم تقيل من بتوع زمان.. 10 جرام.

روحية:

- يا خبر.. ده يعمل دلو قتي مبلغ محترم.. ممكن 6 آلاف جنيه.

قالت (وردة) وهي ترفع يدها كي يشاهدن خاتمها:

- أكيد.. ده أنا لسه شاريه دا بـ 4 آلاف جنيه.

قالت (روحية) وهي تأكل الخاتم بعينيها:

- المفروض الأهالي يقللوا موضوع الذهب في الجواز والشبكة،  
الأسعار بقت نار.

وردة:

- هما الرجال لازم يتعبوا ويطفحوا دم قلبهم عشان يحسوا بقيمة  
الست.

فاتن:

- مضبوط.. الراجل من دول لازم يتداوس عليه.

روحية:

- أقسم بالله أنا بنت حالي اتجوزت من غير شبكة وكانت طلباتهم بسيطة جداً، والحمد لله...

فاتن:

- الحمد لله، إيه..؟

ضحك (روحية):

- اطلقوا بعد سنة ورماها في الشارع وعلى كتفها عيل صغير.

فاتن:

- صنف نجس.

سعاد:

- المشكلة في التربية.. ولما تيجوا تدوروا هتلافقوا إن الست هي اللي بترببي، يعني الست هي اللي بتظلم الست اللي زيها.

تمتمت (روحية):

- آه والنعمة عندك حق.

هتفت (سعاد):

- انتي أول واحدة مدلعه ابنك المفuous اللي مبيعرفش يقرأ ولا

يكتب.

قالت (روحية) باستنكار:

- مفعوص !!

ثم أكملت بحده:

- ده بكرة يقعد على البساط وينقي ست البنات.

قالت (سعاد) بسخرية لاذعة:

- بكرة نقعد على الحيطنة ونسمع الزيطة.

صاحت (روحية):

- فشر يا حبيبتي.. قولي انك غيرانة عشان معاكي 3 بنات.

هتفت (سعاد):

- وماله.. وابنك هيجري ورانا ولا هنعبره.

روحية:

- عليا النعمة ده لو كانت آخر بنت في الدنيا عمره ما اخلية يروح لها.

صاحت بهن (فاتن):

- بطلوا خناق يا شوية مجانيين.

هتفت (سعاد):

- انتي مش شاييفاها بتتكلم ازاى.

ضحكت (فاتن):

- سيببي روحية في حالها يا سعاد.. كفاية المصيبة اللي هي متجوزاها.

ثم التفتت إلى (روحية) وسألتها:

- جوزك عامل معاكي إيه؟

بصقت (روحية) في منديل، وهي تقول:

- قطبيعه تقطّعه.. أنا هقوم بقى عشان الوقت أتأخر.

وردة:

- لسه بدري.

نهضت (سعاد):

- لا.. فعالاً الوقت أتأخر وفيه حاجة مش مضبوطة بتحصل في البلد.

وردة:

- حاجة زى إيه؟

سعاد:

- انتي مسمعتيش عن موت سيد وأشجان.

وردة:

- آه سمعت.. بيقولوا ان السبب ديب.

(سعاد) باستنكار:

- ومن امته الديابه بتنزل جوه البلد وتقتل الناس؟

- !

\*\*\*

صوت عواء ذئب..

كان العرق يغرق وجهه وصدر (كرتونة).. كأنه ملاكم في الجولة الأخيرة، وهو يقطع الشوارع ليلاً، حتى وصل إلى مبني الوحدة الصحية المصمم على شكل حرف (L) الإنجليزي..

أمام باب الوحدة كان يقف شاب وسيم الملامح، حليق اللحية والشارب، يبدو كأحد نجوم أفلام الأبيض والأسود، وهو يقف في اعتدال، ويرفع كمبي قميصه الأزرق، فتظهر عضلات ذراعيه القويتين.

صافحه (كرتونة) وهو يقول بأدب جم:

- معلش يا دكتور ياسر.. أتأخرت غصب عنني.

قال الدكتور (ياسر):

- ولا يهمك.. أنا لسه واصل من خمس دقائق.

قال (كرتونة) وهو يزيل القفل من فوق باب الوحدة ثم يفتح الباب على مصراعيه:

- بصراحة مش عاوزك تاخد انطباع عني وحش.. صدقني  
هتلaciيني زي الساعة معاك.

قال الدكتور (ياسر):

- أنا سامع عنك كل خير.

صعد به (كرتونة) إلى الطابق العلوي وفتح له بابه، وهو يقول:

- دى الاستراحة بتاعة حضرتك.

أخرج الدكتور (ياسر) علبة سجائير أمريكية الصنع ثم أخرج واحدة وأشعلها قائلاً:

- ذي الفل.

قال (كرتونة) وهو ينظر إلى علبة السجائر:

- وإن شاء الله كل اللي سمعته عنني هتلacci أكثر منه.. أنا  
أعجبك.

لاحظ الدكتور (ياسر) عيني (كرتونة) فابتسم وهو يمد له العلبة  
فأيّلاً:

- اتفضل.

سحب (كرتونة) سباحة من العلبة يلهفة:

- يدوم العز.. مستوردة دي.. شكلها أمريكياني.. الأمريكان دول ولاد حرام في كل حاجة.

وكاد أن يشعل السيجارة لكنه توقف واستطرد:

- أنا هخليها لكمان شوية.

غمغم الدكتور (ياسر):

- يا عم اشرب.. فيه غيرها.

قال (كرتونة) وهو يضعها في جيب قميصه بحرص:

- معلش.. دي عايزه رواقه.

ثم سار والدكتور (ياسر) من خلفه ينقل بصره هنا وهناك في فضول..

وضع (كرتونة) الحقائب في منتصف غرفة الاستراحة وهو يقول بفخر جنديٌّ منتصر في الحرب:

- إيه رأيك في المكان؟

جال الدكتور (ياسر) ببصره في الإرجاء قبل أن يقول بصوٍّ خافت:

- مكان لا يصلح إلا للكائنات وحيدة الخلية.

قال (كرتونة) ببلاهة:

- ٥٤.

- لا.. لا.. مفيش.. زي الفل.

كانت الاستراحة مكونة من غرفة نوم وبهـ وحمام ومطبخ..

غرفة النوم كانت مستطيلة تحتوي على سرير بعرض 120 سم، بجواره (كومود) صغير تعلوه (أباجوره) قديمة لا يوجد بها مصباح، وفي مواجهته يوجد رف معلق، من الخشب السميك، فوقه الكثير من الكتب والمجلات والجرائد القديمة..

البهـ حجمه صغير جـاً أشبه بممر ضيق، وكان في الأصل جزء من غرفة النوم لكن تم اقتاصاصها عن طريق بناء جـار فاصل.

حاول عقل الدكتور (ياسـ) أن يستوعـ هذا الشيء الذي سيعيش فيه، هو لم يكن يتوقع أن تكون الإقامة فندقية والمكان خمس نجوم لكن أيضـاً لم يتوقع أن تكون مقبرة.

بدأ (كرتونـ) في نفض الأتربـة عن الآثارـ، وكنـس الأرضـ، بينما سـار الدكتور (ياسـ) بالجـنب داخل البـهـ الضيق حتى وصل إلى الحـمام، وتوقف للحظـات أمام بـابـ المـغلـقـ:

- الحـمام شـغالـ؟

قال (كرتونـ) بـثقةـ:

- كل حاجة شـغالـة يا دـكتـورـ، ادخلـ وانتـ مـطـمنـ.

فتح الدكتور (ياسـ) بـابـ الحـمامـ، فانفجرـتـ في وجهـهـ قـنـبلـةـ من الروائحـ والـجرـاثـيمـ الـقادـرةـ علىـ قـتـلـ نـصـفـ سـكـانـ الـكـرـةـ الـأـرـضـيـةـ، وضعـ يـدـهـ عـلـىـ أـنـفـهـ وـحاـولـ أـلاـ يـفـقـدـ الـوعـيـ وـهـوـ يـغـلـقـ الـبـابـ

بسربة، ويقول في فزع:

- ده متفتحش من امتى؟

توقف (كرتونة) عن الكنس، ثم فرك منتصف رأسه وأخرج منها حشرة سوداء ورماها بعيداً:

- بصراحة مش فاكر.. ليه؟

هتف الدكتور (ياسر):

- طيب أنا هسيبك تنضف براحتك، وهروح اقعد على القهوة اشرب كوبية شاي، ولما تخلص رن عليا.

غمغم (كرتونة):

- اللي تشفوه.

ولم يكد الدكتور (ياسر) يهم بالانصراف حتى أردف (كرتونة) بسرعة:

- قول لصبي القهوة انك دكتور الوحدة الجديد عشان يعمل معاك الواجب، ومتدفعش في كوبية الشاي أكتر من ثلاثة جنية، ولو عصير هما خمسه بس، وأوعى تأكل ساندويتشات من عربية الكبدة اللي واقفة جنب القهوة.

ابتسم الدكتور (ياسر) ساخراً:

- ليه؟ بيعمل ساندويتشات لحم كلاب.

قال (كرتونة):

- يا ريتها كلاب أو حتى حمير، على الأقل نطمن شوية.. ده بي عمل لحم كائنات فضائية مجهولة.

- متقلقش.. أنا مش جاي من سويسرا.

- انت منين يا دكتور؟ شكلك ابن ناس قوي.

- من المنوفية.

ردد (كرتونة) باستغراب:

- منوفي! مطلعتش ضابط ليه طيب؟ كان زمانك دلوقتي راكب العربية الجيب ومعلق الطبنجة والناس بتقولك يا باشا.

- أنا أبويا ضابط واخويا الكبير ضابط.. قلت اختلف عنهم.

تهلل وجه (كرتونة):

- يعني على كدا أنا لو اتسحبت مني رخصة العربية ممكن تكلم السيد الوالد أو السيد الأخ الكبير وترجع لي الرخص.

- انت عندك عربية؟

- لا.. بس عشان لو اشتريت في يوم من الأيام.

هز الدكتور (ياسر) رأسه في يأس، ثم غادر وترك (كرتونة) الذي تناول ممسحة وملأ دلواً بلاستيكياً كبيراً بالماء و(الفنيك) وراح يمسح الاستراحة جيداً.

بعد ساعةٍ من العمل.. (كرتونة) جعل الاستراحة نظيفة مثل جيب

- يا ريتها كلاب أو حتى حمير، على الأقل نطمن شوية.. ده بي عمل لحم كائنات فضائية مجهولة.

- متقلقش.. أنا مش جاي من سويسرا.

- انت منين يا دكتور؟ شكلك ابن ناس قوي.

- من المنوفية.

ردد (كرتونة) باستغراب:

- منوفي! مطلعتش ضابط ليه طيب؟ كان زمانك دلوقتي راكب العربية الجيب ومعلق الطبنجة والناس بتقولك يا باشا.

- أنا أبويا ضابط واخويا الكبير ضابط.. قلت اختلف عنهم.

تهلل وجه (كرتونة):

- يعني على كدا أنا لو اتسحبت مني رخصة العربية ممكن تكلم السيد الوالد أو السيد الأخ الكبير وترجع لي الرخص.

- انت عندك عربية؟

- لا.. بس عشان لو اشتريت في يوم من الأيام.

هز الدكتور (ياسر) رأسه في يأس، ثم غادر وترك (كرتونة) الذي تناول ممسحة وملأ دلواً بلاستيكياً كبيراً بالماء و(الفنيك) وراح يمسح الاستراحة جيداً.

بعد ساعةٍ من العمل.. (كرتونة) جعل الاستراحة نظيفة مثل جيب

موظف في نهاية الشهر، تذكر السيجارة التي أعطاها له الدكتور (ياسر) حين كان يقوم بغسل وجهه في الحمام، تناولها من جيبيه وهو يحدث نفسه:

- كنت هنساكي يا حلوة.

ثم أشعلاها وراح يتأمل ملامح وجهه في مرآة الحوض بإعجابٍ، وهو يتحدث مع صورته، فجأة سمع صوتًا:

- كرتونة.

وضع السيجارة على طرف الحوض، ثم جرى بسرعة للخارج، وقد ظن أن الدكتور (ياسر) قد عاد:

- حاضر يا دكتور.

لكنه لم يجد أحدًا، تعجب واندهش، نادى:

- دكتور ياسر.

صدى صوته هو من أجابه.

- يمكن بيتهيائي.

قالها لنفسه وهو يعود إلى الداخل وينقذ السيجارة قبل أن تسقط على الأرض.

- كرتونة.

شعر بتياً كهربائي يسري في جسده هذه المرة مع تكرار النداء عليه، ثم هتف:

- مين ابن الهرمه اللي بيعاكس؟

وبقفرة واحدة كان يقف في البهو، يتلفت حول نفسه ويقول بنفاذ صبر:

- مين؟

- كرتونة.

هذه المرة جاء الصوت من الحمام من حيث خرج.

- لا.. كدا حد بيشتغلني.

قالها وهو يعود إلى الحمام.

- كرتونة.

تكرر النداء من الخارج مرة أخرى بطريقةٍ جعلته يصرخ بعنادٍ طفولي:

- عليا النعمة ما اانا خارج.

ثم بحث عن السيجارة فوجدها ملقاة على الأرض وقد تحولت إلى أجزاء.. قال بضيق:

- يخربيت ده حظ.

ثم أخرج من جيبه ورقة (السلوفان) التي حصل عليها من (محروس) وغمغم:

- مبدهاش بقى.

كانت ورقة (السلوفان) تحتوي على بودرة بيضاء بها ذرات خشنة  
زرقاء..

أخرج علبة كبريت أشعل منها عوداً، ثم قربه من الخليط بحذر  
حتى التقط النار، فاحتراق بسرعة مثل الألعاب النارية، نتيجة  
الاحتراق خرج دخان أبيض كثيف استنشقه (كرتونة).. فدار عقله  
عدة دورات بهلوانية وحلق وسبح في الهواء حتى لامس السقف،  
ترنح قليلاً وحان وقت منه التفاته سريعة إلى المرأة، كان انعكاس  
صورته في المرأة يبتسם له ابتسامة عريضة قاسية.

- !

\*\*\*

منزل معتز..

بعد أن انصرفت (روحية، وسعاد، وفاتن) قبعت (وردة) في  
حجرتها تفكّر في زوجها.. هذا العايب لا بد أنه الآن يضاجع  
سكرتيرته الشمطاء.

أجرت اتصالاً بأخيها (الحاج محروس).. تسمع صوت رنين  
الجرس ممتزجاً بأغنية دينية قبل أن يرد:

- الو.

قالت:

- أخبارك؟

قال هو يدرك أن هناك محببة وراءها:

- أنا تمام.. خير؟

قالت باقتضاب:

- معتز.

سألها بنفاذ صبر:

- ماله؟

ردت:

- عماله اتصل بيء مش بيرد عليا.

هتف:

- طيب ده عادي.. تلاقيه بيشتغل.

صرخت:

- لا ده بيتعمد انه يهملي.

حاول أن يهدئها:

- لا إهمال ولا حاجة.. أنا كنت معاه الصبح في المصنع وكان فيه شحنة هتسافر الليلة دي، وأكيد هو قاعد بيخلص فيها دلوقتي.

صاحت:

- وقبل كدا.. كان فيه برضه شحنة.. أنا من ساعة ما شفت

السكرتيرة الجديدة وأنا مش مطمئنة.

قال ضاحكاً:

- انتي طول عمرك مش مطمئنة.

أحرقتها ضحكته، فقالت بضيق:

- قصدك إيه.. أنا مجنونة مثلاً.

هتف بجدية:

- بطلي أفكار المسلسلات التركي اللي لحسـت دماغك.. معـتزـ محـترـمـ وـمشـ بتـاعـ الحاجـاتـ ديـ.

تهـدـجـ صـوـتهاـ:

- انت بتـعملـ مـعـاـياـ كـداـ ليـهـ.. دـهـ بـدـلـ ماـ تـرـوحـ تـتـكـلمـ مـعاـاهـ.. اـنتـ خـايـفـ عـلـىـ الشـراـكـةـ الليـ بيـنـكـمـ.

تنـهـدـ:

- شـوـفيـ اـنـتـيـ عـاـوزـهـ منـيـ إـيـهـ وـأـنـاـ هـعـملـهـ.

خـفـضـتـ صـوـتهاـ:

- عـاـوزـاكـ تـكـلمـهـ.. تـقـولـهـ يـرـاعـيـنـيـ وـبـلـاشـ الإـهـمـالـ بـتـاعـهـ دـهـ.

- حـاضـرـ.. أـوـعدـكـ هـكـلـمـهـ.. حـاجـةـ تـانـيـةـ؟

- آـهـ.

قال بنفاذ صبر:

- اتفضلي.

- عاوزة أشوفك.. انت بقالك فترة مبتجيش تزورني.

قال:

- ما أنا كنت عندك من أسبوعين.

هتفت:

- أفهم بقى يا محروس.. بابا وماما ماتوا من سنين، واختنا الكبيرة هاجرت، وأنا ماليش غيرك.

- عارف والله بس هي مشاغل مش أكثر و...

قاطعته:

- أقولك على حاجة.. هات مراتك وأولادك وتعالوا قضوا معانا يوم الجمعة.

- هشوف كدا.

- لا مينفعش تشوف.. انت تجييهم وتيجي.. ولادك وحشوني.

- طيب حاضر.

قالت في نبرة حازمة:

- هتيجي.

صاحب:

- قلت لك حاضر.

حاولت أن تقول:

- طيب أنا...

لكنه كان قد أغلق الخط.

\*\*\*

الوحدة الصحية..

اقرب (كرتونة) من المرأة أكثر ليتأكد مما يراه حتى كاد وجهه أن يلتصق بها، وهو يغمغم:

- الصنف ده عالي قوي.

كان هناك اثنان منه.. الذي في المرأة، وال حقيقي .. لا يفصل بينهما غير السطح اللامع المصقول ..

ضرب (كرتونة) المرأة بقبضته فاهتزت صورته للحظة، وعادت إلى ثباتها وطبيعتها، لكن مع عودتها لطبيعتها ظهر في المرأة إنسان نحاسي مملوء بالماء، التفت (كرتونة) ناحيته، لم يكن الإناء موجوداً في الحقيقة، عاد ينظر في المرأة، الإناء موجود، جالت بخاطر (كرتونة) فكرة مجنونة، ظل ينظر في المرأة ويستدل بها على مكان وجود الإناء الخفي حتى وصل إليه، مد يده وقبض عليه، بالرغم من أنه كان يقبض على الفراغ لكنه شعر بثقل وبرودة المعدن النحاسي في يده، ضحك في مزيجٍ من الدهشة

وعدم التصديق، ثم حمل الإناء وألقاه، في المرأة يظهر الإناء وهو يطير في الهواء ثم يصطدم بالحائط ويتدحرج، قبل أن يستقر بجوار عجوز مرعبة لها شعر أسود طويل يخفي وجهها، بعد مدة سقط (كرتونة) على الأرض وهو يشعر أنه يهوي داخل غياه布 بئر لا ينتهي، رفع جسده بصعوبة وهو يستند إلى حافة حوض الماء ويبنطر إلى شيء ضبابي يتشكل على هيئة عجوز بشعة تقترب منه، ثم أغمض عينيه وترك الظلام يسحبه إلى الأسفل.

\*\*\*

(٧)

ليلة الجمعة..

على مشارف (تل العبيد) كانت توجد أنفاق ومخابئ تحت الأرض لأنسلاحة دفاع جوي تم استخدامها خلال حرب ٦٣.. بمرور الوقت تم إهمالها وردم معظم الأنفاق ونقل المعدات إلى أماكن أخرى أكثر حصانة وأكثر أهمية..

بالقرب من هذا الموقع كان يوجد النادي الاجتماعي، مبني مستطيل الشكل تحولت جدرانه العاجية إلى اللون الأصفر بفعل الزمن، تحيط به حديقة صغيرة يشقها طريق مرصوف، قام ببنائه منذ سنوات (ال الحاج محروس) وجعله حكراً فقط على طبقة الأعيان وكبار البلد، اعتاد فقراء ومساكين البلد التندر على هذا المكان وإلقاء النكات البذيئة عنه، البعض كان يصفه بدار الحكمة التي كان يجتمع فيها (أبو جهل) وكفار قريش..

النادي من الداخل كان عبارة عن قاعةٍ واسعة للجلوس تتناثر فيها المقاعد والمناضد، يتفرع منها حجرات صغيرة، تم تخصيص كل حجرةٍ منها لغرض ما..

كان يقوم على خدمة وحراسة المكان (عبده).. رجل كثيف الملامح يشبه أحدب نوتردام، له ساق خشبية يدب بها على الأرض باستمرار، وبالرغم من حالته الصحية السيئة كان متزوجاً من ثلاث نساء، لم يكن الحصول على أكثر من زوجة بالأمر الصعب في (تل العبيد).. الفقراء كانوا كثيرين، وما لا تستطيع أن تفعله بالحلال سوف تفعله بالحرام، لكن (عبده) لم يكن يتزوج

من أجل الجنس فقط.. كانت لديه رغبة في جمع ثروة من النساء لتعويض النقص البدني والنفسى الذي يعاني منه.. في المنزل كان هو الإله والحاكم والسيد، وفي النادى هو أحد الجوارب الذى فقد نصفه الآخر في الغسالة.

في هذا اليوم كان (عبده) قد انتهى من تدخين سيجارة البانجو المعتادة، وبدأ في تجهيز المكان استعداداً لقادم (محروس) والآخرين.. قام بنفض الأتربة عن المقاعد، ومسح المناضد بالمنظف جيداً، ثم أحضر (فواحة بخار) ووضع فيها الماء وبعض العطر وانتظر حتى تأكد من خروج الرائحة منها ثم تركها، توقف للحظات أمام التلفاز الذي كان يعرض حلقة من مسلسل المال والبنون، ثم التفت إلى تمثالٍ برونزي عبارة عن تقليدٍ سبيٍّ لتمثالٍ فرعونيٍّ شهير تتقاطع ذراعاه أمام صدره.. حدق في التمثال بعينين ثاقبتين، وهو يقول:

- انطق بقى.. الحاج محروس قال إنك لو نطقت هيديني نص ثروته.

التمثال ظل على صمته، و(عبده) ينظر إليه في أملٍ قبل أن يصفعه:

- ولا عمرك هتنطق.

حين اقتربت الساعة من العاشرة مساءً، بدأ توافد الأعضاء، أسرع (عبده) يرحب بالقادمين، كان يعرفهم بالاسم ويعرف طلبات كل شخصٍ منهم ويضعها لهم مباشرةً قبل أن يطلبوها..

معظم الحاضرين يتميزون بالصمت وقلة الكلام، المحادثات بينهم

كانت قليلة، جاءوا إلى هنا هرباً من ضجيج العمل والمنزل والناس وحتى ضجيج أنفسهم، بعد قليل أصبح السقف مخزناً كثيراً لدخان السجائر والأحاديث الجانبية بين أصحاب النعمة، أشار أحدهم إلى (عبده):

- شغل لنا حاجة للست.

في لمح البصر وقبل أن يعتدل القائل في جلسته، كان صوت (أم كلثوم) يتعدد من خلال السمعاءات الحديثة التي تم تركيبها منذ شهر على يد مهندس متخصص في أنظمة الصوت..

ذهب (عبده) وقام بتغيير العطر في الفواحات، ثم اتخذ مجلساً في الركن يراقب الموجودين دون أي تعبير على وجهه، لا تعرف هل هو سعيد، حزين، مهم، غير مبالٍ.. كان فقط يجلس وينتظر.

بعد مدة دخل (الحاج محروس) إلى النادي وهو متوجه الوجه، وما أن شاهده (عبده) حتى هب واقفاً من فوق كرسيه وأسرع لاستقباله والترحيب به:

- مساء الخير يا حاج.

رد عليه (الحاج محروس) باقتضابٍ، ثم جلس على كرسيٍّ ضخم في نهاية القاعة أمام نافذة زجاجية تطل على الطريق، وأشعل سيجارة راح يدخنها في هدوء وهو يتأمل أنوار السيارات التي تومض بين الحين والآخر على الطريق الدولي السريع..

بعد خمس دقائق كان (عبده) يضع أمامه فنجان قهوته المعتاد:

- قهوتك يا حاج.

سائله (الحاج محروس):

- سمعت عن موضوع سيد.

هز (عبده) رأسه بالإيجاب:

- آه.. ده البلد كلها بتتكلم عنه.. بيقولوا انه اقطع.

- ديب ده ولا سلعة؟

- محدش عارف.. بس بيتهيألي دي عملية انتقامية.. الواد ده كانت أخلاقة مش ولابد.. وسمعت انه كان بيجيب نسوان في البنزينة.

- يمكن...

انتظر (عبده) أن يكمل (الحاج) كلامه لكنه لم يفعل، فقال وهو يستعد للانصراف:

- تأمرني بحاجة تانية؟

- لا.

قالها (الحاج محروس) ثم انتظر حتى ابتعد (عبده) وتناول هاتفه المحمول وأجرى اتصالاً:

- انت فين؟

جاءه صوت (معتز) من الطرف الآخر:

- خمس دقائق بالضبط وهبقى عندك.

بعد ربع ساعة كاملة، كان (معتز) يدخل من بوابة القاعة وهو يضع يده اليسرى في جيب بنطاله ثم يتوجه مباشرة إلى حيث يجلس (الحاج محروس) قائلاً:

- آسف على التأخير.

سحب مقعداً وجلس في مواجهة (الحاج محروس) الذي قال له:

- ولا يهمك.. عندي موضوعين عاوز أكلمك فيهم.

- قول.. أنا معاك.

- الموضوع الأول.. مشكلة التصدير لأمريكا عاوزين نلاقي لها حل.. كل شوية نتعطل.

قال (معتز):

- تبع اتفاقية الكويت اللي أبرمتها الدولة سنة 2004 لازم جزء من المنتج يكون إسرائيلي بنسبة 10.5%. ملهاش حل تاني، وانت اعترضت عليه.

- أنا مش معترض على الحل ده، أنا مشكلتي معاه إن البلد هنا فيها شهداء كتير من أيام الحرب مع اليهود، والموضوع ده لو اتعرف هتحصلنا مشاكل.

هتف (معتز):

- ولا هيحصل أي حاجة.. انت مكبـر الموضوع.. ما دام فيها فلوس كلـه بيتنـسي.

عبيت (الحاج محروس) بلحيته قائلاً:

- الناس هنا مش بتنسى ومبنتغيرش.

قال (معتز) بسخرية:

- قوللي حاجة واحدة في البلد دي مينفعش الفلوس تغيرها..  
وبعددين احنا هنستورد من إسرائيل جزء بسيط.. ممكن نستورد  
الإكسسوارات.. وأنا عارف ناس توصلنا لهم.. إيه رأيك؟

- شركة مين؟

- شركة اسمها القدس.. لها فرع أصلًا في مصر.. بس إحنا  
هنتعامل مع الفرع الإسرائيلي.

- طيب تمام.. خلص لنا الموضوع ده.

- اعتبره خلص.

جاء (عبده) وهو يحمل (شيشة) وفنجان قهوة.. وضع القهوة  
أمام (معتز) ثم ناول (مبسم الشيشة) إلى (الحاج محروس)  
وانصرف في صمت.

سؤال (معتز):

- إيه الموضوع الثاني؟

أشار (الحاج محروس) إلى فنجان القهوة قائلاً:

- اشرب قهوتك الأول.

أمسك (معتز) فنجان القهوة، ورشف منه رشقة صغيرة ثم وضعه على الطاولة:

- خير؟

أجاب (محروس) بعد أن سحب نفساً عميقاً من (الشيشة) ونفثه على دفعات:

- وردة بتشتكي منك.

تنهد (معتز):

- وهي من امتنى مش بتشتكي؟

- اسمعني بس.. لما السـت تكرر شـكوتـها من الـراـجـل يـقـىـ المـوـضـوـع كـبـيرـ.

- وردة عامله زي اللي على راسها بطحة وبتحسس عليها.. طول الوقت حاسة اني هاسيـبـها وهـتـجـوزـ.. والنـعـمة ما هـتـجـوزـ.. والـقـرـآنـ ما هـتـجـوزـ.. والإـنـجـيلـ ما هـتـجـوزـ.. مش عارف اعمل إيه عـشـانـ تـصـدـقـ.

رد (محروس) بهدوء:

- كلمـها بالـرـاحـةـ.. بلاـشـ تـتـعـصـبـ فيـ وـشـهاـ.. اـقـضـيـ وقتـ مـعاـهاـ بـدـلـ ماـ اـنـتـ طـولـ الـوقـتـ فيـ المـصـنـعـ.

رفع (معتز) كلتا يديه:

- اـنـتـ شـايـفـ الشـغـلـ عـاـمـلـ اـزاـيـ.

- ما أنا عشان شايف الشغل عامل أزاي، بقولك اقضي وقت معها.  
 - أخلص موضوع شركة القدس والتصدير، وهاد وردة ونقضي  
 يومين في إسكندرية.

- كمان السكرتيرة اللي عندك.

زفر (معتز):

- مالها دي كمان.

- بلاش سكرتيرة.. هات راجل مكانها أحسن.

قال (معتز) بضميق:

- لاااا.. كدا الموضوع زايد عن حده، أنا....

قاطعه (محروس):

- أنا معنديش اعتراض، المهم هي تكون مزاج بس، مش نظام  
 زوجة تانية.

فجأة اقتحم القاعة رجل أعمى، وهو يصرخ:

- هنمومت كلنا.

صوت أزيزٍ حاد يتعدد في آذان الجميع.

\*\*\*

قبل ذلك...

## منزل الشيخ (عرفة) ..

تقريرًا لا يوجد أحد من أهالي البلد إلا ودخل هذا المنزل مرة أو مرتين، المنزل كان متین الجدران، له بوابة حديدية ضخمة، ورصيف صغير من الرخام المصقول، لم يكن المنزل ذو ارتفاعٍ شاهق كما قد يتخيل البعض لكن على العكس كان متوسط الارتفاع مكوناً من طابقين فقط.. الطابق الأول كان معداً لاستقبال الزبائن والضيوف، أما الطابق الثاني فقد كان مخصصاً للعيشة..

تحركت بوابة المنزل الحديدية وعبر منها رجل كهل وسار حتى وصل إلى الشيخ (عرفة) الذي كان يفترش الأرض فوق سجادة بسيطة، ويستند على وسادةٍ متوسطة الحجم ويمسك في يده مسبحة طويلة ذات مئة حبة، يتمايل معها يميناً ويساراً وهو مندمج في التسبيح والتهليل والتكبير..

كان الشيخ (عرفة) في الثلاثينات من العمر، نحيف الجسد، خفيف شعر الرأس، له زبيبة صلبة كبيرة في منتصف جبهته، ولحيته بيضاء قصيرة.

(كان رجل بركة) كما يقال..

شهرته الدجل والسحر وفك الأعمال.. وأحياناً صناعتها.. ورث العلم عن والده، والذي بدوره ورثها عن والده، وهكذا دواليك حتى نصل إلى الأصل وهو ساحر قديم من المغرب، كان الشيخ (عرفة) أعمى البصر، لهذا يمكن تفسير سر النظارة السوداء قبيحة الشكل التي يرتديها، حين يسأله البعض عمّ إذا كان يرى

سواً أم ماذ؟ كان يخبرهم أنه لا يرى شيئاً على الإطلاق،  
الحقيقة هو أنه لم يكن يكذب فلقد ولد أعمى ولم يكن يفهم  
معنى الرؤية، لا يعرف ما هو اللون الأسود أو الأبيض أو الأحمر،  
حين يتحدث أحد أمامه عن تفاحة مثلاً هو لا يرسمها في  
خيالاته كشيء أحمر أو أخضر، كل ما يعلمه عنها طعمها فقط،  
أحلامه كانت مثل المساللات الإذاعية مجرد أصوات بدون صورة.

قال الرجل الكهل:

- السلام عليكم.

رد الشيخ (عرفة) بلهجة ثقيلة ورثها عن والده:

- وعليكم السلام ورحمة الله وبركاته.

- إزيك يا شيخ عرفة.

قال الشيخ (عرفة) وهو يدرس الصوت جيداً:

- مين.. إبراهيم أبو (بديعة)؟

قال الرجل وهو يجلس بجواره:

- أیوه يا شیخ.. کویس انک لسہ فاکرني.

**قال الشيخ (عرفة) وهو يمد يده ليصافحه:**

- وهو في حد ينسى الناس الطيبة اللي زيك.. اقعد يا حبيبي.

جلس (أبو بدیعه) بجوار الشیخ (عرفة) علی الأرض، وزفر زفرة

طويلة تنم عن أشياء كثيرة.. تعب، يأس، حزن، ضيق.

**أسع الشیخ (عرفة) يقول:**

- خير يا حببي.

**قال (أبو بدیعة) بوجه عبوس:**

- والله أنا مش عارف أبدًا إزاي يا شيخ ولا عارف أقول إيه.

كان بجوار الشیخ (عرفة) صحفة فوقها زجاجة عصير وبعض الأكواب الزجاجية، تناول الزجاجة وصب منها في أحد الأكواب، ثم ناول الكوب لـ (أبي بدیعة) قائلًا:

- اشرب الأول وبعدين قول اللي يجي على بالك.. أنا كلني آذان مصفية.

**شرب (أبو بدیعة) نصف الكوب قبل أن يقول:**

- انت عارف ان بنتي (بدیعة) متوجزة من (رضوان) وان بنتهم وفاء ضاعت من حوالي شهرين ومش عارفيين لها أثر.

- أيوه عارف.

- ده اللي الناس عارفاه، لكن اللي احنا مقلناش عليه ان (بدیعة) حاولت تنتحر من كام يوم ولو لا ستر ربنا كانت ماتت، مقلناش كدا عشان منوقفش سوق أخواتها البنات.. المهم ان الندل جوزها رماها عندنا، وسمعنا انه راح يتجوز بنت من بلد جنبنا.

- لا حول ولا قوة إلا بالله.

- أنا قلت بنتي تقعدي عندى ملكرة لغاية لما أموت.

- يديك طولة العمر يا حبيبي.. كمل.

- لما (بديعة) قعدت عندنا، نفسيتها بدأت تتحسن شوية.. وبدأت تتكلم وتقول كلام أول مرة نسمعه منها.. كانت بتقول ان قبل ما بنتها تختفي كانت بتشوف واحدة ستصير عجوزة ضهرها محني وعينيها مشقوقة بالطول.

انتبه الشيخ (عرفة) جيداً عند تلك النقطة، فسأل (أبا بديعة):

- ظهرت لها مرة واحدة؟

- لا.. في الأول بقت تسمع خبط على الباب بالليل، وبعدين بقت ت Shawfها.. مرة في الصالة، مرة في الحمام.

- كانت بتتكلم معها.

- معرفش.. وبصراحة أنا كنت واحد كلام (بديعة) انه تخارييف أو أوهام بسبب الزعل ومحطتش في دماغي.. وفي يوم أنا كنت نايم، فتحت عيني على صوت حد بيهمس جنب مني.. بصيت حواليا لقيت جنب مني واحدة ستصير نفس الأوصاف اللي قالت عليها (بديعة).. كانت مربعة إيديها ورجلتها، شعر جسمي كله وقف من الخوف.. لسه جاي اقرأ آية الكرسي لقيت ضرب شديد في جسمي، ضرب كان حد ماسك سكينة أو حجر وعمال يضرب في ظهرى وبطني.. ومن قوة الضرب والألم فقدت الوعي.

توقف (أبو بديعة) عن الكلام ثم أمسك يد الشيخ (عرفة) ووضعها على بطنه بعد أن كشفها قائلاً:

- عملت كدمات كبيرة في جسمي.

- لا إله إلا الله.. ده شيء مؤذن ملعون.

غطى (أبو بداعة) بطنه، وعاد يقول:

- لسه الموضوع مخلصش.

- طيب كمل يا حبيبي.

- أنا طبعاً مرضتش أقول لحد في البيت على اللي حصل عشان محدش يخاف وعشان برضه (بداعة) حالتها متتدھورش.. المهم بعد كام يوم أنا كنت داخل الحمام شفت آثار رجلين زي رجلين الغنم أو الخرفان.. طبعاً احنا مفيش عندنا حاجة من دي.. فجأة سمعت صوت جاي بینادي علياً.. كان صوت (بداعة).. رحت على أوضتها وفتحت الباب ودخلت.. أول لما دخلت، الباب اتفقل ورايا، والأنوار كلها انطفت.. حسيت بشيء تقيل فوق صدري واني مش قادر أتنفس، وبعد لحظات حسيت بيأيدين بتحريك فوق ضهرى لغاية رقبتي، وبتلف زي الثعبان.. رميت نفسي بسرعة وووقيعت على الأرض.. النور رجع، بصيit لقيت شيء فوق سرير (بداعة) ومتغطي بالبطانية.. البطانية كانت عمالة تتهز، صوت (بداعة) جاي من تحتها، لكن صوتها كان بطيء وخشن.. مدبت إبدي ناحية الغطاء وكشفته.. شفت وفاء بنت (بداعة) ملفوفة في كفن أبيض، وعلى جبينها منقوش كلام مقلوب، وكانت فيه دبابيس مغروزة في عينيها وحدودها.. مستحملتش وجريت بره الأوضة، وولعت كل أنوار الشقة وشغلت إذاعة القرآن الكريم وجيت لك جري.

انتهى (أبو بدیعه) من کلامه وانتظر تعقیب الشیخ (عرفة) لکن لا تعقیب..

کان الشیخ (عرفة) یتصرف بغرابة شديدة.. یهتز یمیناً ویساراً مثل بندول الساعة، وهو یتصبب عرقاً ویجاهد من أجل تحريك حبات مسبحته، حين صرخ في الهواء:

- ابعدي ...

- !

\*\*\*



بعد ذلك...

النادی الاجتماعي..

الجميع يحيط بالشیخ (عرفة) في قلقٍ وتوتِّرٍ وارتباک.

- بتقول إيه يا شیخ؟

أصغى الشیخ (عرفة) إلى الصوت، ثم قال:

- أنت الحاج محروس.. مضبوط.

قال (الحاج محروس):

- أيوه.. خير.. بالراحة كدا.

تحدى الشیخ (عرفة) بسرعة:

- البلد حل عليها غضب من ربنا.. ربنا نزل علينا العذاب زي قوم لوط وصالح.

: هتف (معتز)

- ربنا بعد قوم سيدنا يونس مبقاش ينزل عذاب على حد.. سمعت ده في خطبة الأسبوع اللي فات.

: أصغى الشيخ (عرفة)

- أنت بتشكك في كلامي يا باشمهندس.. وما أمر سيد وأشجان منكم بعيد.

  
زجر (الحاج محروس) (معتز) بنظرة حادة حتى يصمت، ثم عاد يقول للشيخ (عرفة):

- الشرطة بتقول إن فيه ديب في البلد.

: صرخ الشيخ (عرفة)

- لااا.. هي اللي قتلتهم.. الملعونة قتلتهم.

: صالح (الحاج محروس) بغلظة:

- هي مين.. اسمها إيه؟

دار الشيخ (عرفة) بوجهه بين الجميع كأنه يراهم قبل أن يثبت وجهه تجاه (الحاج محروس) قائلاً:

- اسمها...

- !

\*\*\*

قبل ذلك...  
.

منزل الشيخ (عرفة)..

المشهد كالتالي .. (أبو بدیعه) مندمج تماماً في سرد حکایته بينما  
الشيخ (عرفة) يصغي إليه بانصاتٍ شدید..

حولهم كانت توجد هالة خضراء على هيئة قوسٍ تحيط بهم،  
أسفل السجادة التي يجلسون عليها كانت توجد دائرة واسعة  
تمتلئ بالطلاسم، هذه الدائرة هي مصدر تلك الهالة الخضراء  
والتي هي في الأصل حصن من صنيع الشيخ (عرفة) كي تحميه  
هو ومن معه من إيذاء الجن، خارج تلك الهالة الخضراء كانت  
تجلس المرأة العجوز تحدق فيهم وتبتسم في قسوة، مع استمرار  
(أبي بدیعه) في روايته، زحفت على ركبتيها واقتربت منهم،  
توقفت على حافة الهالة، ثم مدت يدها ببطءٍ، ارتعشت الهالة  
وتغيرت ألوانها، الألم ظهر على وجه العجوز، استشعر الشيخ  
(عرفة) اقتراها، راح يحرك حبات مسبحته، لم تكن مسبحة  
عادية، كل حبةٍ كان مكتوب فوقها اسم ملك من الملائكة، يحرك  
حبات المسبحة بسرعة حتى يصل إلى نهايتها لتنمية الهالة التي  
تحيط بهم، تبرز عروق العجوز في عنقها ثم تعبر برأسها، لحظة  
وصارت في المنتصف بين الشيخ (عرفة) وأبي بدیعه). ثم  
قبضت على يد الشيخ (عرفة).. تصبب العرق على وجهه وهو  
يشعر بسخونة أصابعها، دماءٌ تجتمع تحت قبضتها، كاد أن يفقد

التحكم في نفسه ويفقد الوعي، بصعوبة استجمع آخر طاقته ثم حرك آخر حبة في المسبحة وصرخ بها:

- ابعدي...!

- !

قذفتها صرخته في الهواء ثم تلاشت كالسراب..

قال (أبو بد菊花):

- خير يا شيخ عرفة؟

تنفس الشيخ (عرفة) الصعداء حين قال:

- الحمد لله.. خير إن شاء الله.

ثم صمت للحظة قبل أن يقول:

- اسمعني كوييس يا حبيبي.. أنت معاك أثر لبنتك، صح؟

هز (أبو بد菊花) رأسه وأخرج من جيبه منديلًا أخضر اللون، ووضعه بين يدي الشيخ (عرفة) وهو يقول:

- مضبوط.. قلت ممكن تحتاجه، لأن بيبي وبينك أنا حاولت أجيبهالك لكنها مرضتش، بس أنت عرفت ازاي؟

قال الشيخ (عرفة) بتوجههم وهو يأخذ منه المنديل:

- مش مهم عرفت ازاي.. اعمل حسابك أنا بكره هجي لك البيت.

- ياااااه.. أنت بنفسك يا شيخ عرفة.

أحرق الشيخ (عرفة) المنديل، فقال (أبو بديعه):

- ليه كدا؟

- أنا عارف أنا بعمل إيه.. المنديل خلاهم يدخلوا معاك بيتي.

- هما مين؟

قال الشيخ (عرفة) بغلظة:

- مش مهم تعرف حاجة دلوقتي.

ثم نهض مستنداً على عكاز كان بجواره:

- أنا هدخل أجيبي لك حجاب تدية لبنتك تلبسه.

حاول (أبو بديعه) أن يعاونه:

- طيب أساعدك في حاجة.

ابتسم الشيخ (عرفة):

- يا حبيبي أنا بشوف أحسن منك.. خلي بالك عشان مش تدوس على الصينية.

لاحظ (أبو بديعه) أنه كان على وشك أن يضع قدمه فوق (الصينية).. فقال:

- ربنا ينور بصيرتك.

سار الشيخ (عرفة) تجاه غرفة صغيرة بابها مغلق، تحسس مقبض

الباب النحاسي ودخل، كانت الحجرة تغرق في الظلام لكن هذا لم يكن يشكل فارقاً عنده، من ورائه، ومن وسط الظلام انفصل جزء، تجمع هذا الجزء واتخذ هيئة آدمية، رأس وجذع وساقين، الملامح غير واضحة لكن العينين كانتا تتنقبان الظلام وبشدة، الشعيرات الدقيقة التي في جسد الشيخ (عرفة) انتصبت واقفة كإبرٍ صغيرة، الظل تشكلت له يد طويلة جداً، واقتربت من منتصف عنق الشيخ (عرفة).. تكونت أصابع لليد، ثم خرجت منها أظافر حادة، انتفخ الوريد الأيسر لعنق الشيخ (عرفة) وارتقت نبضات قلبه فالتفت للوراء، وقال بحدة:

- عارف انه موجودة لسه.

تراجع الظل إلى الخلف كأنما تمت مbagتته..

للحظات ظل كلاهما في مواجهة الآخر..

الشيخ (عرفة) والظل..

صوت همس..

صوت نبضات..

- انتي مين؟

قالها الشيخ (عرفة) فتلوي الظل قليلاً، قبل أن يتشكل على هيئة العجوز مرة أخرى..

دارت حول الشيخ (عرفة) ببطءٍ، لمست خصلة من لحيته، ونفت منه شعرة بيضاء فاحتبرقت في يدها، ثم قالت بصوتٍ مبحوح:

- (الدويس).

وغاصت داخل ظلام الغرفة كأنها حية رقطاء.

\*\*\*

بعد ذلك ..

النادي الاجتماعي ..

- اسمها الدويس.

قالها الشيخ (عرفة) وصمت للحظةٍ قبل أن يستطرد:

- وناس بيقولوا عليها السوداء.

صاحب (عبدة):

- يعني دي إيه .. شيطانه ولا جنية ولا إيه بالضبط؟

أخرج الشيخ (عرفة) مخطوطة قديمة من طيات ثيابه قائلاً:

- اقرأ اللي فيها وسمع اللي موجودين.

تناول (الحاج محروس) المخطوطة، وبدأ يقرأ:

- روی أن نبی اللہ (سلیمان بن داود) علیہ السلام، بینما کان مع جماعتی من أصحابه ذات یوم، فإذا بعجوز ملعونة، ناشرة شعرها، فاتحة فمها، رافعة يديها، مصفرة أسنانها، ومن أنفها دخان ونار، تبحث الأرض بأنیابها، وتقطع الشجر بأصواتها، عیناها كالبرق الخاطف، وصوتها كالرعد القاصف..

تعجب النبي (سليمان) منها وقال لها:

- من أنت؟ من الجن أم من الأنس أم من الشياطين؟

قالت:

- أنا سخرني ربي وسلطني على بني آدم، ندق عظامهم ونأكل لحومهم ونشرب دماءهم.

قال:

- إنا نسجنك تحت الأرض في سبع طبقاتٍ ونذيب عليك النحاس والرصاص، ولأذيقنك عذاباً شديداً وشراياً صديداً.

قالت:

- يا نبـي الله، لا تعذبني بهذا العذاب فإني مأمورة فيما أفعل، ولا أفعل إلا فيمن ظلم نفسه.

قال:

- فما اسمك؟

قالت:

- لي أربعة وعشرون اسمـاً: جلوش، غبروش، حراش، حواش، هيموش، فمروش، قوش، شعوش، مرتلوش، هريلوش، حربعوش، أم بصيل، أم ملدم، سلوههموش، نقوس، برقوس، بردم، بنت الريح، بنت الرياح، بنت الهمام، بنت الوهيم، التابعة، السوداء، الدويس.

قال:

- لا أتركك حتى تعطيني عهداً وميثاقاً على أنك لن تؤذني أحداً من مخلوقات الله تعالى.

قالت:

- حبّاً وكراهة خذ مني هذا العهد.. بسم الله الرحمن الرحيم، وحق الله الذي لا إله إلا هو، الأول، والآخر، والظاهر، والباطن، وهو بكل شيء علیم، أنتي لن أقرب ببني آدم، والله على ما أقول وكيل وشهيد وكفيل.

طوى (الحاج محروس) المخطوطة بعدما انتهی من قراءتها، وهو يقول بحدة:

- كلها إسرائيليات، ملهاش أساس من الصحة، وخرافات ألف ليلة وليلة، وحرام نفترى بيها على أنبياء الله.

اتفق كل الموجودين مع كلام (الحاج محروس) ووصفوا الأمر بالهراء، نحن في القرن الحادي والعشرين ولا مجال للجبن أو العفاريت، إن خبراً مثل ارتفاع أسعار المحروقات كان ليسبب ذعراً أكثر من ذلك.

صاحب الشيخ (عرفة):

- افضلوا اضحكوا لغاية لما تظهر لكم.

هتف (معتز):

- طيب وبفرض ان الحكاية دي حقيقة.. هي خدت على نفسها عهد.. إيه اللي حصل بعد كدا بقى.

قال الشيخ (عرفة):

- بعد لما مات سيدنا سليمان، الجن أخفوا العهود اللي خدوها على نفسهم، ومن ضمنهم العهد ده.

خرجت بعض الضحكات المكتومة، فصاح الشيخ (عرفة) وهو يغادر:

- أنا أذركم.

هتف به (الحاج محروس):

- تحب أبعث معاك حد بيوصلك.

- لا.. (أبو بديعه) ينتظري في الخارج.. هو اللي وصلني هنا.

بعد أن انصرف قال (الحاج محروس) مخاطبًا الجميع:

- الراجل ده مجنون متصدقهوش.. أنا عارف شغل الدجالين والإجر.

قال (معتز) وهو يعود إلى مقعده مثل الجميع:

- آه والله شوية نصابين.

ابتسم (الحاج محروس) في سخرية:

- بس ظريف.. عمل شوية إثارة.

ثم نادى (عبده) وطلب منه فنجان قهوة قبل أن يعود ليقول وهو يقترب من النافذة:

- لازم بعد كدا نجيب بواب يقف على النادي عشان مش أي حد  
يدخل كدا والسلام.

ثم أزاح ستار النافذة لينظر إلى الطريق..

لكنه لم ير الطريق..

بل على العكس تراجع إلى الوراء وهو يشهق..

كانت (الدويس) تلصق وجهها بزجاج النافذة من الخارج، وتنظر  
له في ثبات دون أن ترمش عيناها.

\*\*\*

(٨)

أيام كثيرة مضت بعد تلك الليلة..

(معتز)

انتهى من توقيع اتفاقية استيراد مواد خام من إسرائيل، وبعدها قام بتوقيع اتفاقية تصدير منتجات المصنع إلى أمريكا، وانتظر الانتهاء من إرسال أول شحنة والتأكد من جودتها، ثم سافر مع (وردة) إلى الإسكندرية، اختار أحد الفنادق الشهيرة التي تمتلك بالأجانب أكثر من المصريين، لسبب ما كانت (وردة) تشعر بالغربة وعدم الألفة في هذا الفندق، رغم ذلك حاولت أن تمضي الأيام..

في النهار كانا ينزلان إلى البحر، أو يجلسان على الشاطئ يستمتعان برائحة اليود والشمس الدافئة، الليل كانا يقضيانه في الترفيه والذهاب إلى المطاعم والتسوق.. قامت (وردة) بشراء أشياء لا فائدة منها، كانت إجازة مثالية يحلم بها الكثيرون، لكن (معتز) سرعان ما أصابه الملل، حاول أن يخفي ذلك بقدر ما يستطيع، لكن (وردة) شعرت به جيداً، وأنها شخصية صدامية فلم تحاول أن تتجاوز الأمر، لتنتهي الرحلة بشجارٍ بينهما قبل أن يعودا إلى الديار..

بعد العودة ازداد (معتز) انعزلاً وانشغلًا في العمل، وحتى يثبت له (وردة) أنه لا يعبأ بها، وأنه لا يستطيع أحد أن يلوّي ذراعه أو يفرض عليه أمراً حتى لو كان أخاهما، قام بإحضار سكرتيرة إضافية لتصبحا اثننتين..

كان هذا كفيلاً بتحويل (وردة) إلى كائن متووحش هائج، وأخيراً اتخذت قراراً جريئاً ثوريّاً، سوف تترك له المنزل، وقد كان.

(كمال)

تأقلم على العمل الجديد، وبمرور الوقت استطاع أن يكتسب الثقة، لم يكن العمل شاق وكان زملاؤه على قدرٍ من الطيبة والود، حيث شعر أنه يعرفهم منذ أعوام طويلة..

كان الفراغ يأكل (محمدًا) من الداخل والخارج، ومع استمرار الأيام بدأت تظهر مشاكله، لاحظ (كمال) أن (محمدًا) لم يعد يشتكي من بقائه وحيداً، السبب جارتهم (عايدة).. كان (محمد) يذهب إليها بعد الظهيرة ليجلس معها، المسكين كان يفتقد الأم وتقربياً هو قد عثر على أقرب شبيه لها، لم يمانع (كمال).. بل على العكس حاول أن يوطد علاقته بـ (عايدة).. كانت على طبيعتها وغير مصنعة، علم أنها غير متزوجة، ثم بعد فترةٍ تجراً وطلب منها أن يجلسا سوياً في مكانٍ هادئٍ للحديث، فوافقت..

ثم كان اللقاء بينهما متوتراً والكلام من نوع (لأن، وهذا، وأعتقد، وسوف) مزيج من العبارات المليئة بالحرج ومحاولة كسر الصمت، بعد لقاءين آخرين تكونت لدى (كمال) رغبة قوية، كان يريد الزواج من (عايدة).

(كرتونة)

بعد أن عثر عليه الدكتور (ياسر) فاقداً الوعي في الحمام، شعر بالخجل من نفسه، وأقسم بالله على ألا يقرب المخدرات مرة أخرى..

لحسن الحظ لم يكن لديه خيار آخر، فقد كانت نقوده قليلة ولا يستطيع الشراء..

خلال تلك الأيام ولسببٍ ما لم يفصح عنه، بدأ في الاكتئاب والصمت والجلوس وحيداً، الوحيدة التي انتبهت له كانت (سعاد).. وذات يومٍ طلبت منه إحضار مدخراتها التي لديه، لم يكن يتوقع أنها ستطلبها بمثل تلك السرعة، لكنه لم يتأخر ولم يسألها عن السبب وإن كان قد توقع أن يكون زوجها هو السبب..

قام بجمع كل النقود ووضع عليها أيضاً كل مدخراته وأعطها لها عن طيب خاطر..

في اليوم التالي فوجئ بها تزوره وتأخذه من يده كطفلٍ صغير إلى منزل والد (هدى) وتطلب زواجه منها، شعر بالصدمة والفرح في آنٍ واحد، لكن من أين يحصل على نفقات الزواج؟

كانت المفاجأة هي النقود التي ادخرتها (سعاد).. لقد أعطتها لأهل العروس كمهر، ثم طلبت منهم شراء الأثاث والأجهزة، وتم الاتفاق على الزواج بعد سنة ريثما ينتهي هو من تجهيز شقته..

بعد أيامٍ من الخطبة فاض الكيل بـ (سعاد) من زوجها، واستطاعت أن تحصل على الطلاق منه بعد مشوارٍ قصير في أروقة المحاكم، وبعد أن قام (كرتونة) بالحديث مع زوجها رجلاً لرجل، ونکذه في معدته بمطواة قرن غزال.

الدكتور (ياسر)

أصبح لا يغادر الوحدة الصحية إلا فيما ندر، وكان المرضى لا

يتوقفون عن المجيء والذهاب..

في البداية كان هناك انطباع مبدئي عنه أنه مغورو وشخص لزج، لكن بمرور الوقت وبعد الكثير من التعامل بينه وبين الأهالي، أصبحوا يقولون عنه أنه طبيب ماهر ويتسم بالطيبة والأخلاق القوية..

أيضاً وسامته كانت سبباً في جذب فتيات البلدة، تقريراً صار فتى أحلام كل الفتيات، كن يذهبن للكشف عنده بحجج مختلفة..

- دكتور أنا أشعر بصداع، ولدي ألم في سن العقل. ماذا؟ لا يوجد ما يسمى سن العقل وإنما ضرس العقل، إذاً لنجعله سن القلب حتى تسمع دقاته.

- دكتور لا أستطيع السير سوى لمسافة 20 كيلومتر فقط ثم أشعر بالتعب.. هل هذا طبيعي؟

- دكتور، أعتقد أنني مصابة بالسكن، الجميع يقول لي أن دمي شربات.

- دكتور، هل يوجد لديك دواء لجلب الحبيب؟

**الشيخ (عرفة)**

ربما كان هو الوحيد الذي ظل يعيش في حالة من الخوف.. صحيح أن هناك هدوءاً يسود المدينة ولم تحدث أي حوادث جديدة، لكن كان لديه اعتقاد أن هذا هو الهدوء الذي يسبق العاصفة..

ذهب إلى (بديعة) وجلس معها أكثر من ساعتين، وحاول الوصول إلى تفسيرٍ أو سببٍ لظهور (الدويس) لكنه فشل.. بحث طويلاً في كتب السحر التي لديه، ثم حاول اللجوء إلى بعض الشيوخ الآخرين الأكثر منه باعًا في هذا العالم وأخبرهم بما جرى.. كان هناك شبه اتفاقٍ منهم أن لا يتتدخل في هذا الأمر وأن ينأى بنفسه عنه، كلّاهم كان دليلاً قوياً على أن هناك شيئاً خطيراً سيحدث، لكن ما هو؟ رفضوا جميعاً الإفصاح عنه، ذهب إلى (الحاج محسوس) الذي لم يخبر أحداً أنه رأى (الدويس) وأقنع نفسه أنه مجرد وهم أو خيال، عرض عليه مخاوفه وطلب منه تنبيه أهل البلد من الخطر الذي يحيق بهم، لم يكن الرفض أو الاستنكار هو ما قابله من (الحاج محسوس).. كان الرفض والاستنكار وأيضاً التهديد بالقتل في حالة نشر الخبر وإثارة الذعر في البلد.. كان التهديد جاداً جداً، والجميع يعلم أن (الحاج محسوس) لا يلقي تهديدات جزافية، وأنه يقصد وقدر على تنفيذ كل كلمة ينطق بها..

فيما بعد وبالصدفة البعثة قام الشيخ (عرفة) بالتواصل مع أحد الروحانيين المستنيرين الذين يعرفون في علم الرمل، لمن لا يعرف (علم الرمل) هو تقنية سحرية لاستقراء الغيب وحفظ الأسرار، وسمى بـ (علم الرمل) لأنّه كان يستعمل على الرمل، ويتم عن طريق رسم خطوطٍ في الرمال بالقدمين أو بقطعة زجاج، كانت وجهة نظر الرجل المستنير أن هناك من أحضر (الدويس) وأطلقها على أهل البلدة، ثم أعطى للشيخ (عرفة) حجاباً ولوح زجاجٍ شفاف، وأخبره بطريقةٍ يستطيع من خلالها معرفة من قام بتحضيرها، كما طلب منه أن يقوم بحرق جثة (سيد، وأشجان)

وشدد على هذا الطلب بالذات، وبالفعل قام الشيخ (عرفة) بمساعدة بعض الرجال الذين يديرون له بمعرفة، بنبش قبر (سيد، وأشجان) ثم سرقوا الجثتين وأحرقوهما داخل أحد أفران الطوب.

\*\*\*

(٩)

على مساحة خمسة أفدنة كاملة كانت توجد مقابر (تل العبيد) التي تقع على الجانب الشرقي، وبعيدة كل البعد عن طريق المسافرين، في الأصل كانت المقابر بحجم فدانين، وكانت على المدخل الرئيسي للبلدة، لكن منذ عام صدر قرار بنقلها إلى الجانب الشرقي في محاولة من أصحاب المصالح لفك الحصار المضروب من حولهم، فليس هناك طريق يمر بهم.

طبعاً استلزم تنفيذ هذا الأمر الكثير من المفاوضات والإجراءات، وأيضاً الشجارات، كانت البلدة وقتها ما بين منقسم ومعارض، فكرة نقل جثث الآباء والأجداد وحتى من لهم أبناء، في وقتها كانت فكرة صعبة الهضم والاستساغة، لكن ذات يوم حدث انفجار في مواسير الصرف الصحي وغرقت المقابر في بحرٍ من المياه السوداء القذرة، بسرعة قام الأهالي بفتح المقابر وتم نقل الجثث والظام، كان يوم ملحمي ما زال العديد يذكرونه.. البعض قال أن اللعنة ستصيب البلد وأن انتهاء حرمة الموتى لن تمر مرور الكرام..

بسبب هذا تم تداول حكاية شعبية قديمة عن مخلوق يتغذى على جثث الموتى، وبما أن الجثث تم نقلها، فإنه سوف يصبح حرزاً طليقاً ويتجدد على الأحياء.. طبعاً كانت مثل هذه الحكايات تبعث على الضحك والسخرية وخاصة من الشباب المتعلمين؛ من ضمن الحكايات التي ترددت أيضاً كانت عن أحد الدراويش الذي يسكن المقابر، والذي راح يصرخ كل ليلة ويجري في الشوارع ويحذر من موت قادم.. لم يستمع له أحد، الدراويشأشخاص لا

يمكن الاعتماد على كلمتهم، البعض يقول أنهم أحباب الله لكن الحقيقة أنهم أشخاص مصابين بأمراض عقلية..

ثم اختلفى هذا الدرويش ذات يوم..

لم يلتفت هذا انتباه أحد..

كل إنسان مشغول في عالمه وطبعاً هذا الدرويش لا يحتل أي جزء في عالم أي أحد.

بعد مرور شهر على اختفاء الدرويش عاد اسمه للظهور، حدث هذا حين حديث حالة وفاة لدى إحدى العائلات.. كان من المعتاد أن يذهب أقارب الميت برفقة (التربى) لفتح مقبرة العائلة وتجهيزها للميت الجديد، أحضروا الرمل الذي سيقومون بفرشه على أرضية التربة والجبس والإسمنت اللازم لإغلاق بابها بعد ذلك.. فتحوا باب المقبرة وكانت الصدمة أنهم عثروا على جثة الدرويش بالداخل، كانت الجثة بكامل ملابسها وتجلس القرفصاء في مواجهة من يفتح باب القبر.. لقد أصيب (التربى) بحالة من الصرع حين رأى ذلك، ثم رقد بعدها في الفراش مريضاً بالحمى، وتناقص وزنه بطريقة رهيبة إلى أن مات وهو يشبه الهيكل العظمي..

أما جثة الدرويش فقد كانت محط خوفٍ من الجميع.. لا أحد يجرؤ على تحريكها من مكانها، وتركوها كما هي في المقبرة، وتم طمس اسم صاحب المقبرة من عليها!

في النهاية هذه حكاية شعبية متداولة.. ربما تكون حديثة وربما لا.. المهم أن تحذير الدرويش موجود وما زال صداه يتتردد..

لكن الان..

وحتى الوقت الحالي كان فقط الصمت والهدوء هما المسيطران على المقابر..

صمت وهدوء ثقيلان..

على منتصف الليل انكسر هذا الصمت والهدوء حين تحرك قدمان وسط المقابر.. كانت القدمان تنتهيان لشخص يرتدي عباءة سوداء وغطاء رأس.. أضواء المصايبخ الصفراء كانت تبدر أجزاءً من الظلام لكنها لم تكن كافية كي تظهر ملامحه، واصل الشخص السير حتى وصل إلى مقبرة لها شاهد كبير ومطمئن من عليها اسم صاحبها! صعد الشخص إلى سطح المقبرة وعبأته تتطاير حوله كأجنحة خفاشٍ أسود.. تأمل المقابر من هذا الارتفاع لمدة طويلة من الوقت كمن يقوم بعدها، والتأكد من أنه في المكان الصحيح، ثم أخذ نفساً عميقاً وطويلاً.. وبدأ يؤذن.

أثناء ذلك كان الدكتور (ياسر) يتقلب فوق فراشه ذات اليمين وذات الشمال كأنه ينام على جمر نار قبل أن يستكين ويحدق في السقف..

(كمال) يقف في نافذة منزله ينظر إلى الفراغ البعيد وهو شارد الذهن..

(محمد) يغط في نوم عميق وهو يحتضن لعبته بينما نسمة هواء تتسلل من تحت عقب بابه، فتصدر صفيرًا..

(الحاج محروس) يجلس أمام التلفاز بجوار زوجته يشاهدان مسرحية قديمة، ويبدو مستمتعًا بينما في الحقيقة أن عقله كان شاردًا ويفكر في (فاتن) وأمها..

(معتز) في مكتبه منغمساً حتى أذنيه في العمل..

الشيخ (عرفة) يجلس في مكانه يتمايل يميناً ويساراً وهو يعدد حبات مسبحته، ثم وصل إليهم جميًعاً صوت الآذان.. لكنه لم يكن آذانًا عاديًّا.. كان يقال بالملووب.. من النهاية إلى البداية..

الشخص الواقف فوق القبر ظل يردد بلا كلام وبصوتٍ جهوريٍّ خشن.. لم يكن صوته طبيعياً.. كان ينحر عظامهم وأرواحهم، جميًعاً وبلا استثناء خرجوا إلى الشارع مثل الممسوسيين.

\*\*\*

(١٠)

ليلة باردة..

- بابا.. بابا.

استيقظ (كمال) على هلوسة (محمد)..

كان الفتى يتقلب في فراشه، ووجهه أحمر اللون كالجمر، والعرق يتتصبب من جبينه فصنع بقعة ماء كبيرة على الوسادة..

تحسس (كمال) رأس (محمد) بقلق، وهو يقول:

- محمد.. مالك؟

على الناحية الأخرى وفي المنزل المقابل كانت تجلس (عايدة) في فراش غرفتها وهي لم تنم بعد.. التفكير في (كمال) كان يؤرقها بشدة، منذ عرفته وهو يشغل بها، تعلم أنه يحبها، صحيح أنه لم يخبرها بشكل مباشر لكنها تدرك ذلك من خلال تصرفاته ومن خلال عينيه اللتين تفضحانه.. بالنسبة لها يبدو كشخص مناسب، هادئ، رصين، على قدر من المسؤولية، أسلبت جفونها وراحت تسترجع لقاءاتهما سوياً قبل أن يجول بخاطرها ذكريات أخرى مؤلمة.. فجأة يقطع كل ذلك صوت طرقات على باب شقتها، في عجلة وتوتر وقلق.. نهضت مسرعة ووضعت فوقها غطاء رأس ثقيلاً، وهي تسأل نفسها عن طبيعة الطارق..

هناك مصيبة بالتأكيد.

قالت قبل أن تفتح الباب:

- مين؟

ثم أصغت السمع..

يأتي صوت (كمال) من الناحية الأخرى يقول في اضطراب:

- أنا كمال.

تفتح له الباب بسرعة، وهي تقول:

- خير؟

شرح لها باختصار حالة (محمد) ثم ختم كلامه:

- محتاج دواء خافض حرارة.

ردت:

- موجود عندي جوه.. لحظة وأجيبه لك.

ذهبت إلى الداخل، وغابت لثوانٍ قليلة، وعادت تحمل زجاجة دواءً لونهابني.

- افضل.

اختطفها منها بلهفة، وهرع إلى منزله وقد نسي أن يشكرها..

تابعته لبرهةٍ كأنها تفكّر، ثم أغلقت باب منزلها، وجرت وراءه دون أن يشعر أنها خلفه.. انتظرت حتى انتهى من إعطاء (محمد) جرعة دواء ثم قالت:

- هو على الحالة دي من امتنى؟

انتبه لها في تلك اللحظة، وقال:

- هو كان نايم كوييس.. فجأة صحيت لقيته كدا وعمال يهلوس.

جلست على حافة السرير، ووضعت يدها على رأس (محمد) وقالت:

- درجة حرارته عالية جداً.

طلبت من (كمال) إحضار ماء وقطعة قماش..

ذهب وعاد يحمل المطلوب..

قامت بقص قماش إلى ثلاثة قطع صغيرة وصنعت منها ثلاثة كمادات..

كانت تضع الكمادة في الماء، تعصرها وتضعها على جبين (محمد) وتضغط عليها برفق، قبل أن تقوم باستبدالها بالثانية ثم الثالثة، وهكذا دواليك..

بعد نصف ساعة، قالت بقلق:

- درجة الحرارة مبتنزلش.. شكلها حمى.. لازم تاخده وتروح الوحدة الصحية حالاً.. الدكتور الجديد ممتاز.

فكر للحظة قائلاً:

- طيب ارجعني انتي وأنا هخده واروح.

صاحب بإصدار:

- أنا جايه معاك.. لازم اطمئن على محمد.

في تلك اللحظة ببدأ المطر يتتساقط، ووصل إلى آذانهم صوت القطرات وهي تقرع زجاج النوافذ.

\*\*\*

نفس الليلة..

خارج تل العبيد..

وتحديداً على الطريق الزراعي الذي يمتد إليها، كانت الريح تعوي مثل ذئب متواحش بينما في أعلى السماء، ظهرت ظلال لسحاب سوداء يتخللها بعض وميض البرق..

على جانب الطريق كان هناك شيء غير آدمي يقع في صمت بين الشجيرات.. ثمة أنين مكتوم يخرج من هذا الشيء، وعينان تومضان مثل قطع من الجمر الملتهب.. خلال هذا الوقت كانت هناك أصوات حثيثة تقترب، أصوات حوافر تضرب الأرض بقوة، مختلطة بفرقة سوط، ونهيق حمار، ثم يظهر (رضوان) وهو يركب حماراً، ويوضع فوق رأسه كيساً بلاستيكياً ليحمي نفسه من المطر الذي ينهمر، كان يمسك في يده سوطاً من الجلد المجدول يلهب به ظهر حماره حتى يسرع الخطى، الحمار كان هزيل الجسد مرتعش الأقدام ويسير بصعوبةٍ وسط الطين ووحل البرك..

كان (رضوان) قد تجاوز حادثة اختفاء ابنته، ومن بعدها محاولة

زوجته الانتحار، وها هو يكمل حياته كما ينبغي وكأن شيئاً لم يحدث، عما قريب سوف يتزوج من واحدةٍ أخرى وينجب فتاة أخرى، لا يوجد ما يدعو للحزن والاكتئاب، كان عائداً من زيارةٍ لأحد أقاربه من أجل خطبة امرأة على صلة قرابة بها، تحديداً هي ابنة خالته، كان يعرفها قبل أن يتزوج (بديعة) لكنه لم يفكر فيها يوماً ما، ربما لأنها ليست بالجمال الكافي، أو ربما لأن والدته ذات يوم أرادت أن تزوجها له، وشعر أنها فرض عليه فابتعد، في كل الأحوال لقد فاتها قطار الزواج وصارت عانسًا، يتمنى أهلها أن تغادرهم بلا رجعة، كانت بالنسبة إلى (رضوان) هي الإنسانة المناسبة له بعد تلك الظروف التي مر بها، صحيح أنه ما زال يشعر نحوها بكثيرٍ من الفتور، لكنها على الأقل ستكون خادمة جيدة في المنزل، وفي الفراش سوف يقوم بتعليمها بعض الأشياء الازمة لسعادة.. كان من المفترض أن يعود قبل المغيب، لكن حدثت مشادة كلامية بينه وبين زوج خالته، لقد طلب منه مهر بقرتين لكن (رضوان) استنكر بشدة وقال: "كيف أعطيكم بقرتين وأخذ أنا بقرة واحدة؟!"

كاد الوضع أن يصبح معركة، ويرتكب زوج الخالة جريمة لو لأن تدخل الجالسون، البعض أقنع زوج الخالة أن (رضوان) خشن الكلام، لكنه أبيض القلب، ويخشى بعض الشيء على أمواله لكنه قطعاً ليس بالبخيل، وأن ابنتهم تساوي وزنها ذهباً.. انتهت الجلسة، وبصعوبةٍ أقنعوا (رضوان) بأن يدفع المهر بقرة وما عز، قرأوا الفاتحة على هذا، ثم غادرهم على وعدٍ بالعودة خلال أسبوع لإتمام الزواج..

ظل (رضوان) طوال طريق العودة يستمع إلى الأغاني من خلال

هاتفه محمول، كان منظره مضحكاً وهو يركب حماراً، ويضع (سماعات الهيد فون) في أذنيه..

لم يلاحظ أن الليل دخل سريعاً إلا حين بدأت حركة الحمار في التباطؤ.. بمرور الوقت وبسبب الظلام والمطر والطريق الفارغ، شعر (رضوان) بسخين من الخوف يخدش قلبه..

فجأة تردد نداء:

رسواليان

تلفت ناحية مصدر الصوت..

بين الشجيرات لمح ما يشبه امرأة عجوز تلتحف بالسواد وتجلس القرفصاء على الأرض، حاول أن يدقق النظر فيها لعله يعرفها لكنه لم يستطع تبيين ملامحه جيداً..

عاد صوتها:

- (رمضان).

إذاً هي تعرفه..

قرآن پتوقف لها..

نزل من على الحمار وسار تجاهها، قفز من فوق الترعة وهو يقول:

- نعی -

- خدّنی معاک پا بنی.

قالتها بصوتٍ واهنٍ متسلٍ، سألهَا:

- أنت إيه اللي مقعدك في المكان ده بس؟

اقترب منها بينما أجابتَهُ بصوتٍ خافتٍ:

- النصيـب يا بنـي، نصـيـبـكـ وـنـصـيـبـيـ.

غمـمـ:

- طـيـبـ قـوـمـيـ مـعـاـيـاـ.

قالـتـ بوـهـنـ:

- مشـ قـادـرـةـ، رـجـلـيـ مشـ قـادـرـةـ أحـرـكـهـاـ.

قالـ وـهـوـ يـضـعـ يـدـهـ عـلـىـ كـتـفـهـاـ، ويـحـاـوـلـ أـنـ يـرـىـ وـجـهـهـاـ الـذـيـ  
يـخـتـفـيـ تـحـتـ الـقـمـاشـ:

- أـلـفـ سـلـامـةـ عـلـيـكـيـ.

قالـتـ:

- شـلـنـيـ ياـ بنـيـ، رـبـنـاـ يـبـارـكـ فـيـ صـحـتـكـ.

أـعـطـاـهـاـ ظـهـرـهـ وـطـلـبـ منـهـاـ أـنـ تـعـتـلـيـهـ، قـالـتـ وـهـيـ تـضـعـ كـلـتـاـ يـدـيـهـاـ  
عـلـىـ كـتـفـيـهـ:

- يـخـلـيـكـ لـيـاـ.

- تـسـلـمـيـ ياـ ربـ.

ثم حملها فوق ظهره وسار بها وهو يتربّح من تقلّها..

في الحقيقة كانت ثقيلة.. ثقيلة جدًا.. ثقيلة أكثر مما يفترض أن تكون..

مررت العجوز يدها بين فروة رأسه، فشعر بأظافرها، وقال:

- بتعمل إيه يا أمي؟

هتفت:

- شعرة بيضاء في راسك.

قال:

- من كتر الشقاء.

- بيقولوا أن الشعر الأبيض بيعنته ملك الموت للإنسان عشان يعرفه أن موته قرب.

غمغم:

- أول مرة اسمع الكلام ده.

قالت بغموض:

- أنت مبتخافش من الموت؟

وضعها على ظهر الحمار، وهو يلهث من التعب، ثم قال:

- أنا مبتخافش غير من اللي خلقني.

ضحك العجوز ضحكة قصيرة ولم تعقب على كلامه.

ركب (رضوان) أمامها ونكل الحمار بقدمه:

- شيء يا حمار.

لم يتحرك الحمار.. ظل واقفًا كتمثالٍ قديم لا قيمة له في أحد المباديين العامة، صرخ (رضوان):

- شيء يلا.

ثم أحرق ظهر الحمار بالسوط فأطلق نهيجاً عالياً، وتحرك على مضمض، ظلا يسيران وسط الطريق المظلم دون كلام، بين الحين والآخر كان (رضوان) يلتفت ينظر إلى العجوز، ثم يعود ينظر إلى الطريق..

لماذا هي صامتة هكذا؟

\*\*\*

خرج (كمال) من المنزل في عجلة، وهو يحمل (محمدًا) على كتفه ويملأه في (بطانية) ومن ورائه (عايدة) تسرع الخطى، على مسافةٍ كان يقف (توكتوك) يجلس على عجلة قيادته (كرتونة).. كان (كمال) قد اتصل به وشرح له الموقف، ثم طلب منه القدوم وإحضار (توكتوك) من على الطريق..

(كرتونة) لم يتأخر..

ظل يبحث عن (توكتوك) لكنه لم يعثر على واحدٍ بسبب الأحوال الجوية السيئة لتلك الليلة، فما كان منه إلا أن اقترب أحد

الجيران، وسرق منه (توك توك) وجاء به.

- عشر دقائق بالكتير وهنبقى في الوحدة.. الدكتور ياسر صاحبي وحبيبي.. أنا كلمته في التليفون، وببىستنانا دلوقتي.. مش عاوزك تقلق يا صاحبي.

قالها (كرتونة) وهو يصطدم بقطة سوداء كانت تعبر الطريق ويسيويها بالأرض، لاحظ (كمال) أن ضفيرة (التوك توك) مقطوعة، ولا حظ كذلك عدم وجود مفتاح التشغيل، قال:

- كرتونة.. التوك توك ده بتاع مين؟

- بتاع واحد حبيبي.. هو نايم دلوقتي.. متحطش في بالك.

هاتف (كمال) بشك:

- إوعى تكون سارقه.

التفت إليه (كرتونة) قائلاً بتأثر:

- أنا بتاع الحاجات دي برضه؟

ثم أوقف (التوك توك) بجوار باب الوحدة، وقال:

- وصلنا.

نزلوا جمِيعاً من (التوك توك) وتوجهوا مباشرة إلى غرفة الكشف حيث كان الدكتور (ياسر) يجلس في انتظارهم بالفعل.. أشار لهم أن يضعوا (محمدًا) على منضدة الفحص، وبدأ في جس نبضه بكل اهتمام، وسائل (كمال):

- اديته مضاد حيوي أو أي دواء؟

أجاب (كمال):

- خافض للحرارة بس.

قام الدكتور (ياسر) بالنقر على جسم (محمد) بأطراف أصابعه، وهو يسأل من جديد:

- عنده حساسية من حاجة معينة؟

كمال:

- على حد علمي.. لا.

قال الدكتور (ياسر) وهو يقوم بتركيب محلول في ذراع (محمد):  
- خير إن شاء الله.

ثم كسر (أمبول) دواء، وسحب محتواه بـ (سرنجة) صغيرة وحقنه في محلول.

ردد (كمال) وهو ينظر إلى (محمد) والسائل النصف شفاف الذي يدخل في عروقه:

- سلامتك يا بنى.

ربتت (عايدة) على كتفه بحنانٍ، وحاولت أن تبتسم كي تطمئنه لكنها عجزت، فقالت:

- هيقوم بالسلامة.. متقلقش يا كمال.

تربع الدكتور (ياسر) على أقرب مقعد، وأرخي رأسه على المسند،  
ثم أغمض عينيه وهو يقول لهم:

- استريحوا.. لسه الليلة دي طويلة.

أحضر (كرتونة) إناءً ملأه بالماء والشاي والسكر، وهو يقول:

- هعمل شاي عشان نفوق.

بعد مدة ازداد عصف الريح، وبدأت الأنوار ترتعش وتوشك على  
الموت، قال (كمال) بتوتر:

- الكهرباء شكلها هنقطع.

لم يكد يقولها حتى انطفأت الأنوار كلها.

فتح الدكتور (ياسر) عينيه ثم أشعل كشاف هاتفه، فبدد جزءاً من  
الظلام بينما قالت (عايدة):

- تلاقي قبل اتقطع دلو قتي.

ثم نظرت إلى الخارج حيث أصبح الظلام شديد الحلكة، وشعرت  
بالخوف.

\*\*\*

ما زال (رضوان) يسير على الطريق وهو فوق الحمار، ومن ورائه  
تجلس العجوز.. فجأة يسقط أمامهم قبل كهرباء على الأرض  
بفعل الهواء.. الكلب يتلوى مثل أفعى طويلة تبصق لهيباً مرعباً..

قال (رضوان) وهو يحاول الابتعاد عنه:

- ربنا يستر في الليلة دي، بسم الله، اللهم وصلنا سالمين.

لم يكدر يذكر اسم (الله) حتى شعر بارتعاش قوية في جسد العجوز، وارتخت قبضتها التي تمسك كتفه..

التفت إليها بعصبية:

- انتي بخير.

هزت رأسها دلالة على الإيجاب..

تنهد وهو يقول:

- قربنا خلاص من البلد، نص ساعة بالكتير وهنبقى هناك، مقولتيش أنت رايحة لمين هنا، حاكم أنا عارف أهل البلد نفر نفر.

ردت باقتضاب:

- الحبابيك كتير، أنا هدور عليهم بيت بيت.

لم يسترح لكلامها، عاد يبحث الحمار على إسراع الخطى..

دون أن يدري كانت يدا العجوز تستطيل وتحول تدريجياً..  
الشعر الأسود الذي يشبه الإبر يكسوها.. الأصابع أصبحت مخالب  
سوداء طويلة..

تذكرة (رضوان) حادثة العثور على (سيد) مقتولاً.. كانت هناك بعض الأقوال التي توالت من الشيخ (عرفة) حول وجود شيء ملعون اسمه (الدويس).. سمع أنها تظهر على هيئة امرأة عجوز.. لا.. لا يمكن.. من تركب معه مجرد امرأة ضعيفة..

بعد قليل سمع حشارة من وراء ظهره، لا يفترض أن يسمع هذا..

- في حاجة يا أمي؟

قالها بصعوبة وهو يحاول أن يتمالك أعصابه، لا يريد أن يبدو كالجنون، أو الطفل الجبان ويقفز من فوق الحمار ويجري.. ماذ لو كانت فعلاً مجرد عجوز جاءت لزيارة بعض معارفها!! سوف تصبح سمعته وحكياته علامة تلوّكها النساء، ويضحك عليها الرجال..

ظل ينتظر ردّها..

لم يسمع منها غير صوت أنفاسها الثقيلة.. وقبل أن يقرر ما يجب عمله تعلّت من خلفه زمرة مرعبة.. أدار رأسه ببطء نحوها، ونظر من فوق كتفه وهو يقول:

- مبترديش ليه؟

بتر عبارته وهو ينظر إلى وجهها البشع الذي أزاحت عنه الغطاء..

لم يشعر بنفسه إلا وهو يسقط على الأرض..

ظل يزحف على ظهره وهو يتراجع إلى الوراء دون أن يستطيع تحويل بصره عنها..

اعتدلت هي في جلستها ناحيته..

أدانت رأسها بزاوية 180 درجة..

اتسعت ابتسامتها لتتماًلاً ثلاث أرباع وجهها، ولتصل من الأذن إلى

الأذن، صرخ (رضوان) من الخوف، ضربت (الدويس) يدها في بطنه الحمار، ثم انتزعت أمعاءه ومزقتها بأسنانها، جرى الحمار وهو مبقوه البطن وأمعاؤه تتدلى خلفه، قفزت (الدويس) فوق (رضوان).. بحركة لا إرادية رفع قدمه ثم ضربها فطارت في الهواء، ثم عادت لتنقض عليه، ضربت مخالبها في عينيه فانفجرتا، صرخ (رضوان) وقد صار كفيفاً والدم ينزف على وجهه، الرياح تهز فروع الأشجار التي تحيط بهما.. مدت (الدويس) مخالبها وقبضت على حنجرة (رضوان) ثم انتزعتها من رقبته.. للحظة ووسط الألم الرهيب تذكر ابنته خالته.. كانت لا تستحق سوى بقرة واحدة.

\*\*\*

(١١)

يا هادي كل هدية.

يا عالم بالروضة والأسيمة.

يكفيك يا ابني.

شر العين الرضية.

وهي جاية من البرية.

تعوي عوي الدياب.

تنبح نباح الكلاب.

قابلها سيدنا سليمان.

قالها رايحة فين يا ملعونة.

قالت له رايحة للخالة الطاحونة.

قالها إوعي تفوتي على ابن آدم.

لأطلق عليك الرصاص.

ونزلك بحر غطاس.

لا يبان لك جته ولا رأس.

الله أكبر عليكي.

لم يكن أحد يعلم سر هذا المنادي الذي ظهر فجأة في المدينة، وراح يطوف شوارعها، وهو يردد هذه الأنشودة..

كان المنادي رجلاً هزيل الجسد، يحاول أن يضخم نبرة صوته حتى ينتبه إليه الناس، يرتدي جلباباً أبيض اللون قصيراً، ويمسك في يده (رق) يهزه من وقتٍ لآخر، الأطفال كانوا يسيرون خلفه وهم يكررون أنسودته.. بمرور الأيام بدأ الناس ينتبهون له، البعض سار يسأل عما يقصد بالضبط، عجائز القرية قالوا أنه يحذرهم من شيءٍ ما.. حاول الأهالي عبئاً أن يفهموا منه ماذا يعني إلا أنه لم يخبرهم عن شيءٍ مطلقاً، هناك من عرض عليه أموالاً.. طعاماً.. شراباً.. المبيت في منزلٍ نظيف.. لكن لافائدة منه.

على نهاية اليوم وقرب المغيب كان ينهي جولته ويعود لبيت داخل منزلٍ مهجور على أطراف البلدة، تقاد الرطوبة فيه أن تقضي على جدرانه، المنزل المهجور كان عبارة عن طابقين؛ الطابق الثاني سقفه منهار وتسكنه الغربان التي تظل تنبعق بين الحين والآخر، والطابق الأول كان مجرد جدران تصنع ثلاث غرف خاوية تمتلئ بالغبار والشقوق، تعيش في داخلها قبيلة من الفئران الضخمة، كان المنادي يعود وهو محملاً بكيسٍ ممتلئ بالطعام الذي أخذه من أصحاب الفضل والإحسان، وبعد أن يستريح قليلاً كان يشعل موقد كيروسين قديم كي يدفئه ثم يقوم بفض الكيس وانتقاء الطعام منه والأكل.. بعد أن يأكل كان يفترش قطعة (خيش) وينام على الأرض وبجوار رأسه موقد الكيروسين المشتعل، لو تقلب قليلاً لسقط الموقد فوقه وأحرقه.. ثم ذات ليلةٍ كثيبة كعاده ليالي الشتاء دخل رجالان يتذران

بالظلام إلى حيث ينام، لم ينتبه لهما، ربما كان السبب هو أنه يغط في النوم، أو ربما صوت الموقد الذي يطغى، أو ربما لأنهما كانوا يتسللان بحذير بالغ، قام أحد الرجلين بهز المنادي من كتفه برفق، ففتح المنادي عينيه، ثم قال بصوت متقطع بسبب النوم، وهو يتأمل قسمات هذا الرجل:

- شيخ عرفة!

أشار له الشيخ (عرفة) بأن يخفض صوته، وقال:

- مش عاوز صوتك يعلى يا حبيبي.

قال الرجل الآخر:

- العين علينا واحنا مش قد الحاج محروس.

كان هذا هو (أبو بديعة) الذي صار يلازم الشيخ (عرفة) في الآونة الأخيرة.

اعتدل المنادي في مكانه ثم قال:

- أنا بعمل زي ما قولتوا لي، الناس هتتجنن ويعرفوا معنى الكلام.

قال الشيخ (عرفة):

- هنقول لهم.. بس مش دلوقي.

ثم أخرج من جيشه رزمة نقود، وناولها له وهو يستطرد:

- دي فلوسك اللي اتفقنا عليها.

وضع المنادي النقود في صدرية جلبابه دون أن يحصيها، وهو يقول:

- أنا بعمل كدا مش عشان الفلوس... أنا عاوز أساعد.

قال الشيخ (عرفة):

- أنا عارف يا حبيبي.. بس دي حاجة بسيطة.. اعتبرها هدية مش أجرة.

هز المنادي رأسه قائلاً:

- اللي تشفوه.

ووضع إناء به ماء فوق الموقد وانتظر حتى يغلي، ثم صب الشاي في ثلاثة أكواب وزع الأكواب بينهم، قبل أن يسأل:

- انتوا ليه خايفين من محروس ده.. هو كان ربنا؟!

قال الشيخ (عرفة) وهو يرشف الشاي:

- في فرق بين الشجاعة والتهور.. أنا عن نفسي مش خايف لكن أنا عاوز كل شيء بأوانه، وبدل ما يبقى محروس ضدنا يبقى معانا، وده مش هيجي غير بالصبر.

قال المنادي:

- نفسي اعرف الدويس عاوزة إيه من أهل البلد.

قال الشيخ (عرفة):

- دي حاجة زي المرض.. جاية تاخد الصالح في الطالع..  
مبترقش.. واللي ناوية تقتله هتقتله مهما عمل.

قال المنادي:

- مش ممكن تكون هي بتعمل كدا بسبب نقل المقابر.
- احتمال كبير.

تردد المنادي ثم قال:

- أنا سمعت إن كان مدفون راجل دجال وانها كانت من الخدام بتوعه.
- الدجال ده أنا وعيت عليه.. كان اسمه قريش.. ومات مقتول على إيد التلميذ بتاعه.

أنهى الشيخ (عرفة) كلامه ثم غادر هو و(أبو بديعه).. لبرهة ظل المنادي يتبعهما ببصره حتى اختفي، ثم عاد يحاول استكمال نومه، ظل يتقلب في فراشه دون أن يغمض له جفن، لم يعد بمقدوره النوم، أو بعبارة أخرى، طار النوم من عينيه، حين يئس من النوم مجدداً، اعتدل ووضع إناء الشاي من جديد فوق الموقد، كان بالإناء بقايا شاي، فقام بتزويدها ببعض الماء والسكر فقط، ثم انتظر حتى يغلي، وصب لنفسه كوبًا يشبه الحبر الأسود، راح يشرب الشاي على مهل وهو يردد الأنشودة، ثم فجأة سمع صوت أحدٍ يتحرك خلفه، التفت بسرعة، وفي الصباح تم العثور على جثته بدون رأس.

\*\*\*



(١٢)

الأيام التالية كثرت حوادث الموت، بلغ عدد من قتلتهم (الدويس) تسعة قتلى، من بينهم (أشجان، وسيد، ورضوان) والمنادي..

رغم محاولات التكتم على عدد القتلى من قبل المسؤولين إلا أن الأقاويل والتخمينات أخذت في الانتشار، ثم بدأ بعد ذلك التهويل، التسع ضحايا تحولوا بقدرة قادر إلى خمسين ضحية على لسان الناس، بعدها انفجرت قنبلة من الشائعات حول ما يحدث، كانت الشائعات تبدأ من وجود حيوانٍ مفترس وتنتهي عند وجود مخلوقاتٍ فضائية تختطف البشر، لكن أكثر شائعة نالت حظاً من الانتشار والصيت هي شائعة أطلقها أحد الرجال كبار السن ممن تخطوا الثمانين، حول لعنة نزلت على أهل البلد بسبب نقل مقابر الأجداد، وأن هناك شيطانه قديمة كانت تسكن تلك المقابر وتتغذى على جثث الموتى، وحين تم نقل الجثث لم تجد ما تقتات عليه، فلجأت إلى أكل الأحياء..

كلام هذا الرجل كان مقنعاً لدرجة كبيرة، خاصة أن هناك موروثاً شعبياً متعلقاً بعقوبة انتهاك حرمة الموتى..

وظهر الشيخ (عرفة) على الساحة، راح يحكى للناس عن (الدويس) ويحذرهم، كلامه كان مقنعاً جداً، الخلاصة أنه لم يعد أحد يشعر بالأمان، بسبب ذلك نشط خطباء وأئمة المساجد في الدعاء وطلب العفو من الله.. حاول بعض الأهالي تحصين منازلهم من خلال الدجل والسحر ورش الملح ولبس الأحجبة، الأكثر إيماناً من الأهالي لجأ للحج في هذا العام، وهناك من أخرج

## زكاة أمواله لأول مرة..

فيما بعد حذرت موجات هجرة من البلدة، كان المشهد مؤسفاً، المؤسف أكثر أن بعض الذين غادروا تم قتلهم بنفس الطريقة البشعة، لكن الأمور هدأت فجأة، هدأت تماماً كأنها لم تكن، ومرت شهور.. ولأن ذاكرة العوام تشبه ذاكرة السمك فقد عادت الحياة إلى طبيعتها، ثم قامت الدولة بمد طريقٍ جديداً إلى البلدة، وعاد النشاط الاقتصادي، لكن على استحياء..

بعد مدةٍ تم إنشاء منطقة صناعية جديدة، أصبحت قبلة لمعظم الشباب الراغبين في بناء مستقبلهم، وتم توسيع الرقعة العمرانية وتغيير شكل وديمغرافية البلدة إلى الأبد.. نال التغيير من كل شيءٍ هناك، بعض التغيير كان للأفضل، والبعض كان للأسوأ، وحدث أن عاد الرجل العجوز - الذي أطلق شائعة اللعنة - للظهور من جديد..

هذه المرة عودته كانت مدوية وقوية جداً.. ما حدث أنه صعد إلى المنبر خلال خطبة يوم الجمعة، ثم اختطف (الميكروفون) من الخطيب، وأقسم ثلاثة أيمان مغلظة على أن (الدويس) لا تزال موجودة في البلدة، وأنها زارتـه وتوعـدهـه بالموت خلال أسبوع على الأكـثر..

طبعاً حدث هرج ومرج كبير بعد كلامـهـ، وبصعوبة أقـنعـهـ بعض الرجال الطيبـينـ بالنزـولـ منـ فوقـ المنـبرـ، وأنـ يتـوقفـ عنـ نـزعـ وإـلـقاءـ مـلـابـسـهـ عـلـىـ الـمـصـلـيـنـ.. حـاـوـلـ الإـلـامـ بـعـدـ ذـلـكـ أـنـ يـتـجاـوزـ الـأـمـرـ وـغـيـرـ مـسـارـ الـخـطـبـةـ مـنـ الإـعـجازـ الـعـلـمـيـ فـيـ الـقـرـآنـ إـلـىـ طـاعـةـ وـلـيـ الـأـمـرـ.

مرأسوع على هذا الموقف ولم يمت الرجل ولم تظهر له (الدويس).

في الجمعة التالية وبينما الخطيب يصرخ فوق المنبر بحماسٍ منقطع النظير ويقول خطبة جديدة بعنوان (عقوبة الكذب).. كان الرجل يقف فوق مئذنة المسجد وقد تجرد من ثيابه، ثم ألقى بنفسه ومات حتى يبر بقسمه.

\*\*\*

(١٣)

السبت..

في الصباح الباكر بـأ المرضى يتواجدون إلى الوحدة الصحية بمجرد عودة الدكتور (ياسر) من إجازته..

راح الدكتور (ياسر) يمارس عمله بكل إخلاص وتفانٍ وهو يوزع ابتسامته واهتمامه على الجميع..

مساءً كان قد خرج آخر مريض من الوحدة، وكان هو قد انتهى بدنياً ونفسياً وذهنياً، تنهى في إرهاقٍ والصداع يقتله، نظر في ساعته، كانت السابعة، تذكر أنه لم يتناول الطعام منذ أن جاء، صعد إلى السكن الخاص به وقام بتغيير ثيابه، ثم ذهب إلى المطبخ وتناول بعض لقيمات من (صينية) لحم بالبطاطس كان قد أحضرها له (كرتونة) وقت الظهيرة.. تناول قرص أسبرين، وصنع كوب شاي ثقيل، رشف منه بعض رشفات، قبل أن يجلس على السرير ويتصفح إحدى الجرائد الحزبية القديمة..

كانت الجريدة تتحدث عن أن المصريين سيشعرون بتحسنٍ غير مسبوق في أحوال المعيشة بعد قرار تعويم الجنيه، للأسف لقد تم إغلاق هذه الجريدة بعد مدةٍ بسيطةٍ من قرار التعويم بسبب إفلاسها.

حين انتهى الدكتور (ياسر) من تناول كوب الشاي، شعر بثقلٍ في جفونه وبالحمول يغزو جسده، دون أن يشعر نام، كان نومه حالياً من الأحلام، فجأة وبدون سابق إنذار استيقظ، استيقظ على

صراخٍ هائلٍ وحالة هرجٍ ومرج تحدث وراء الوحدة الصحية، نظر في ساعته بسرعة، فوجدها الواحدة صباحاً، اتجه نحو النافذة وفتحها على مصراعيها، كان الأهالي يحملون المشاعل ويغتسلون عن شيءٍ ما، من بعيدٍ لمح مجموعة من النساء يفترشن الأرض وينتبحن ألمًا ولوحة، على الرغم من أنه شعر بالخوف لكنه نزل من الاستراحة كي يقدم يد المساعدة، شاهد (كرتونة) يقف وسط الناس، فناداه:

- إيه اللي بيحصل؟

أجاب (كرتونة) بتوترٍ والمشعل الذي يمسكه يلقي بظلالٍ كثيبة على وجهه:

- الدويس رجعت.

- مين؟

ردد (كرتونة):

- الدويس.. أنت مسمعتش عنها.

قال الدكتور (ياسر):

- أنا سمعت عنها أول ما جيت هنا، لكن بعد كدا كل الكلام عنها مات.

تنهد (كرتونة):

- الأسبوع اللي أنت أخدته أجازة حصل فيه كتير.. اتنين لقناهم مقتولين.

- طيب والشرطة؟!

قال (كرتونة):

- بيقولوا انه ديب متتوحش اللي بيعمل كدا، لكن كلنا عارفين إنها الدويس.

وأشار إلى امرأة تنتصب على الأرض:

- الست دي ابنها بيشتغل مزارع في الغيط اللي وراء الوحدة.. اتصل بيها من شوية وهو بيصرخ ويقولها إن الدويس ظهرت له.

- وبعدين حصل له إيه؟

- محدش عارف.. احنا عمالين ندور عليه.

- أنا هدور معاكم.

- بلاش.. اطلع أنت يا دكتور استريح.

قال الدكتور (ياسر):

- ممكن أقدر أساعده لو كان مجروح.

صاحب (كرتونة) بحدة:

- لو احتاجناك أنا هاجي أنا دي عليك.. مش عاوزك تتدخل في المواضيع دي.

عقد الدكتور (ياسر) حاجبيه، وهو يسأل:

- طيب وهي بتختار ضحاياها على أساس إيه؟

غمغم (كرتونة):

- العلم عند الله.

ومديده وأخرج من جيشه مطواة (سوسته) قدمها للدكتور (ياسر)  
قائلاً:

- خلي دي معاك.

اعتراض الدكتور (ياسر):

- لا.. لا.. أنا ماليش في الحاجات دي.

وضع (كرتونة) المطواة في جيب الدكتور رغمما عنه، وهو يصبح  
به:

- اسمع مني.. أنا خايف عليك.

ثم تركه وابتعد حتى يقطع حبل الكلام، وذهب كي يبحث مع الآخرين.

بعد ساعةٍ من البحث، والكثير من الصراخ، لم يتم العثور على أي أثرٍ للمزارع الشاب..

بعض الرجال اقتربوا الاتصال بالشرطة لكن أحد الواقفين أخبرهم أنه لا يمكن الإبلاغ عن اختفائه إلا بعد مضي 24 ساعة على الأقل.. قرروا أن يذهبوا للبحث في منطقة أخرى والأمل يحدوهم في أن يكون المزارع الشاب نائماً في مكانٍ ما، وأن الأمر

لا يعدو مجرد دعاية ثقيلة منه.

الدكتور (ياسر) ظل يتابع كل ما يحدث بفضولٍ وقلقٍ متزايد، وهو يتحسس المطواة بين الحين والآخر، إلى أن أخذ الناس في الانصراف والابتعاد، ظل لمدةٍ بسيطة يقف وحيداً في المكان والريح الباردة تصفر في كلتا أذنيه، ثم قرر العودة إلى الوحدة، لم يصعد إلى الاستراحة مباشرة، جلس في غرفة الكشف وهو يفكر، صوت صراخ النساء وهن ينتجبن لا يزال يتعدد صداه داخل أذنيه بلا انقطاع، تناول هاتفه محمول ثم فتح تطبيق الراديو على محطةٍ إذاعية مختصة بالموسيقى، كانت مقطوعة موسيقية حالمه جعلت أوتار أعصابه المشدودة ترتخي قليلاً، لكن بعد قليل كان يدقق النظر في زجاج نافذة الغرفة، كان هناك ضوء أزرق يتسلل من خلالها، فجأة احتل ظلُّ أسود مكان الضوء، ظل على هيئة امرأةٍ تقف وراء الزجاج، لم تكن تتحرك، كانت تلتتصق بالزجاج من الخارج، تابع الظل وهو يهز رأسه ببطءٍ، ثم رأى يد الظل تتحسس الزجاج كأنها تبحث عن منفذٍ للدخول.

- مين؟

قالها بصوتٍ مرتفع نسبياً، وهو يتقدم نحو النافذة ليفتحها..

قبل أن يلمس المزلاج توقفت يده في الهواء، كلام (كرتونة) يرن في أذنيه كالآجراس:

- الدويس رجعت...

سحب يده إلى الوراء ببطءٍ.. الظل على الناحية الأخرى يهتز ويلاشى بهدوءٍ وبحركةٍ ملتوية.

فجأة شعر بالغضب من نفسه، كيف يحدث ويختاف من مجرد أسطورة تم ابتكارها لإخافة الأطفال والناس الجهلاء محدودي الذكاء، نحن في عصر العلم ولا مجال لمثل تلك الخرافات، ثم وبكل غضبه فتح النافذة على مصراعيها وهو يهتف:

- مين؟

لأحد..

فقط مجرد ظلام وسماء رمادية ومساحة فارغة من الأراضي التي تبدو بلا نهاية..

ظل لدقائق يحدق فيما أمامه، في داخله نبت شعور بالانتصار، الانتصار لنفسه وللعلم.. تنفس الصعداء، ثم أغلق النافذة وعاد إلى الداخل، ألقى نفسه على السرير، كان يتوقع أنه سيظل مستيقظاً حتى الصباح لكن الغريب أنه نام مرة أخرى وبسرعة، لكن وبينس السرعة استيقظ، استيقظ وهو يشعر بشيء يخدش وجهه، ففتح كلتا عينيه، كانت الغرفة غارقة في الظلام الدامس بسبب انقطاع التيار الكهربائي، تحسس وجهه، شعر بآثار خدوش، شعر أيضاً بقشريرة تغزو عموده الفقري وتصعد إلى عنقه، انتابه إحساس رهيب بأنه ليس بمفرد، هناك أحد موجود معه الآن في الغرفة، صحيح أنه لا يراه لكن صوت أنفاسه الثقيلة تصل إليه، هتف:

- مين موجود؟

لكن لم يأته رد، صرخ:

- مين؟

نهض من مكانه في حذرٍ وهو يبحث عن هاتفه في طيات ملابسه، فلم يعثر عليه، تذكر أنه قد تركه في الأسفل، في غرفة الكشف، تحرك في الظلام وهو يمد كلتا يديه أمام صدره، ارتطمت يده بجسٍد متختسب، تراجع إلى الوراء بذعر، اصطدم من جديدٍ بنفس الجسد المتختسب، لكن هذه المرة بظهره، كأن هذا الجسد قد انتقل في لمح البصر وأصبح وراءه، شعر الدكتور (ياسر) أنه محاصر من كل الاتجاهات، حرك كلتا يديه بعشوائية، لمست يده جزءاً من السرير، بحسبة بسيطة داخل عقله استطاع تخمين مكان الباب بالضبط، ثم وبكل قوته اندفع تجاهه، اصطدم بخشب الباب فتحطم تحت قلبه، بقفزاتٍ سريعة بهلوانية أصبح خارج الوحدة، التفت حول نفسه، إنه الآن بمفرده، من ورائه سمع صرخة بشعة، لم يلتفت، ثم أطلق ساقيه للريح..

على امتداد بصره كانت توجد حقول القصب، فكر أن يختبئ داخلها لكنه تذكر أن هذا هو اختيار الضحايا في أفلام الرعب، استدار مسرعاً إلى الطرف الآخر من الطريق، كان جزءاً صحراؤياً يمتلي بالتلال والكتبان الرملية، إنه مخيف، عاد يهروي بلا لحظة تفكير إضافية، شعر بيده قاسية تقبض على رأسه من الخلف، تذكر المطواة التي أعطاها له (كرتونة).. سحبها بسرعة ثم ضربها بعشوائية وهو يغمض عينيه، شعر أنه يطعن شيئاً رخواً، سمع أبشع صرخة في حياته، اليد القاسية تركت رأسه فانطلق هارباً، كان لا يزال يحمل المطواة في يده ويقبض عليها باستماتة، وفوقها سائل لزج يشبه المخاط، عرقله شيء ما وهو على وجهه أرضاً، الرمال ملأت وجهه وعينيه، تاهت الرؤية تماماً

أمامه، مسح التراب من على عينيه في فزع، بدأت الرؤية تتضح، يلمح صورة ضبابية لعجوز بشعة تقترب منه، حاول أن ينهض لكنها كانت قد أصبحت أمامه وأمسكته من عنقه ثم رفعته عالياً بامتداد ذراعها، رأى الموت يحلق، وفجأة أفلت منها، سقط على الأرض، راقبها وهو مذهول بينما راحت تتراجع إلى الخلف بظهرها وتصرخ في غضبٍ كأن هناك آلة امتصاص هواء تجذبها بعيداً عنه.

كيف هذا؟

\*\*\*

خلال ذلك..

كان الشيخ (عرفة) يجلس داخل منزله وتحديداً في المكان المحسن الذي يحميه من هجمات الجن، كانت الاهالة الخضراء تحيط به وهو يضع أمامه حجراً متوسط الحجم، غريب الشكل، هذا الحجر يسمى حجر العقيق، منقوش فوقه كتابات باللغة السريانية القديمة، اللغة التي يتحدث بها الجن، الشيخ (عرفة) كان يسخر أشخاص من الجن الموكلين على هذا الحجر لجلب (الدويس)..

يمكن الآن فهم كيف نجا الدكتور (ياسر).. الحجر يجذب (الدويس) كما يجذب المغناطيس قطعة الحديد.

الشيخ (عرفة) يهتز في مكانه وقد أوشك لسانه أن يلتصق بحلق فمه من كثرة ترددده:

- الله.. الله.. الله.. الله.

بعد قليلٍ تختلط أمامه بعض الظلال ثم تتجسد وتظهر  
(الدويس) ..

لم يكن يراها لكنه شعر أنها قد حضرت، قال بصوٍّ حاول أن  
يكون جهوريًّا:

- رجعتي ليه؟

ضحكَت ضحكة شريرة، صرخ فيها:

- رجعتي ليه؟

حاولت أن تخترق الهالة التي تحيط به..

كانت الهالة هذه المرة أقوى من المرة السابقة، كان الشيخ (عرفة)  
قد قام بتقويتها بمزيدٍ من الأحجبة والطلاسم، كما أنه كان يرتدي  
حجابًا أعطاها له الرجل المستنير ليحميه..

صرخت (الدويس) بقسوة..

مدت يدها خلال الدائرة، كانت الدائرة تحرق يدها وتذيبها لكنها  
تحملت حتى وصلت إلى وجه الشيخ (عرفة).. نتفت شعرة من  
ذقنه فشعر بالألم، ضحكَت وهي تسحب يدها بينما الشعرة  
تحترق وتتبخر في الهواء..

ثم اختفت..

انتظر الشيخ (عرفة) بعض الوقت ثم نهض..

فتح باب غرفة مكتبه وهو يرتجف مما حدث..

توجه إلى خزانة حديدية ضخمة من النوع القديم ثم أدار مزلاجها، فأصدرت صوتاً حين فتحها، لم يكن يحتفظ في الخزانة بنقودٍ أو مجواهرات كما قد يعتقد البعض، بل كان يحتفظ في داخلها بمجموعةٍ من كتب السحر القديمة وبعض المخطوطات النادرة التي ورثها عن أجداده.. كانت الكتب ذات أحجامٍ متنوعة؛ منها الضخم الذي يشبه المجلدات، ومنها الصغير في حجم كتب الجيب، أما المخطوطات فقد كانت مطوية ومربوطة بالورق المصمع (الدوبار)..

وسط كل هذا كان يوجد اللوح الزجاجي الذي أعطاه له الرجل المستني، تحسس اللوح الزجاجي، السلاح الأخير الذي يملكه في مواجهة (الدويس).. أغلق الخزانة ثم جلس يفكر.

\*\*\*

## (١٤)

على التاسعة صباحاً قامت (عايدة) بفتح الصيدلية ثم جلست تمارس عملها، حركة العمل في الصيدلية كانت ضعيفة في هذا اليوم، وتقريرياً كانت نسبة الزبائن صفرًا، لم يشغل هذا بال (عايدة) التي قضت وقتها في القراءة، وقت الظهيرة جاءت (سعاد) لتشتري دواءً لابنتها، ثم جلست معها بعض الوقت، وتحدثا عن (الدويس) والشائعات التي تقتل البلدة، كان حديثهما قصيراً لكنه كان يوضح حالة الخوف التي صار يعيشها الجميع..

بعد انصراف (سعاد) بقليلٍ، اتصل (كمال) بـ (عايدة) وأخبرها أنه سيمر عليها بعد عودته من المصنع، عند منتصف النهار وبينما هي تنتظره، تحرك باب الصيدلية إلى الخارج، ثم دخلت امرأة بسيطة في بداية الثلاثينات من العمر، كانت المرأة تحمل على كتفها طفلة صغيرة، وجهها شاحب، خالٍ من الدماء، ثم قالت بصوتٍ ضعيف:

- صباح الخير.

ردت (عايدة):

- صباح النور.. اتفضلي.. تحت أمرك.

قالت المرأة في قلق:

- بنتي من أمbarح وهي بترجع وعلى صرخة واحدة، ومش عارفة مالها، قولت اجي اشتري لها دواء يمكن تهدى.

سألتها (عايدة) باهتمام:

- هي عندها كام سنه؟

- 9 شهور.

- دي صغيرة قوي، الأفضل تكشفي عند دكتور ويقولك على العلاج اللي يناسبها.

- بس أنا.. أنا...

فهمت (عايدة) أن المرأة لا يوجد معها نقود كافية، فقالت:

- بصي هي تقريباً عندها نزلة معوية، بسبب أنها أكلت حاجة ملوثة، أنا هديكي مطهر معوي ومحلول معالجة جفاف، وهتبقي كويسه إن شاء الله.

- يا رب.

ذهبت (عايدة) ثم أحضرت زجاجتين من العلاج ووضعتهما داخل كيس:

- اتفضلي ازازتين الدواء دول، هتديلها مرة الصبح ومرة بليل.

سألتها المرأة:

- طيب دول بكم؟

- يا ستي خديهم دلوقتي ولما الفلوس تتوفر معاكي ابقي هاتيهيم.

أخرجت المرأة جنيهات قليلة وحاولت أن تضعهم في يد (عايدة):

- طيب أنا ممكن اديكي اللي معايا دلوقتي والباقي اجيدهولك  
بعدين.

أعادت (عايدة) النقود إليها، وهي تهتف:

- لا خالي الفلوس معاكي عشان تشترى شوية فاكهة لها تساعدها  
مع العلاج.

قالت المرأة بامتنان:

- أنا مش عارفة أقولك إيه، متشركة قوي، وصدقيني أول ما  
هيجيلي فلوس هجيبلك حق الدواء على طول.

ابتسمت (عايدة):

- متقوليش كدا، الناس لبعضها وربنا يشفى بنتك وتتطمني عليها.

سألتها المرأة قبل أن تنصرف:

- سمعتي عن الدويس؟

- آه بس دي إشاعات.

- لا مش إشاعات، بصي أنا ليها واحدة قريبتي كانت بتشتغل  
مغسلة أموات وأكدت لي الموضوع ده.

ابتسمت (عايدة):

- صدقيني دي تخاريف.

- على العموم ابقي خلي بالك لأنها عماله تاخد الصالح في الطالع،

وانتي شكلك طيبة وبنت حلال.

خرجت المرأة من الصيدلية، في نفس الوقت الذي وصل فيه (كمال) مع (محمد) وقال:

- معلش.. اتأخرت.

ابتسمت:

- متقولش انك رحت جبت (محمد) وجيت.

صاحب (محمد):

- الراجل ده تعبني معااه قوي.

نكره (كمال) في كتفه، وقال:

- أنا قلت نروح نتغدى سوا في مكان هادي.

ورفع كيساً يمتلى بالعلب:

- اشتريت أكل الغداء جاهز.

هفت (عايدة):

- وليه التكلفة دي بس.

- ولا تكلفة ولا حاجة، المهم نبقى مبسوطين.

ساعدها في إغلاق أبواب الصيدلية، وسار تلاشتهم تجاه مزارع القصب..

اختار (كمال) منطقة تبتعد عن طريق المارة، ثم فرش ملاءة على الأرض، وجلسوا ومن حولهم كانت الرياح تعزف بنعومةٍ على أوراق القصب الخضراء..

بعد مدة تسلل (محمد)..

(كمال) و(عايدة) لاحظاه لكنهما فضلاً أن يتركا له مساحة كافية من الحركة كي يمرح.. سار (محمد) قليلاً بين الزرع، كان يمكنه سماع ضحك والده و(عايدة).. بمرور الوقت لم يعد يصل إليه صوتهم، كان قد ابتعد بمسافةٍ كبيرة، لقد سرقه الوقت والله دون أن يشعر، حاول أن يعود أدراجه، لكن أين طريق العودة؟ تبدو كل الدروب متشابهة لا اختلاف بينها، مجرد ممرات ضيقة غير ممهدة تتقاطع وتتباعد وسط غابات القصب، فكر (محمد) أنه لو كان أطول قليلاً، ربما كان قد استطاع أن يرى من فوق عيدان القصب، فجأة تباعدت بعض الأفرع ثم ظهر من ورائها مبنى الطاحونة القديمة، كانت هذه هي المرة الأولى التي يشاهدها فيها..

اقترب منها..

في الأعلى حلق غراب فوق رأسه وابتعد، لمس (محمد) بيديه أحجار جدار الطاحونة التي تأكلت بفعل الزمن وعوامل التعرية، وهو يسير حتى وصل إلى بابها الخشبي..

بفضولٍ شديد حاول النظر داخلها من خلال الشقوق الطويلة التي تتخلل الباب والتي تشبه ضربات فأيس قديمة..

دون سابق إنذار تحرك الباب للخارج وكانت مفصلاته تصدر

فحيحاً معدنِياً مزعجاً..

من جديد ظهر الغراب فوق رأس (محمد) وحلق، ثم توقف على نافذة الطاحونة العلوية وراح ينقر فيها، نظر (محمد) إلى الداخل..

كان يوجد فقط ظلام.. ثم ظهرت نقطتان لامعتان في الظلام تشبهان عيني قطة..

أجفل (محمد) وتراجع خطوتين إلى الخلف حين سمع صوتاً خشناً ينادي عليه من داخل الطاحونة:

- محمد.. ادخل.

\*\*\*

أدّار (معتز) مفتاح الباب ودخل..

كانت زوجته (وردة) تجلس في انتظاره تضع يدها على خدها، وهي واجمة، مكفهرة الوجه، كأنها نموذج للشقاء الأبدي، على الرغم من أنهما كانا قد تصالحاً منذ أيام قليلة، قالت في أسلوب عدواني:

- أنت جيت؟

ألقي سلسلة مفاتيحه على أقرب منضدة، وهو يجيب ساخراً:

- لا.. خيالي هو اللي جه.

- أنت بتتربيق عليا.

- أصلك بتسائلني سؤال سخيف.. وبعدين مالك قاعدة كدا زي البومة؟

نهضت متريضة:

- طبعاً دلوقتي بقىت بومه ومبقاش كلامي يعجبك.

سائلها في ضيق:

- انتى عاوزة إيه دلوقتى؟

قالت محتدة:

- عاوزه اعرف امتى هتبطل العك بتاعك مع السكرتيرة.

هُنْفَ مُسْتَنْكِرًا، وَهُوَ يَحَاوِلُ السُّبْطَرَةَ عَلَى أَعْصَابِهِ:

- لا انتي اتجنت خلاص، انتي ازاي تفكري كدا.

أمسكت بده

- معتز.. بص لي كويـس.. أنت متغير معايا قوي الأيام دي، أنا  
ـ زهـقت من تأـخيرك كل يوم، زهـقت من كـتر ما بتـصل ومبـترـدـش،  
ـ زهـقت من قـلة اهـتمـامـك بـيـا.

سحہ پدھ:

- يوه انتى مبتزهقيش من كتر النكـ...-

ثم أعطها ظهره واتجه إلى غرفة النوم، وهو يستطرد:

- كل يوم نفس الاسطوانة.. أنا داخل أنام أحسن.

جذبته من كتفه:

- رايح فين.. أنا مش بكلمك؟

- انتي عاوزة تتخانقى وأنا مفيش عندي طاقة للكلام ده.

وقفت في وجهه:

- كنت فين؟

هتف بعناد صبر:

- كنت في نادي الكاراتيه.. أسئلة تانية ولا خلاص كدا استريحتي.

قالت بنعومة، وهي تفك أزرار قميصه:

- لسه.

حاول أن يبتسم ليربط الأجواء:

- انتي ماسكه فيها ولا في القميص.

قالت وهي تلتصق به:

- لا فيك.

- طيب سيببي القميص.

وضعت رأسها على صدرها قائلة:

- افهمني يا معتز.. أنا محتاجاك.

مرر يده على شعرها، وهو يقول:

- أنا عارف.. بس انتي بقىتي عصبية قوي في الأيام الأخيرة.

قالت:

- أنا خايفه واحدة تخطفك مني.

- تخطفني إيه.. هو أنا بلحق أتنفس من كتر الشغل.

ثم أحاطها بذراعيه، وهو يقول:

- بصي أنا مش قليل الأصل، ومش ناسي انك وافقتي تكملي حياتك معايا بالرغم من أنني مبخلافش.

قالت له في حرارة:

- لأنني بحبك.. أنا بحبك يا معتز أكثر من نفسي.

غمغم:

- وأنا كمان.. صدقيني بحبك.

ترددت وهي تقول له:

- إيه رأيك نتبني طفل؟

أبعدها عنه في حدة:

- لا.

صاحت:

- لكن نفسي أحس بالألمومة، نفسي حد يقولي يا ماما، نفسي لها أكبر يبقى في حد معايا، أنت مش نفسك تسمع كلمة بابا.

صاحب في وجهها:

- 100 مرة قلت لك لا.. مش معنى إن العيب هنـي إنك تجبريني أربـي حد مش من لحمي.

حاولت أن تقـنـعـه:

- طـيـبـ وـأـنـتـ إـيـهـ الـلـيـ هـيـضـرـكـ..ـ بـالـعـكـسـ هـتـاخـدـ ثـوـابـ كـبـيرـ وهـنـلـاقـيـ حدـ يـوـنـسـنـاـ لـمـاـ نـكـبـرـ.

قال في غضـبـ:

- بـرـضـهـ لـاـ،ـ أـنـاـ مـشـ هـجـيـبـ عـيـلـ منـ الشـارـعـ وـارـبـيـهـ فـيـ بـيـتـيـ وـأـشـيـلـهـ اـسـمـ عـيـلـتـيـ وـأـنـاـ مـشـ عـارـفـ أـصـلـهـ مـنـ فـصـلـهـ،ـ اـنـتـيـ عـاـوـزـةـ أـهـلـ الـبـلـدـ يـقـولـواـ عـلـيـاـ إـيـهـ.

مالـتـ نـحـوـهـ:

- وـهـمـاـ هـيـعـرـفـواـ اـزاـيـ بـسـ؟

- نـعـمـ هـيـعـرـفـواـ اـزاـيـ إـيـهـ،ـ لـمـاـ يـلـاقـواـ طـفـلـ عـنـدـنـاـ فـجـأـةـ،ـ هـيـظـهـرـ 100 سـؤـالـ وـسـؤـالـ.

- ماـ اـحـناـ هـنـقـولـ اـنـهـ اـبـنـاـ.

ضرب كـفـاـ بـكـفـ،ـ وـهـوـ يـقـولـ:

- ابننا ازاي، وقع من السماء ولا كسبناه في البحت.

قالت محتدة:

- خليك كدا اترىق من غير ما تحاول تفهمني.

- ما انتي اللي بتقولي كلام غريب جدًا، انتي عاوزة إيه يا وردة؟

- عاوزاك تفهمني، احنا هنقول للناس كلها إنى حامل، وهسافر كام شهر وارجع أقول إنى ولدته، إيه رأيك؟

قال في صrama:

- مقدرش.. صدقيني الموضوع بالنسبة لي مرفوض شكلاً وموضوعاً.

هتفت في استجداٍ بالغ:

- طيب والحل؟

أولاها ظهره منهيا النقاش:

- معنديش حل.. وانا سبق وخيرتك وانتي اختارتني، وللمرة الثانية اهو بخيرك.. أنا مش بجبرك تعيشي معايا.. عاوزة نتطلق نتطلق، وكل واحد فينا يشوف مصلحته.

ثم تركها تبكي ودخل غرفة مكتبه، وأغلق عليه الباب.

\*\*\*

وقف (محمد) أمام باب الطاحونة وهو متعدد، جاء الصوت من

الداخل يسأله في ودٌ زائف:

- بابا وعايدة قاعدين دلوقتي مع بعض.

غمغم (محمد):

- انت عرفت ازاي؟

ضحك الصوت:

- أنا بعرف كل حاجة.. أنا حتى كنت بتفرج عليكم وانتم قاعدين على الأرض.. على فكرة ريحه الأكل كانت جميلة جدًا.

- كنت واقف فيين؟ احنا كنا لوحدنا.

قال الصوت بسرعة:

- كنت وسط الزرع.

- لوحدك؟

قال الصوت بلهجة حزنٍ زائفة:

- أيوه.. أنا طول عمري لوحدي وماليش أصحاب زيـك.. تحب تكون صاحبي؟

تجاوز (محمد) الإجابة عن سؤاله، وسأله:

- مين اللي جابك هنا؟

قال الصوت بطريقـة مستكينة:

- ناس أشرار جم خطفوني ورموني في الطاحونة.

- أشرار! أشرار شكلهم إيه؟

قال الصوت بحدة:

- شكلهم مرعب قوي يا محمد.

ارتعش (محمد):

- هما لسه موجودين عندك؟

- لا دول مشوا من زمان.

هتف (محمد):

- طيب ما تخرج بسرعة قبل ما يجوا.

ردد الصوت:

- مقدرش.

تعجب (محمد):

- ليه؟

- أصلهم ربطوني ومش قادر أتحرك.. أرجوك ساعدني.. أنا خايف.

هم (محمد) بالابتعاد، وهو يقول:

- أنا هرجع أروح أجيب بابا ونخرجك.

قال الصوت متلهفًا:

- مفيش وقت.. الأشرار ممكن يرجعوا.. الموضوع مش هيأخذ غير ثانية واحدة عشان تحررني.

- أنت متأكد؟

- آه متأكد.. تحب احلف لك بالنبي سليمان.

اقترب (محمد) من الباب حتى لم يعد يفصله عنه سوى خطوة واحدة، وهو يقول:

- لكن أنا خايف.

- لا متخافش.. فكتي وهنهرب سوا.

عبر (محمد) الباب ودخل..

سمع صوتاً يشبه طنين النحل، ثم دارت رحى الطاحونة ببطءٍ وراح الغبار يتناثر من حوله، نادى بتواترٍ وهو يدير بصره:

- أنت فين؟

جاء الصوت خافتًا:

- امشي في خط مستقيم.

سار في خطٌ مستقيمٌ مستعيناً بالنور البسيط الذي يتسلل من الباب المفتوح..

بجوار جدار الطاحونة، لمح (الدويس) وهي تجلس القرفصاء على الأرض، لكنه لم يعرفها، قالت:

- قرب يا محمد.

وأشارت إليه ياصبِّع خالٍ من اللحم.

\*\*\*

(كمال) و(عايدة) لاحظا اختفاء (محمد)..

حاولا البحث في الأرجاء والقلق بينهما كوحش كاسر من الداخل، صاح (كمال):

- أنا اللي غلطان.. مكانش لازم أخليه يغيب عن عيني.

قالت (عايدة):

- متقلقش.. هتللاقيه هنا أو هنا.

قال (كمال) بقلق وخوف بالغين:

- انتي مسمعتيش عن موضوع الديب اللي داير يقتل في أهل البلد.

لم تتأنْ تخبره عن (الدويس) حتى لا تثير فزعه أكثر.. قالت:

- طيب أنت تدور من ناحية وأنا هدور من ناحية تانية.

بسرعة انطلق كلُّ منها في اتجاهِ عكس الآخر..

كان (كمال) يخترق الزرع وهو ينادي (محمدًا) باستمرار ودون توقف، أما (عايدة) فحاولت أن تتبع آثار خطوات (محمد) قدر ما تستطيع.. صحيح أنها لم تكن تجيد تقفي الأثر لكن لحسن الحظ

أن (محمدًا) خلال طريقة، كان يقوم بدهس الزرع فترك من ورائه بعض الدلالات..

أخيراً انتهى المطاف بـ (عايدة) أمام مبني الطاحونة ووقفت  
 أمامها وهي تلهث من التعب.

六六六

في الداخل كانت (الدويس) تنتصب واقفة بينما (محمد) يتراجع إلى الوراء بذعرٍ وهو يرتجف من منظرها المروع..

حرك (محمد) بصره سريعاً وهو يفكر، ثم انحنى على الأرض وزحف تحت رحى الطاحونة.. كانت المسافة صغيرة وبالكاد اتسعت لجسمه الضئيل.. فوق رأسه كانت الطاحونة تهدر بقوٰة كموتر هائل عملاق..

جزء من شعر (محمد) لامس الحجر الذي يدور.. ما يفصل بينه وبين السحق بضع سنتيمترات.. قبع في مكانه للحظات قبل أن يقرر الزحف إلى الناحية الأخرى..

بهدوء قاتل دارت (الدويس) حول حجر الطاحونة كي تكون في انتظاره حين يخرج من الجهة المعاكسة..

(محمد) كان يشاهد ساقيها وهي تخدش الأرض أثناء مشيها..

قام بتغيير اتجاهه وخرج من الناحية الأخرى ثم تسلق الطاحونة متشبّتاً بالبروز الحجرية الموجودة على الجدران.. كان خفيف الحركة وسريعاً جداً..

نجح في الاقتراب من النافذة التي يقف فوقها الغراب ثم مد كلتا يديه وتشبت بحافة النافذة كي يصعد إليها..

على نحوٍ مفاجئٍ راح الغراب ينقره في يده نقرات سريعة ومؤلمة.. صرخ (محمد) من الألم ومن رؤية الدم الذي تدفق من مكان النقر. حاول أن يضرب الغراب بيده لكنه طار بعيداً وهو يطلق نعيقاً غاضباً.. ومع طيرانه أفلتت يد (محمد) اليمنى، فصرخ.

\*\*\*

في الخارج وصل إلى (عايدة) صوت صراخ (محمد).. ودون لحظة تفكيرٍ واحدة انطلقت نحو الطاحونة، ثم عبرت الباب وهي تنادي بعصبية:

- أنت فيه؟

- أنا هنا.

جذبها مصدر الصوت..

كان (محمد) يمسك حافة النافذة بيديه واحدة وجسمه يتآرجح في الهواء وبينه وبين الأرض مسافة 10 أمتار على الأقل.. لو سقط لتهشم جسمه.

هتفت (عايدة) وهي تهرع ناحيته:

- امسك جامد يا محمد، أنا طالعه لك.

دون أن تشعر ومن ورائها تحركت (الدويس).. صرخ (محمد) الذي

يتبع الموقف من أعلى:

- بصي وراكي.

التفتت (عايدة)..

وبشجاعةٍ بالغة أخرجت من جيبها كومة من الملح الأبيض  
ونثرتها في وجه (الدويس)..

مجرد أن اصطدم الملح بـ (الدويس) حتى اخترق جسدها وراح  
يحرق فيها ويذوب مثل ماء النار، فصرخت صرخة هائلة  
وطوحت يديها في الهواء، ثم اختفت بسرعة..

بنفس السرعة راحت (عايدة) تسلق الجدار حتى استطاعت  
الوصول إلى (محمد) ونزلت به إلى الأمان ثم حملته وجرت.

\*\*\*

خرجت (فاتن) وهي ترتدي نقاباً أسوداً لا يظهر منها سوى عيناها  
العسليتان اللتان حددتهما بالكحل الأسود..

كانت تمشي بطريقٍ أقرب إلى الهرولة منها إلى المشي، على  
الرغم من أنها تحمل حقيبة ثقيلة ممتلئة..

بين الحين والآخر كانت تلتفت وراءها ربما لتأكد أن لا أحد  
يتعقبها..

عبرت فوق كوبري القرية ثم وصلت عند الضريح الأخضر..

لفت انتباها وجود زينة حول الضريح والكثير من الخيام التي

تشبه خيام السيرك لكنها أصغر..

مررت أمام مجموعة من الدراويش، الذين وقفوا في منتصف الطريق بالملابس البيضاء الداخلية، يغتسلون بواسطة خرطوم يسحب الماء من الترعة باستخدام موتور صغير، تم سرقة وصلته الكهربائية من عمود الشارع..

صعدت إلى رصيف مرتفع، حتى لا تمر خلال مباراة لكرة القدم تدور بين مجموعة من الأطفال المشردين، الذين قل عددهم إلى النصف بعد انتشار موجة الاحتطاف من أجل تجارة الأعضاء.. كانت الكره التي يلعبون بها متهاكلة وممتلئة بالثقوب ولا تصلاح، ومع ذلك كانوا مستمرين في ركلها والاستمتاع بها..

تجاوزت (فاتن) كل هذا، وبمرور الوقت بدأت تبتعد عن منطقة العمران، وتراجعت المنازل خلف ظهرها..

من بعيد لمحت (كمال، ومحمد، وعايدة) وهم يخرجون من وسط عيadan القصب كأنما يهربون من الموت..

كانت (فاتن) تعرف (عايدة) جيداً، واشترت منها حبوب منع الحمل أكثر من مرة..

تساءلت في قراره نفسها: "ما الذي أدخلها القصب مع (كمال).. إنها لا تبدو كفتاة سهلة أو رخيصة؟!"

لم تعد النساء شريفات كالسابق، فخلف كل نقابٍ أسود يوجد قميص نوم ملون، هذا التخمين أراح (فاتن) وخفف من إحساسها بعقدة الذنب، ونفح فيها الكثير والكثير من الارتياح..

تمهلت في خطابها قليلاً حتى لا يلمحونها إلى أن تواروا عن نظرها، ثم أزاحتهم من تفكيرها حين وصلت إلى منطقة مهجورة تمتلئ بمحلات صغيرة مغلقة تشبه علب الكبريت، متلاصقة..

مرت (فاتن) وسط هذه المحلات والريح تعوي فيما بينهم..

كانت هذه المنطقة في الأصل عبارة عن مشروع لنقل بائعي سوق الخضروات، الذي يتوسط البلدة، لكنه فشل بسبب سوء التخطيط وبعد المسافة..

راحت (فاتن) تقرأ أرقام المحلات باهتمام شديد، وهي تسير بحذرٍ بالغ..

بعض المحلات كانت أبوابها مفتوحة وقد استخدمها بعض الناس كدورات مياه..

وصلت إلى محلٌ بابه الصاج مغلق، ومكتوب فوقه بالطلاء (414).. وقفَت أمامه لثوانٍ ثم طرقته ثلاث طرقات خفيفة وأصغت السمع جيداً..

لوقتٍ ليس بالقصير بدا أن كل شيء لن يتغير، لكن سرعان ما سمعت صوت خطواتٍ ثقيلة وراء الباب قبل أن يتحرك مصدرها أنيئاً معدنياً، ثم يظهر خلفه شاب مشعرٌ بالشعر، غائر الوجنتين، معدته تلتصق في ظهره من الجوع..

جذبها إلى الداخل بتواترٍ وهو يغلق الباب من جديد، ويقول بصوٍتٍ مبحوح:

- أتأكدتي إن مفيش حد ماشي وراكي.

قالت بثقة:

- منتقلتش.

نظر إلى الحقيقة التي تحملها، وسألها:

- جبتي اللي قلت لك عليه؟

ألفت الحقيقة تحت قدميه، وهي ترد:

- اتفضل.

جسم على الأرض وفتح الحقيقة.. كان يوجد بها ماء وطعام  
وملابس نظيفة..

تناول زجاجة ماء وتجرع منها في نهم شديد لدرجة أن الماء راح  
يغرق صدره.. شهق ثم لهث وقد ارتوى تماماً.. لم يرفع بصره نحو  
(فاتن) وانقض على الطعام وراح يلتهمه كالمسعور..

ظلت (فاتن) على حالها واقفة وهي تضع يدها على وجهها  
محاولة منع الروائح الكريهة التي تملأ المكان من التسلل إليها،  
لكن بلا فائدة..

أخرجت منديلاً معطرًا وألصقته في فتحتي أنفها..

الشاب لاحظ ذلك بعد أن هدأت معدته، قال بسخرية:

- بقيتي تقرفي بسرعة.

نظرت له باشمئزازٍ ولم ترد..

كان هذا الشاب هو زوجها أو طليقها بمعنى أصح.. كان قد هرب من السجن واتصل بها كي تقابله في هذا المكان.. فكرت أن تبلغ الشرطة لكنها خشيت منه ومن انتقامه، قالت بحده:

- أنا جبت لك اللي قلت عليه.. حاجة تانية؟

قال في سماجة:

- فلوس.

مدت يدها إلى صدريتها وأخرجت كومة نقود كبيرة وألقتها في وجهه..

نظر إلى النقود التي تناولت على الأرض ثم نهض، وقال بسخرية:

- لسه برضه بتخبي الفلوس في نفس المكان.

اقترب منها ومد يده ليتحسس صدرها، فأمسكتها وهي تنظر إليه في صramaة:

- أنت عاوز إيه دلوقتي؟

قال بغضب:

- أنا عملت كل ده عشانك.. ودخلت السجن بسببك.

صاحت:

- بلاش كلام فاضي.. أنت اللي حمار.

- انتي اللي طباتك مكانتش بتخلس، وأنا كنت عاوز ارضيكي

بأي طريقة.

- محدش قالك روح تاجر في المخدرات.

قال محدثاً:

- بصي.. انتي لسه مراتي على ذمة الله ورسوله.

## ضحكٌ:

- على ذمة الله ورسوله، أنا خدت حكم بالطلاق من المحكمة من زمان.

- باطل.. أي طلاق من المحكمة باطل.

ضریت کفا بکف:

- أنت يا بني مجنون.. السجن أثر على عقلك.

١٣٦

- تعالى معايا نسيب البلد دي.

صاحب پاستنکار:

- أنا مالي ومالك.. أنا جبت لك اللي أنت قلت عليه.. خلاص كدا  
أنا دورى انتهى.

- اسمعوني بس.. أنا وصلت لناس ممكن يهربوني ليببا عن طريق  
السودان.. تعالى معايا.

- مقدرش أعيش هربانة زيـك.

أخرج (جوازي سفر) مزورين قائلاً:

- عملت جوازين نهرب بهم.

ضربت يده فسقطت جوازات السفر على الأرض، وهي تقول بحدة:

- سافر أنت مع نفسك.

التصق بها، وهو يقول:

- مقدرش أعيش من غيرك.

دفعته في صدره، وهي تهتف:

- تعيش ولا تموت.. أنا مش فارقة معايا.

وأرادت أن تغادر لكنه جذبها من ذراعها بقسوةٍ، فصاحت:

- ابعد عني.

كبل حركتها وأسقطها أرضاً.. صرخت بوهن:

- لا بلاش.

لم يعبأ بمقاومتها.. انقض على عنقها وصدرها يقباها في جوع..

أغمضت عينيها وتركته يفعل بها ما يشاء عملاً بالمثل الذي يقول: "إن لم تستطع المقاومة، فالأفضل أن تستمتع."

بعد ربع ساعة كان باب المحل يفتح ثم تخرج منه (فاتن) وهي لا

تزال تهندم ملابسها..

في الداخل ارتقى طليقها على الأرض وأشعل سيجارة مسترجعاً  
الدقائق اللذيدة التي مضت منذ قليل، بعد مدة سمع صوت خدش  
على الباب.. اعتقاد في البداية أن هذا هو الهواء أو ربما شخص  
مشرد يمر بالجوار..

التزم الصمت والسكون..

عاد الخدش من جديد على الباب..

ثم وبقوٍة هائلة، شُيِّعَ ما انتزع الباب من مكانه..

تراجع للوراء وهو يشهق من الفزع..

اقربت منه (الدويس)..

صرخ.. وصرخ.. وصرخ..

ضربته (الدويس) في معدته فمزقتها..

جزء من أمعائه تدلّى بين ساقيه..

سقط على الأرض وهو يتآلم.. رفع يده اليمنى أمام وجهه، وصاح:  
- استني.

الغريب أنها استجابت لكلامه وتوقفت، قال:

- أنا مش عاوز اموت.

ضربت عنقه بسيف يدها، فطارت رأسه في الهواء، ثم ارتطمت

بالجدار وتركت فوقه بقعة دموية حمراء قبل أن تندحرج على الأرض وتستقر بجوار جواز السفر الخاص بـ (فاتن).

\*\*\*

(١٥)

صرخ (معتز) وهو يضغط على نواجذه وقد تصلبت عضلاته وبرزت عروقه حتى كادت أن تنفجر..

ثم وبكل قوٌّ رفع ثقل الحديد من فوق صدره، وانتصب واقفًا..

صاحب المدرب وهو يحمسه:

- عاش يا بطل.

في الآونة الأخيرة دأب (معتز) على الذهاب إلى نادي الكاراتيه كل يومٍ على عكس السابق، حين كان لا يأتي سوى مرة أو مرتين في الأسبوع..

بعدما انتهى من الإحماء، توجه برفقة المدرب إلى منتصف صالة التدريب.. تجمع كل الموجودين في دائرة حولهم للاستمتاع بالقتال الذي سوف يدور بعد قليل..

الجميع يعلم أن القتال سيكون قويًّا..

وقف (معتز) في مواجهة المدرب وعلى وجهه كلّ منهما الجدية البالغة.. كلاهما كان يرتدي حلقة الكاراتيه البيضاء والحزام الأسود، المدرب كان في نفس طول قامة (معتز) لكنه أضخم وأكثر شبابًا.. باعد (معتز) بين ساقيه وأطلق صيحة قتالية معروفة ثم انقض على المدرب بركلة قوية..

استقبل المدرب الركلة على سعاده بمهارة، ثم طوح يديه في وجه (معتز) الذي انحنى للأسفل ودار حول نفسه في رشاقة،

ولكم المدرب لكمه هائلة فأسقطه أرضاً..

انفجر الموجودين بتصفيقٍ حارٍ إعجاباً بتلك الحركة.. ابتسם (معتز) ابتسامة ودود ثم مد يده ليعاون المدرب على النهوض قائلاً:

- عاش يا كابتن.

أمسك المدرب يد (معتز) الممدودة نحوه وقفز واقفاً:

- قسلم يا بطل.

سار بجوار (معتز) وعاد يقول:

- الحركة بتاعة النهاردة جديدة.. أنت كل يوم بتفاجئني.

قال (معتز):

- امبراح كنت بتفرج على فيلم أكشن ولقيت البطل بيعملها، قلت أجريها معاك.

ضحك المدرب، وهو يتحسس مكان الضربة:

- لا بس حركة قوية.

وصمت قليلاً قبل أن يقول:

- أنت فعلًا كنت وصلت لنهائي الجمهورية.

أومأ (معتز) برأسه:

- أيوه.. بس خسرت.

سؤال المدرب:

- ومكمليتش ليه؟ أنت عندك استعداد، وواضح انك موهوب بالفطرة.

تنهد (معتز):

- الظروف بقى.

- لاعبت مين في النهائي؟

- لاعب من كلية الشرطة.

قال المدرب بمكر:

- أكيد التحكيم كان معاه.

- لا.. التحكيم كان عادل جدًا.. هو كسب بجهوده.. وعلى فكرة اتصاحبنا بعدها وجه زارني هنا، وأنا رحت زرتـه.

- ولسه بتكلموا بعض؟

ظهر الضيق جليًا على وجه (معتز) وهو يقول:

- الله يرحمـه.. مات.

رفع المدرب حاجبيه، قبل أن يقول:

- لا حول ولا قوة إلا بالله.. مات ازاي؟

أجاب (معتز) بضيق:

- مات أيام الثورة.. خد رصاصة في دماغه.

و قبل أن يعلق المدرب بشيء آخر، قام (معتز) بتغيير دفة الحديث الذي حرك الحزن الراكد داخله، وقال:

- بقالي فترة حاسس بوجع في جنبي اليمين من ساعة ما اخذت حقن تضخيم العضلات.

**هز المدرب كتفيه:**

- الطبيعي إنه تاخد حقنة كل يومين، لكن مع الكورس اللي أنا عامله ليك، حقنة كل يوم مع بودرة الأحماض الأمينية، هتحس شوية بنغزة بسيطة، وده راجع لأنك مبتحرقش كل حاجة في التدريب.. من بكرة هزود ليك الحمل التدريبي.

**زوى (معتز) ما بين حاجبيه:**

- بص.. أنا سمعت ان الحاجات دي بتتأثر على الكبد.

**احتقن وجه المدرب:**

- لا طبعاً.

**سؤاله (معتز) باهتمام:**

- أنت متأكد؟

**أجابه المدرب بلهجةٍ تدل على الثقة:**

- متأكد جداً.. متصدقش كل اللي بتسمعه.. يعني مثلاً الناس عماله تقول إن فيه مخلوق اسمه الدويس.. طبعاً كل ده كلام

مش حقيقي ومستحيل يحصل.

قطب (معتن) جبينه:

- عندك حق.. ده كلام محدث يصدقه.

\*\*\*

على عكس كل يوم، فوجئ (عبده) بـ (محروس) يدخل النادي وعلى وجهه شقاء الدنيا والآخرة.. قام محروس بتعليق عمامته الحريرية على المشجب القريب من باب الدخول، ثم ألقى بنفسه على أقرب مقعد، وهو يتمتم ببعض الجمل الغير مرتبة..

فهم (عبده) بسرعة ما يحدث وما المطلوب الآن.. بسرعة ذهب وغاب لحقيقة واحدة، قبل أن يعود وهو يحمل (الشيشة) المذهبة الخاصة بـ (محروس)..

غاب مرة أخرى ثم عاد بصحفة فوقها زجاجات بيرة وطبق يمتلئ بتشكيلة من المكسرات المقشرة..

جلس (عبده) تحت قدمي (محروس) الذي لم يبدأ أنه انتبه حتى لوجوده، ووضع حجر المعسل المختلط بالحشيش المغربي، ثم رصف فوقه قطعة فحم صغيرة، ونفخ فيها بخبرة واضعاً كفه حولها حتى تشتعل بسرعة..

بدا (محروس) يسحب النفس تلو الآخر بينما أحجار الدخان وماء (الشيشة) يصدران قرقة قوية.. كان كلما فرغ من حجر قام (عبده) باستبداله على نحو سريع..

بعد قليلٍ تكونت سحابة من الدخان الأزرق فوق رأسيهما.. رفع (الحاج محروس) زجاجة بيرة إلى حلقه وتجرع نصفها دفعة واحدة بينما سأله (عبده) باهتمام:

- مالك؟

قال (الحاج محروس) بعد لحظةٍ من الصمت، وقد احمر وجهه:

- دماغي.. دماغي هتنفجر من كتر التفكير في الموضوع ده.

- موضوع إيه؟

تنهد (محروس):

- موضوع الدويس.

قال (عبده) بغباءٍ مصطنع:

- دويس إيه؟

صاحب (محروس) بنفاذ صبر:

- أنت عايش في كوكب تاني ولا إيه، مش شايف اللي بيحصل، كل شوية نلاقي جثة حد مقتول، آخرهم من يومين لقوا جثة واحد هربان من السجن.

ضحك (عبده) في سماجه:

- ولا في الدماغ كل ده.. ويوم ما الموت يجي أنا اللي هختار ميعاد وطريقة موتي.

- في حد يرضه بيختار ميعاد موته.. طول عمرك دماغك ملحوسة.

ضحك (عبدة) وهو يشير بيده إلى ساقه المقطوعة، ويقول بلهجة ذات مغزى:

- خدنا إيه يعني من الدماغ النضيفة غير ده.

نزل (محروس) من على المقعد، وافتresh الأرض بجوار (عبدة) وهو يقول بخبيث:

- يعني كله اقطع؟

هتف (عبدة):

- عيب عليك، الباقي سليم حتى اسأل التلت نسوان اللي على ذمتني.

أشاح (محروس) بيده وهو يضحك:

- هما اللي على ذمتك دول نسوان.. دول زي الغفر اللي كانوا بيشتغلوا عند جدي الحاج داغر.

شاركه (عبدة) الضحك قبل أن يقطع ضحكته، ويقول بجدية:

- التمثال نطق النهارده.

قال (محروس) بتهمكم:

- طب احلف.

- آه والنعمة.. أمبارح كنت بقوله انطق فنطـق.

ضـحـك (الـحـاجـ مـحـرـوـسـ):

- هـا.. وـقـالـكـ إـيـهـ؟

قال (عبدـهـ) بـجـديـةـ:

- نـادـىـ عـلـيـاـ بـأـسـمـيـ.

جلـجـلتـ ضـحـكـةـ (الـحـاجـ مـحـرـوـسـ) حـتـىـ وـصـلـتـ إـلـىـ الدـخـانـ  
الأـزـرـقـ الـذـيـ التـصـقـ فـيـ السـقـفـ:

- الدـمـاغـ دـيـ مـتـكـلـفـةـ.. قـولـيـ التـعـمـيرـةـ كـنـتـ جـايـبـهاـ مـنـينـ؟

قال (عبدـهـ):

- أـنـتـ قـلـتـ لـيـ لـوـ التـمـثـالـ نـطـقـ هـتـدـيـنـيـ نـصـ ثـرـوـتـكـ.

ربـتـ (محـرـوـسـ) عـلـىـ كـتـفـ (عبدـهـ):

- طـبـبـ قـومـ رـوـحـ دـلـوقـتـيـ وـنـامـ.. أـنـاـ هـقـعـدـ مـعـ نـفـسـيـ شـوـيـةـ.

نهـضـ (عبدـهـ) مـنـ عـلـىـ الأـرـضـ، وـهـوـ يـسـتـنـدـ عـلـىـ كـتـفـ (محـرـوـسـ)  
وـيـقـولـ:

- طـبـبـ وـحـيـاةـ رـجـلـيـ اللـيـ رـاحـتـ التـمـثـالـ نـطـقـ.

لمـ يـعـقـبـ (محـرـوـسـ) عـلـىـ كـلـامـهـ، وـرـاحـ يـتـجـرـعـ الـبـيـرـةـ عـلـىـ مـهـلـ،  
وـهـوـ يـتـلـذـذـ بـالـطـعـمـ..

نظرـ لـهـ (عبدـهـ) لـوقـتـ لـيـسـ بـالـطـوـيلـ ثـمـ غـادـرـ النـادـيـ مـثـلـ كـلـبـ

أَجْرَب ..

أَسْنَد (الْحَاجِ مُحَرَّوْس) رَأْسَه عَلَى حَافَةِ الْمَقْعَدِ، وَأَسْبَل عَيْنَيْهِ بَعْدَ أَنْ أَنْهَى زُجَاجَةَ الْبَيْرَةِ الْأُخِيرَةِ ..

بِشَكْلٍ مُفَاجِئٍ تَرَدَّد نَدَاعُ مُحَمَّمٌ:

- مُحَرَّوْس.

انْتَفَضَ (الْحَاجِ مُحَرَّوْس) وَفَتَحَ عَيْنَيْهِ، وَهُوَ يَسْتَدِيرُ نَحْوَ مَصْدَرِ الصَّوْتِ بِسُرْعَةٍ بَطْرِيقَةٍ جَعَلَتِ الْمَقْعَدَ يَكَادُ أَنْ يَنْقُلِبَ بِهِ، هَتَّفَ:

- مَنْ؟

لَمْ يَسْمَعْ إِجَابَةً ..

رَغْمَ ذَلِكَ كَانَ وَاثِقًا أَنَّ مَصْدَرَ الصَّوْتِ جَاءَ مِنْ عَنْدِ التَّمَثَّالِ الَّذِي يَتَوَسَّطُ الْبَهْوَ ..

نَهَضَ مِنْ مَكَانِهِ وَكَلَامُ (عَبْدِهِ) يَتَرَدَّدُ صَدَاهُ دَاخِلَ ذَهَنِهِ (التَّمَثَّالُ نُطِقَ النَّهَارِدَه.. نُطِقَ النَّهَارِدَه.. النَّهَارِدَه.. النَّهَارِدَه..)

ظَلَّ يَنْظَرُ إِلَى التَّمَثَّالِ كَأَنَّهُ شَخْصٌ مِنْ لَحْمٍ وَدِمٍ يَرِيدُ أَنْ يَسْبِرَ أَغْوَارِهِ، لَكِنَ التَّمَثَّالُ ظَلَ جَامِدًا وَوِجْهُهُ الْبَرْوَنْزِيُّ يَلْمَعُ بَطْرِيقَةٍ غَرِيبَةٍ .. وَضَعَ (الْحَاجِ مُحَرَّوْس) يَدَهُ عَلَى التَّمَثَّالِ وَقَلْبُهُ يَنْبَضُ سَرِيعًا فِي صَدْرِهِ مُتَأْهِبًا لِلْهَرُوبِ .. شَعْرُ بِبِرْوَدَةِ الْمَعْدَنِ تَتَسَلَّلُ مِنْ التَّمَثَّالِ إِلَى أَطْرَافِ أَصَابِعِهِ وَتَصُلُّ إِلَى قَلْبِهِ، ثُمَّ تَغْزِزُ فِيهِ كَمَحَالِبٍ حَادَةٍ .. خَفْضَ يَدِهِ بِبِطْءٍ وَكَادَ أَنْ يَعُودَ إِلَى مَقْعِدِهِ لَوْلَا أَنْ حَدَثَ شَيْءٌ أَغْرَبَ مِنَ الْخَيَالِ ..

تحرك التمثال إلى الأمام..

تحرك خطوة واحدة..

تراجع (محروس) إلى الخلف بضع خطوات..

تقدّم التمثال نحوه نفس عدد الخطوات..

لاحظ (الحاج محروس) أن التمثال لا يسير.. هناك من يحمله ويختبئ وراءه.

بيطئ أمالت (الدويس) رأسها قليلاً، وظهرت من خلف التمثال.. صرخ (الحاج محروس) في فزعٍ قبل أن يعرقله أحد المقاعد وبهوي به.. رفعت (الدويس) ساقها وأرادت أن تطعن بها رأس (الحاج محروس) لكنه تدحرج على بطنه، ثم نهض واقفاً، وركض بسرعة.. انقضت عليه (الدويس) وأمسكت به من ظهر جلبابه لكنه تمزق في يدها.. (الحاج محروس) ظل يركض دون توقف حتى خرج من النادي، وركب سيارته وانطلق بها.. عندما وصل إلى منزله دخل إلى غرفة مكتبه مباشرة وأغلق الباب، ظل يرتجف في مكانه غير مصدق، قبل أن ينهاه على ركبتيه ويرمي بجسنه على الأرض، يبكي في هستيريا.

\*\*\*

وصل (معتز) إلى منزل (الحاج محروس) بناءً على مكالمة هاتفية من زوجته التي كانت في استقباله، فسألها بقلق:

- إيه اللي حصل؟

أجابت:

- قافل على نفسه باب مكتبه من جوه بقاله يومين وعمال يعيط.

قال (معتز) في دهشةٍ وتعجب:

- انتي متأكدة انه بيعيط؟

أومأت برأسها:

- صوته كان واضح قوي.

انعقدا حاجباً بقلقٍ وسألها:

- حاولتني تكلمي؟

قالت:

- آه لكن مش راضي يرد أو حتى يفتح الباب.

سألها:

- طيب هو متعود لما يزعل يعمل كذا؟

هزت رأسها نافية:

- أبدًا.. أول مرة.

هتف:

- متقلقيش.. خشي انتي أوضتك وأنا هتصرف معاه.

ثم توجه إلى غرفة مكتب (محروس) وطرق الباب بروية:

- محروس.. محروس.

جائده صوته من الداخل:

- امشي دلوقتي يا معتز.

- طيب فهمني فيه إيه؟

- مفيش حاجة.. عاوز اقعد مع نفسي شوية.

صاحب (معتز):

- افتح عشان اعرف أكلمك.. مش هينفع الكلام بالطريقة دي.

مضت لحظات ظن خاللها (معتز) أنه لن يفتح له الباب، لكنه سمع صوت المزلاج يتتحرك من مكانه، وجاء صوت (محروس) خافتًا:

- ادخل واقفل الباب.

تقدم (معتز) إلى الأمام بضع خطوات، كانت الغرفة مظلمة تماماً، سمع من جديد صوت (محروس) يقول بحدة:

- اقفل الباب وراك.

أغلق (معتز) الباب خلفه، وهو يقول:

- أنت قاعد في العتمة ليه كدا يا راجل؟

ثم مد يده إلى مفتاح النور وأضاء المكان..

أصابته نوبة من الدهشة ممتزجة بالخوف حين رأى (الحاج

محروس) وهو منكمش حول نفسه وراء مكتبه يرتجف بشدة، وقد اصفر وجهه وزاغت عيناه.

قال (معتز):

- مالك.. أنت عيآن؟

هتف (الحاج محروس) والزبد يتطاير من فمه:

- الدويس جت زارتني.

شعر (معتز) بانقباضة في قلبه، رغم ذلك أخرج منديلاً من قميصه وناوله لـ (الحاج محروس) كي يمسح فمه، وقال في سخط:

- أنت برضه بتصدق في الخرافه دي.

مسح (الحاج محروس) فمه:

- عشان أنت مشفتهاش.. هي والموت واحد يا معتز.. أنا لازم أروح للشيخ عرفة.. الراجل ده هو الوحيد اللي كلامه كان صح.

لم يعجب (معتز) هذا الكلام، فقال:

- أنت متأكد إن ده مش تأثير حاجة شربتها.

- ما طول عمري بشرب.

- يمكن المرة دي كنت تعبان.

أمسك (محروس) ذراعه بقوٍ وقال:

- أنا متأكد من اللي شفته.

ثم ترك ذراعه، وعاد يقول:

- ودي مش أول مرة تظهر لي.

سؤاله (معتز) باهتمام:

- هي ظهرت لك قبل كدا؟

أومأ (الحاج محروس) برأسه:

- فاكر لما الشيخ عرفة جه يحدرنا منها.

- أكيد فاكر.. وهو ده يوم ممكن يتمنسي.

ابتلع (الحاج محروس) ريقه:

- بعد لما مشي بفتح الشباك شفتها واقفة وراء الإزار وبتبص لي وبعدين اختفت.

- وليه مقلتش الكلام ده قبل كدا.. دماغك كان فيها إيه بالضبط.

ارتعشت يد (الحاج محروس) وهو يقول:

- أنا.. أنا مش عارف.. ده اللي حصل و...

فجأة قطع كلامه حين سمع صوت طرق على الباب. تراجع إلى الوراء وهو يضم يده إلى صدره في خوف:

- جاية عشان تقتلني يا معتز.

قال (معتز):

- متخافش.. دي مراتك.

توجه کي يفتح الباب، حينما قال (الحاج محروس) بصوٍت خفيض:

- بلاش تفتح.

لكن (معتز) فتح الباب..

زوجة (الحاج محروس) كانت تقف على عتبة الباب وعيناها تسبحان في الدموع مما سمعته.. (معتز) قال لها:

- أنا مش طلبت منك ترجعني أو ضنك.

هتفت:

- مش قادره اسيبه كدا.

تنهد (معتز):

- كمان شوية هيهدأ.. اطمئني.

ثم التفت إلى (الحاج محروس) الذي يرتعش، وشعر نحوه بالأسف الشديد.

\*\*\*

## (١٦)

حاول (كمال) أن يكسر حالة الخوف التي يعيشها (محمد) بعد لقائه بـ (الدويس).. كان قد علم من (كرتونة) عن وجود مولٍ شعبيٍّ مقام عند الضريح الأخضر الموجود على مدخل البلد، وقرر أن يصطحب معه (محمد).. للأسف كانت (عايدة) مصابة بالبرد ولم تكن تستطيع القدوم معهما، ولقد رفض (محمد) الذهاب، كان خائفاً جداً ويشعر بعدم الأمان في الخارج، لكن (كمال) صمم وطلب منه بحزم أن يرتدي ملابسه بسرعة، وبعد نصف ساعة استطاع إقناعه وخرجًا من المنزل.. استقلوا سيارة أجرة أنزلتهما على مسافةٍ غير بعيدةٍ من المولد، كان المولد يبدو من تلك المسافة كخليةٍ نحلٍ هائلة، مركزها عند الضريح الأخضر حيث تختلط هناك كل الأصوات والأشكال والألوان.. برقت عيناً (محمد) وقفز في الهواء، وكاد أن يجري لو لا أن منعه (كمال):

- بلاش تجري.. خليك في إيدي علطول.

تحركا سوياً..

أصوات الأراجيح وضحك الأطفال لا ينقطع..

أمام مدخل المولد شاهداً عجوزاً تمد يدها وتطلب الإحسان..

- لله يابني.. يخلي لك ابنك ويحفظه لك من شر العين وشر الناس اللي مش بيصلوا على النبي.

مد (كمال) يده في جيبه ثم ناولها ما جادت به نفسه..

وضعت النقود في صدرها، وعادت تمد يدها لغيره بطريقة سيدة أعمال لا تملك رفاهية إضاعة الوقت.

من أئمماً (كمال، ومحمد) موكب دراويش طويل يحملون الأعلام الملونة والمزركشة بكتاباتٍ مختلفة مثل: (لا إله إلا الله) و (الله أكبر) و (محمد رسول الله) ..

كان الدراويش يتربّحون يميناً ويساراً كالسكارى منتسبين بذكر الله، وهم يرددون بصوتٍ جهوري:

- الله حي.. الله حي.

راح (محمد) يتمايل بطفولية، ويقول:

- الله حي.. الله حي.

سأله (كمال) وهما يسيران:

- تحب تركب المراجيح ولا الساقية القلابة؟

أجاب (محمد) بسرعةٍ ولهفة:

- المراجيح طبعاً.

في طريقهما كان يوجد رجل ذو لحيةٍ متسلخة، يرتدي جلباباً أبيض اللون حافلاً بالبقع، يضع فوق رأسه عمامة كبيرة، ويمسك بيده مقضاً حاداً طويلاً، وبجواره دلو معدني به قطع تشبه الجلد الأبيض.. كان هناك زحام حول هذا الرجل، زحام عبارة عن نساءٍ يرتدين ملابس رثة، ويحملن أطفالاً صغاراً..

ناولت امرأة ابنها للرجل، وهي تقول:

- سم الله.

صاحب الرجل بصوتٍ جهوريٍّ:

- بِسْمِ اللَّهِ الَّذِي لَا يَضُرُّ مَعَ اسْمِهِ شَيْءٌ فِي الْأَرْضِ وَلَا فِي السَّمَاوَاتِ.

ثم كشف عما بين ساقين طفل، وكبر عالياً:

- اللَّهُ أَكْبَرُ.

زغردت الأم وزغردت نساء آخريات حين انتهى الرجل من ختان الطفل، ثم رفع جلدة الختان وألقاها في الدلو.

وضع (كمال) يده أمام وجه (محمد) حتى لا يرى ما يحدث.

- عاوز أشوف.

قالها (محمد) وهو يحاول أن يرفع يد والده من على وجهه، لكن (كمال) أحكم وضع يده حتى وصل إلى منطقة تحتوي على كافة الأرجحية بأشكال وأنواعٍ مختلفة..

اختار (كمال) أرجوحة صغيرة تشبه القارب ووضع فيها (محمد) ثم وقف يراقبه.. دون أن يدرى جذبه صوت شخص يقرأ قرآنًا، كان رجلاً أعمى، يرتدي نظارة ذات عدسات سوداء، يجلس القرفصاء على سجادة، ويشبك كلتا يديه فوق صدره، وهو يرتل القرآن ترتيلًا..

من حوله تجمع الرجال والنساء.

- الله أكير عليك يا شيخ.

يهمتون ثم يلقون في حجر جلابه ما تجود به أنفسهم من نقود، نوع من أنواع التسول المغلف بورقة الدين والإيمان، رغم ذلك كان صوته رخيمًا يجعلك تشعر بقشعريرة في قلبك وروحك..

فجأة انتبه (كمال) إلى (محمد).. التفت بسرعة..

كانت الأرجوحة تدور في الهواء وهي خالية..

دار حول نفسه كالجنون..

أين ذهب محمد؟

أصابه الرعب من فكرة ضياعه..

جري بسرعة..

جرى كما لم يجرِ من قبل..

كان يخترق حشود النساء والرجال..

- محمد.

يصرخ باسمه لكن لا أحد يسمعه..

لا بد أن تكون هناك طريقة للعثور عليه.. يعلم أن هناك طريقة، عقله متوقف ولا يستطيع التفكير..

فجأة يتذكر..

يجري مسرعًا..

وصل إلى الرجل الذي يقوم بختان الأولاد..

- بابا.

وصل إليه نداء (محمد).

تتبع الصوت حتى عثر عليه وهو يرتعش كورقة شجرٍ في فصل الخريف..

احتضنه بقوّة وهو يقول:

- إيه بس اللي جابك هنا؟

انهمرت الدموع من عيني (محمد) ولم يجب، حمله (كمال) على كتفه وهو يربت على ظهره، ويقول:

- طيب خلاص متزعلش.. أنا الغلطان.

قال (محمد) وهو يغمض عينيه:

- أنا عاوز اروح.

- هنروح دلوقتي.

ثم خرجا من المولد.

\*\*\*

مضت مدة من الوقت و(كمال) في انتظار أي وسيلة مواصلات للعودة، إلى أن قال وهو يحدث (محمدًا) ويتنهد:

- شكلنا هنا خدتها مشي.

لم يرد (محمد) ..

كان (كمال) يشعر بإرهاقٍ تام، ورغم ذلك حمل (محمدًا) وسار في طريق العودة بينما الرياح تعصف ..

بعد قليلٍ كان (محمد) قد نام على كتفه وارتخت أطرافه، أثناء سيره شعر (كمال) أن الشوارع صامتة أكثر من اللازم، فكر أن يختصر الطريق ويمر خلال المقابر، المسافة من هناك أقل وسيحصل بسرعة، لحسن حظه أن (محمدًا) نائم ولن يعترض، انحرف يساراً تجاه المقابر حتى وصل إلى بابٍ خشبي، دفعه بيده فأصدر صليلاً مخيفاً ثم دخل.. بالرغم من أن (كمال) ليس بالرجل الجبان لكنه لم يستطع أن يمنع ارتجافه باردة سرت في جسده، وقد أحاطته ظلمة لا يكسرها غير شعاعٍ ضعيفٍ من القمر.. دون سابق إنذار تحركت سحابة سوداء وغطت القمر، فازداد الظلام حول (كمال).. وفي الظلام تحرك شيءٌ ما، لم يكن (كمال) يراه لكنه استشعر وجوده، راح يحاول استكشاف طريقه وقد شعر أنه يدور داخل دوائر لا تنتهي، نصف ساعة قضتها وفي كل مرةٍ يجد نفسه يسير في نفس الطريق، كان يشاهد أنوار الطريق من بعيد، رغم ذلك كان لا يستطيع الوصول إليه لأن المقابر تدور به، شعر بتشويش حادٌ في ذهنه، هز (محمد) رقبته كأنه على وشك الاستيقاظ، فسقطت قبعته من فوق رأسه، مد (كمال) يده وأعادها مكانها حتى لا يبرد، وبينما هو يفعل ذلك سمع حركة، ثم رأى شيئاً لا يعرف ما هو، لكن هذا الشيء احتفى بسرعةٍ هائلة في الظلام..

هنا دوى صوتُ أحشٌ:

- بتعمل إيه هنا؟

النفت (كمال) إلى صاحب الصوت، رأى أمامه مباشرة رجلاً كهلاً طويلاً القامة، يضع (بطانية) صغيرة فوق كتفه، ويمسك في يده عكاً خشبياً له مقبض معدني، قال (كمال):

- الظاهر إني تهت.

ضحك الكهل، فبدت نواجذه:

- في حد بيته هنا.. ده الجبانة كلها شبر ونص.

قال (كمال):

- طيب لو ممكن تدلني أخرج منين؟

قال الكهل وهو يتحرك:

- تعال ورايا.

سار (كمال) خلفه دون كلمةٍ أخرى زائدة.. طريقة سير هذا الرجل وحركته لم تكن مريحة، تذكر (كمال) حكايات جن المقابر وعمارات المكان، قال الرجل الكهل:

- الإنسان بيولد وهو شبرين بس، ولما بيموت بيكون 7 شبر.. يعني كل القتل والظلم اللي في الدنيا دي عشان 5 شبر زيادة، هيدفن فيهم.

لم يسمع ردًا من (كمال) فاستدار نحوه فلم يجده.

في تلك اللحظة كان (كمال) يهروء مبتعداً..

تلونت عينا العجوز وأسودت بطريقية بشعة ثم انحنى ظهره وتقوس، وجرى على يديه وقدميه مثل الحيوانات.. لم يجد (كمال) حلاً أمامه غير الاختباء داخل أحد القبور المفتوحة، استعاد بالله من الخبث والخبائث ثم دخل القبر، مكث في الظلام غير بعيد عن المدخل وهو يحتضن (محمد) بقوه، كان يستطيع أن يرى شواهد القبور من مكانه، قطع مستوى الرؤية أمامه ظهور (الدويس).. كانت هي الرجل العجوز الذي ظهر له، ظلت تتجول بين المقابر حتى توقفت أمام القبر الذي يختبئ فيه، مرت الشوانى القليلة التالية كالدهر، ارتجافه قوية تملكت رأس (كمال) حتى أخمحص قدميه، لكنه تمالك نفسه وراح يدعوا الله ألا تراه..

أخيراً انصرفت..

وساد بعدها سكون عميق.

\*\*\*

## (١٧)

اندلعت مشاجرة حامية الوطيس بين (فاتن) وأمها (نوال).. عندما أقدمت الأخيرة علىأخذ ألف جنيهًا من نقود (فاتن) دون إذنها.. كان انقطاع (الحاج محروس) عن زيارتهما سببًا رئيسياً في حدوث ما يشبه أزمة مالية لديهما.. بصفة (โนال) كتلة دم من فمهما بعدها صفعتها (فاتن) بقسوة، لم تجد ما تنطق به أو تفعله بعد ذلك سوى أنها خرجت من الشقة في صمت، أغلقت (فاتن) الباب خلفها وهي تصرخ:

- أنا بكرهك.

ثم اتكأت بظهرها على الجدار، ودفنت وجهها بين كفيها في ألم..

لدقائق ظلت على هذا المنوال، المشهد كان أشبه بلقطة ثابتة من فيلم تراجيدي قديم ينتهي بانتحار البطلة والبطل والمؤلف والمخرج والمشاهدين جميًعاً، اليوم وللمرة الأولى في حياتها تستشعر إلى أي درجة وصلت من انحطاط، وأخيرًا تحرك المشهد.. انفجرت (فاتن) بالبكاء وظللت تصفع نفسها وتمزق شعرها فتحولت لشيء يشبه الزومبي في أفلام هوليوود منخفضة الميزانية..

بعد أن أفرغت كثيرًا من شحنة مشاعرها السلبية، اتجهت ناحية الحمام بخطوات متثاقلة مهوممة مع مئات من المشاحنات والأحاديث الصاخبة التي تدور في مخيلتها.

**باب الحمام المكتسي بطبقة دهان زرقاء، كان نصف مفتوح،**

أمالت (فاتن) جسدها إلى الجنوب قليلاً وتسليت خلاله دون أن تفتحه بالكامل في حركة غير مفهومة، وأغلقته خلفها في حركة أخرى غير مفهومة أيضاً.. من الداخل كانت رائحة فواحة عطر الياسمين قوية ونافذة، الأرضية بلون السماء الصافية، على الأرض توجد سجادة صغيرة كانت تقوم بغسلها منذ أسبوع لكنها تكاسلت وتركتها، بجوار السجادة كانت توجد سلة بها ملابسها الداخلية، جمعت الملابس ثم ألقتها في الغسالة النصف أوتوماتيك ذات فتحتي الغسيل والعصر، وضغطت زر التشغيل، صوت دوران موتور الغسالة كان أشبه بهممة مكتومة، في الواقع هو لم يكن يدور، لقد كان يحترق وخرجت منه رائحة تدل على ذلك، عرفتها (فاتن) على الفور، فأسرعت تفصل الكهرباء لكن الوقت كان قد فات، أطلقت سبة بذيئة مكونة من ثلاثة حروف بمعنى أحتاج، وركلت الغسالة في غضب.. انقلبت الغسالة على الأرض بدويٌّ مزعج وامتلاً الحمام بالمياه الممزوجة بسائل الغسيل ذي القوة الثلاثية الجباره الفتاكه، قررت (فاتن) أن تنسى كل شيء وتستريح، وضعت سداده جلدية في فتحة صرف حوض الاستحمام، ووقفت تراقبه وهو يمتليء بالماء، جلست على حافة حوض الاستحمام ثم أضافت سائل غسل الجسم المفضل لديها برائحة الفانيلا، كان أمامها وقت حتى يمتليء، تناولت علبة سجائرها، علبة لم يفض غشاء بكارتها بعد، سحبت سيجارة من العلبة بعد أن أزاحت الورقة (السلوفان) عنها، وضعت العلبة بجوارها على حافة حوض الاستحمام الذي أوشك على الامتناع، أشعلت السيجارة وسحبت منها نفساً عميقاً وأخرجته، راقبت الدخان وهو يتجسد أمامها على هيئة وجه (الحاج محروس) وهو يغمز لها بعينه، نفخت في الدخان، فتشتت في الهواء

وتلاشى الوجه والغمزة.. انتبهت فجأة لامتناء حوض الاستحمام وللمياه التي فاضت منه وعبرت من فوق الحواف الرخامية، أغلقت الصنبور ثم راحت تنزع عنها ملابسها قطعةً قطعةً، المرأة العريضة التي في ظهرها كانت تعكس النمش الذي يملأ ظهرها، وشعرها الذي أسدلته تماماً، فلامس طرف مؤخرتها من أعلى، بهدوءٍ غاصت بكمال جسدها تحت الماء وأغمضت كلتا عينيها، شعرها يسبح فوق الماء، لم تعد تشعر بشيءٍ وذهبت إلى عالم آخر خيالي وهدوءٍ نسبيٍ مؤقت.. لم يكن يقطع الهدوء والسكون سوى صوت قطرات الماء التي ما زالت تتسرب من الصنبور، كانت تشبه دقات رتبة مشوقة لفيلم رعب، بعد نصف دقيقة وصل إلى أذني (فاتن) صوت حركة مفصلات باب الحمام وهو يتحرك، شعرت بتيارٍ كهربائيٍ يسري في جسدها، أخرجت رأسها بسرعةٍ من تحت الماء وهي تشهق وتملاً رئتها بكل الأكسجين الموجود، صوبت عينيها إلى باب الحمام المفتوح على مصراعيه، دارت بهما سريعاً في الأرجاء، لا وجود لشيءٍ إلا صورتها التي في المرأة..

لكن من فتح الباب؟

حاولت أن تقنع نفسها أنه تيار الهواء القوي الذي يأتي من نافذة المطبخ الذي تركته مفتوحاً، نهضت عارية، ثم خرجم من الماء وأغلقت باب الحمام، هذه المرة تأكيدت أنه مغلق بإحكام، ووضعت المفتاح في القفل، عادت إلى حوض الاستحمام وهي تمني نفسها بوقت استرخاءٍ طويل..

للأسف هي لم تكن قوية الملاحظة كي تلمح آثار الأقدام

الموجودة على الأرض، والتي تدل على وجود شيء ما..

لكن أين هو الآن؟

ربما كان يختبئ خلف ذلك الستار الأخضر الذي يهتز.

\*\*\*

اهتزت لوحة إعلانية بجوار (نوال) وهي تقف على زاوية مفترق طرق.

الشوارع شبه فارغة في هذا التوقيت الليلي، قط أسود كبير الحجم يتدرج على الإسفلت، عبر من تحت قدمي (نوال) لكنها لم تشعر به، كانت تفكّر في تلك النقطة التي وصلت إليها، بمرور الوقت ودون أن تشعر، أصبحت تحدث نفسها بصوت مرتفع، جذب فضول امرأةٍ تعبّر الطريق، اقتربت منها المرأة وقالت لها بعطف:

- سلامتك يا حبيبتي.

انتبهت لها (نوال) فقالت بحرج:

- الله يسلامك.

سألتها المرأة:

- حد مزعلك؟

أجابت باقتضابٍ حتى تنهي هذا الحوار:

- لا.

قالت المرأة كأنها لم تسمعها:

- تلاقيه جوزك.. هما الرجال لما يكبروا بيتهبوا.

غمغمت (نوال):

- آه هو جوزي.

ابتسمت المرأة إعجاباً بنفسها، وقالت:

- على العموم روقي.. مفيش راجل يستأهل إنك تزعلني عشانه.

وتردلت للحظة قبل أن تسأليها:

- محتاجة فلوس.. أجييك؟

- انتي تعرفييني؟

أجابت المرأة وهي تضع يدها في حافظة نقودها:

- لا.. بس شكلك منكسرة قوي.. أجييب لك فلوس؟

- ماشي هاتي.

لم ترد المرأة، قالت (نوال):

- مالك؟

أغلقت المرأة حافظة نقودها:

- لا.. أصلك فاجئتيني.. المفروض أقولك محتاجة فلوس، تقولي لي لا شكرأ.

ثم انصرفت وهي تلعن النقود، وزوجها الذي يجلس في المنزل بلا عمل، وحماتها التي تعايرها لأنها أنجبت ثلاثة بنات، وجاراتها التي تسببت في نفوق الأرانب التي تقوم بتربيتهم حين نظرت لهم ولم تصلي على النبي.

سارت (نوال) في الطريق الذي يقود إلى موقف سيارات الأجراة المسافرة، ثم ركبت واحدة وانطلقت في رحلة دون رجعة، كان ما حدث بينها وبين (فاتن) أكبر من احتمالها، تعلم أنها أخطأت حين توددت إلى (الحاج محروس) وأنها السبب فيما آلت إليه الأمور من تصرفاتٍ شاذة يرفضها الإنسان الطبيعي.. تذكرت آخر مرة زارهما فيها حين ألقى لها بعض النقود أكثر من المعتاد، بعد أن انتهيا من إسعاده.. اعتقادوا أنه سيعود مرة أخرى كعادته، ولهذا أنفقا الأموال بلا حساب..

مرت أيام وأسابيع دون خبرٍ عنه.. هاتفه مغلق، لم يعد يذهب إلى المصنع أو يسهر في النادي كعادته، فشلت كل محاولاتهما في الوصول إليه، كانتا بالنسبة له مجرد دمى جنسية، انتهى من اللعب بها، الألف جنيه سبب المشكلة أرادت هما لإجراء فحوص طبية على صدرها، كان هناك احتمال كبير في أن تكون مصابة بمرضٍ عضال خطير، أخفت هذا عن (فاتن).. على كل حال، من الأفضل أن يجعلها تكرهها بدلاً من أن يجعلها تحبها، هكذا لن تسبب لها المزيد من الأحزان.

\*\*\*

غاصت (فاتن) من جديد تحت الماء..

بعد قليل انعكس فوق جسدها ظلُّ أسود ضخم، كأن هناك من يقف أمام الحوض ويحدق بها.

- فاتن.

شعرت (فاتن) بالانزعاج والخوف، فقفزت من مكانها وهي تشهق حين سمعت اسمها.

لم يكن هناك أحد..

مجرد فراغ..

لكن الغريب أن ملابسها التي كانت قد علقتها على المشجب بجوار الباب لم تعد موجودة، كانت ملقاة على الأرض وممزقة إلى أشلاءٍ كثيرة، قبل أن تبدأ في محاولة فهم هذا الشيء المريض، سمعت أنفاسًا حارة تأتي من وراء الستار الأخضر، الذي انزاح جانبًا بضع سنتيمترات..

ثم انزاح الستار أكثر..

ضيقـت (فاتن) حدقتي عينيها وهي تحاول تمييز هذا الشيء الذي ظهر من وراء الستار.. كتلة من السواد المخفي تحت رداءٍ من (الخيش) الثقيل.. الدويس.

ابتلاعـت (فاتن) ريقها بصعوبةٍ وحاولـت التقاط أنفاسـها، كانت (الدويس) جاثمة على الأرض، وكأنـها تتحـين الفرصة للانقضاض عليها.

قالـت (فاتن) بصوتٍ خـرج رغـماً عنـها مـرتـعاً مـهـزوـزاً:

- مين؟

لم تهتز (الدويس) ولم تتحرك قيد أنملة.. زادها هذا الوضع رعباً..

نظرت (فاتن) إلى الباب الذي أغلقته بإحكام، الآن أدركت أنها سجنت نفسها، حسبت المسافة والمدة التي تستغرقها لفتح الباب، سوف تدركها (الدويس) بالتأكيد، لكن ربما ببعض الحظ والسرعة قد تفلت..

(الدويس) يبدو أنها أدركت بما تفكّر فيه، تحركت أخيراً، انتصبت واقفة، لأول مرةٍ تبدو بمثيل هذا الوضوح، كانت رأسها ضخمة، وشعرها كثيفاً تم جمعه في صفيرٍ تنتهي بحلقةٍ معدنية من النحاس الأصفر، رقبتها طويلة ورفيعة، تمتلئ بالعروق السوداء والزرقاء التي تشبه خيوط العنكبوت.

حاولت (فاتن) أن تصرخ لكن الصراخ تجمد في درجة حرارة، سالب خمسين داخل حلقتها، قفزت من حوض الاستحمام وهرولت نحو الباب، لسوء حظها، مياه الغسيل التي تغرق الأرض كانت لزجة، فاختل توازنها ووجدت نفسها تطير في الهواء، قبل أن تهوي بظهورها على البلاط، ولو لا أن رأسها ارتطمت بالسجادة وكانت قد تهشمـت.. رغم ذلك شعرت أن رأسها قد تحول إلى حبة جوز هند يتم سحقها بمطرقة عملاقة، حاولت أن تنهض لكن الألم الذي ضرب كاحلها كان لا يحتمل، الأقرب أن الكاحل تهشم أو تمزقت أربطته.. زحفت (فاتن) على الأرض باستخدام مرافقها، وهي تبكي من الألم والخوف، أسنانها تصطك ببعضها البعض وشفتها ترتعشان..

- الحقوني..

صوتها لا يتجاوز حلقها بالكاد..

نظرت من فوق كتفها إلى الوراء.. (الدويس) لا تزال قابعة في مكانتها..

أكملت (فاتن) زحفها..

المسافة لم تكن تتجاوز الثلاثة أمتار لكنها شعرت أنها ثلاثة أميال..

وأخيراً وصلت..

لكن مفتاح الباب كان أعلى من اللازم..

حاولت أن تصل إليه..

رفعت نفسها بصعوبة..

كانت تستند على يد وتمد اليد الأخرى..

المفتاح يبدو أصغر من المعتاد..

أصابعها تلمسه لثانية واحدة ثم يفلت منها..

تعاود الكرة..

هذه المرة قبضت عليه..

قبضت باستماتة..

شهقت من الفرح..

و قبل أن تدبره خرج معها فسقطت على وجهها ..

كان جسدها يرتعش ويرفض الاستجابة لأوامرها، فقد استنفذت قواه تماماً، يريد أن يخبرها لا فائدة من المقاومة، الأفضل أن تغيب عن الوعي لدقائق حتى ينتهي الأمر، ثم تستيقظ لتجد نفسها في القبر.

ترتحي وتستعد كي تترك الأمر يمضي ..

انتفاضة مفاجئة منها، ثم نهضت وفتحت الباب بسرعةٍ وجرت مثل حewan سباق أفلت زمامه ..

تحركت (الدويس) ..

انطلقت (فاتن) إلى غرفتها مباشرة بينما صرخ (الدويس) الذي يطاردها في جوعٍ ويضرب ظهرها كسكاكين حادة ..

أغلقت خلفها باب الغرفة وهي تلهث من الخوف والتعب بينما صدرها يعلو ويهبط كرة بنج بونج ..

بسريعة تذكرت هاتفها ..

بلهفةٍ شديدة تناولته من حقيبتها لكن التوتر وارتعاشة يدها، جعله يفلت من بين أصابعها ويسقط على الأرض ويتفك إلى أجزاء، انحنت تجمع الأجزاء من هنا وهناك، تبقيت البطارية التي تدحرجت أسفل السرير، كانت (فاتن) تراها أمامها، انحنت ومدت يدها إلى الفراغ الموجود بالأعلى، شعرت أن البطارية تبتعد كلما

اقربت منها..

وأخيراً أمسكتها..

بسرعة بدأت تجمع الأجزاء..

بلا سابق إنذار تبدل المشهد والمكان من حولها..

استحالت الجدران إلى مربعات سوداء تمتلئ بالعطاء والشوق،  
تجسدت (الدويس) وقبضت على شعر (فاتن) ثم طرحتها أرضاً  
بقوة هائلة، حاولت (فاتن) مقاومة الغيبة التي راحت تزحف  
إلى عقلها كطفل صغير يتعجل الحبو.. جثمت (الدويس) فوقها  
ثم بقرت بطنها بضربة يد واحدة، الأمعاء تخرج في يدها،  
جحظت عينا (فاتن) وهي تشاهد ذلك، مدت يدها وكأنها تريد أن  
تأخذ أمعاءها.

ضربة ثانية من (الدويس) وانشطرت رأس (فاتن) إلى نصفين..

توقف الصراخ..

واستمر التمزيق.

\*\*\*

## (١٨)

ليلة الفالنتين..

انتهت (وردة) من تزيين غرفة نومها ورش معطر هواءً نافذ الرائحة في الأرجاء، قامت بنشر الورود الحمراء فوق السرير وراحت تنسقها بصبرٍ شديد حتى صنعت منها قلباً أحمر اللون كبيراً جداً، فرشت ما تبقى من زهورٍ على الأرض في ممر يصل من الباب إلى حافة السرير، ارتدت فستان نومٍ أبيض اللون قصيراً وتزيينت كعروسة في ليلة زفافها.. ظلت تراجع ما فعلت وتقأكِد أنها لم تنس شيئاً، لقد هيأت الأجواء تماماً لـ (معتز).. ليس عليه سوى أن يحملها بين ذراعيه ثم يلقيها فوق الفراش ويفترسها كما ينبغي وكما تتمنى، تذكرت أنه يحب تناول الفاكهة بعد الانتهاء منها، أسرعت إلى المطبخ وبدأت في تجهيز طبقٍ لذيذ، حرصت على تناسق ألوانه، حين انتهت نظرت في ساعة الحائط الرقمية، الحادية عشرة، لقد تأخر..

ارتمت على أقرب مقعد، وقامت بالاتصال:

- معتز.. أنت فين؟

جاءها صوته خافتاً:

- في المصنع.

- وبتعمل إيه في المصنع؟

- معلش يا حبيبي.. أنا في اجتماع دلوقتي مع مندوب شركة

القدس وبنتفق على حاجات مهمة جدًا في الشغل.

هتخت:

- أهم مني! انت بتهزز.. صح؟

قال بصوتٍ أكثر خفوتاً حتى لا يسمعه أحد ممن حوله:

- أعمل إيه طيب.. أخوكي محروس بقاله أسبوع مبيخرجش من البيت وكل حاجة فوق دماغي.

- كل ده أنا ماليش فيه.. أنا زهقت منك ومن حججك وأعذارك الفارغة اللي عمرها ما هتخلاص.

ارتفع صوته رغمًا عنه:

- بلاش الطريقة دي في الكلام معايا.

قالت بعناد:

- أمال عاوزني أكلمك ازاى.

- بصي ساعتين بالكتير وهبقى عندك.

صرخت:

- ومقلتش الكلام ده النهارده الصبح ليه.. أنا مش قلت لك عاوزين نحتفل بالفالنتين سوا.

قال بنقاد صبر:

- نسيت.. نسيت.. محصلش حاجة يعني لكل ده.

صرخت مرة أخرى:

- لا حصل كتير.

وقادمت بقذف الهاتف فارتطم بالحائط وتحطم..

اندفعت غاضبة وأخذت تدمر كل ما صنعته..

كانت عنيفة جدًا..

حين انتهت من ثورتها، ارتمت على الأرض تبكي وقد تحول وجهها إلى شيء يشبه المهرج بسبب اختلاط ألوان مساحيق التجميل بدموعها..

نهضت من على الأرض، ثم ذهبت إلى الحمام وأمسكت قطنة بللتها بالماء، وبدأت تمسح وجهها.

- ابن هرمة.

سبت (معترًا) وخرجت من الحمام، وهي لا تزال تمسح وجهها وتشعر بحرقة في إحدى عينيها..

فكرت أن تتصل بأخيها (الحاج محروس) كي تشتركي له.. هو الوحيد الذي سيأخذ لها حقها من (معتز).. هي تعلم ذلك.

توجهت إلى البهو، ثم تناولت هاتفاً محمولاً غير الذي حطمه من فوق تلفاز 21 بوصة يقع فوق منضدة زجاجية، وبجواره جهاز فيديو قديم لم يعد له استخدام في عصر التكنولوجيا الرقمية.. التلفاز كان يعرض على شاشته فيلماً أجنبياً كلاسيكيًا يدور حول

هجوم سماكة قریش مفترسة، كانت موسيقى هذا الفيلم مميزة جدًا، من النوع الذي ينذر بالموت وقدوم الخطر.. بحثت في دفتر عناوين الهاتف عن اسم أخيها بينما موسيقى الفيلم تطن وراءها.. فجأة شعرت أن هناك من يقف أمامها ويلقي بظلاله على الأرض..

رفعت مستوى نظرها..

اصطدمت بأبشع وجهٍ يمكن أن تراه في حياتها..

الدويس..

كانت تبتسم لها ابتسامة شيطانية..

جحظت عيناً (وردة) في رعبٍ، وحاولت أن تصرخ، لكن الصراخ تجمد داخل حلقتها مثل جليد القطب الشمالي..

في لحظةٍ اختفت (الدويس) من أمامها وفي اللحظة الأخرى أصبحت بجوارها، صوت موسيقى الفيلم يرتفع للذروة..

جرت (وردة)..

أمامها النافذة مغلقة وظلام الليل يظهر وراء الزجاج..

لا وقت لفتح النافذة..

مضطرة أن تقفز..

ثم وبكل قوتها قفزت..

ارتطمت بالزجاج فتهشم..

تأثير الشظايا حولها وهي تسقط من النافذة على العشب  
الأخضر الذي يحيط بالمنزل..

بجوارها انغرست بعض أجزاء الزجاج في الأرض.. أجزاء مدببة  
حادة كالسلاسل، كان من الممكن أن تموت بسببها لو لا حسن  
الحظ..

شعرت بألم فظيع في ساقيها لكنها تغلبت عليه وأكملت نضالها..  
وصلت إلى منتصف الشارع.. فوق رأسها كانت أنوار الأعمدة  
الكهربائية ترتعش.. حين ابتعدت بمسافة كافية وظننت أنها قد  
نجت، قررت أن تتصل بـ (معتز).. كان هاتفه مغلقاً أو غير متاح،  
كررت الاتصال أكثر من مرة، استندت بظهرها على أحد الأعمدة  
وهي تلهمت من الألم والتعب.. من مكانها كانت تستطيع أن ترى  
مبني الوحدة الصحية..

ألصقت الهاتف بفمها، وقالت:

- معتز.. الدويس...

ودون أن تشعر، ومن فوق كتفها، امتدت يد شيطانية.

\*\*\*

امتدت يد (معتز) لتصافح مندوب شركة القدس، وهو يودعه  
على باب المكتب..

انتظر حتى غاب في الممر وطلب من سكرتيرته أن تحضر له  
كوب شاي قبل أن تعود إلى منزلها.. بعد قليل أصبح بمفرده،

جلس على مكتبه وأمامه تتصاعد الأبخرة من كوب الشاي الذي أعدته السكريتيرة.. رشف رشقة طويلة، ثم انهمك في مراجعة وفحص بعض أوراق العمل داخل (دوسيه) مكتظ عن آخره.. زفر بارتياحٍ بعد أن انتهى وقد شعر بإرهاق في عينيه، نهض من على مكتبه وتمشى حتى النافذة، ففتح النافذة فارتقطمت بوجهه لفحة هواءً باردة أنعشته، أخرج علبة سجائره المصرية الصنع، ثم تناول منها واحدة، أشعل السيجارة باستخدام قداحة ذهبية منقوش عليها الحرف الأول من اسمه واسم زوجته (وردة) بالإنجليزية W & M..

بلا تركيز طوح علبة السجائر تجاه المكتب، لكن رميته لم تكن موفقة فاصطدمت العلبة بحافة المكتب وسقطت فوق السجادة دون أن ينتبه لها.. أخذ نفساً عميقاً من السيجارة وأطلقه مثل السهم في الهواء، تذكر أنه أغلق هاتفه ليمنع (وردة) من الاتصال به مجدداً.. في الواقع لم يعد لديه مقدرة على تحمل المزيد من تفاهتها أو حواراتها السخيفية، صارت تمتلك كماً هائلاً من الشقاء يجعله يرغب في الانتحار.. أخرج الهاتف من جيب بنطاله وأعاد تشغيله ووضعه على حافة النافذة من الداخل متمنياً أن تكون نامت ولا تتصل به.

من خلفه انضغط جزءٌ من السجادة، ثم تشكل هذا الجزء على هيئة قدمين خفيتين.. تقدمت القدمان الخفيتان نحوه ببطءٍ، وفي طريقها سحقت علبة السجائر وسوتها بالأرض فأصدرت صوتاً مكتوحاً، انتبه لهذا الصوت لكنه لم يعبأ، بعد قليلٍ شعر بهواه بارد يضرب فقرات عنقه من الخلف..

النفت بسرعة..

مجرد فراغ..

الأشياء جامدة وصمت مطبق..

تصلبت عيناه على علبة السجائر المنسخة..

زوى ما بين حاجبيه ثم حملها وتفحصها باهتمام شديد..

تعجب واندهش..

بحركة لا إرادية زحف بيصره في أرجاء الغرفة..

تولد لديه شعور خفي أن هناك أحداً موجوداً معه الآن.. سمع صوت نزول المطر في الخارج فأغلق النافذة ليمنع قطرات المطر الشاردة من الدخول، فجأة رن هاتفه فكاد أن يقفز من مكانه، تناول الهاتف ونظر فيه، الاسم يومض والرنين لا يتوقف، رسالة صوتية مسجلة، فتح الرسالة، صوت مشوش جداً.. وسط التشويش استطاع أن يميز أشياء تتكسر وحروفاً متقطعة أقرب لأن تكون أجزاءً من كلماتٍ بصوت (وردة).. أعاد الرسالة مرة ثانية..

من وراء ظهره بدأت تتكون وتشكل في الهواء ملامح ضبابية على هيئة (الدويس).. كان يحنى رأسه تجاه الأرض وهو يلتصق الهاتف بأذنه حتى يسمع جيداً.. سمع (وردة) تقول:

- معتز.. الدويس...

تكسرت أعصابه حين سمع الاسم.

على زجاج النافذة التي يقف أمامها، ظهر انعكاس (الدويس) وهي تقترب منه..

ربما لو رفع رأسه قليلاً، فقد يلمحها.

\*\*\*

ما زال الظلام يسدل أستاره على الأفق البعيد..

هرع الكثير من المارة تجاه منازلهم للاحتتماء من المطر الذي انهمر مثل يوم طوفان نوح..

أضواء البوابة الخارجية للوحدة الصحية كانت ترتعش وتتصدر أزيًّا كهربائيًّا متقطع.. لفت هذا انتباه (كرتونة) الذي كان يجلس مع الدكتور (ياسر) يلعبان (الكتوتينية) وحولهما صحفة فوقها إماء عمل الشاي وأكواب ممتلئة، وقطع بسكويت سادة..

لاحظ الدكتور (ياسر) أن (كرتونة) لم يعد يركز في اللعب:

- خير.. فيه حاجة؟

- النور بيرعش بطريقه غريبه.

قال الدكتور (پاسر) بمصر:

- عشان الفالنتين.

وأشار (كرتونة) إلى عمود الكهرباء الذي ينير نهاية الشارع، ويبدو ضوءه ثابتاً، ثم قال:

- عندنا احنا بس !

- ممكن بسبب الجو.. على العموم لو النور قطع، مولد الكهرباء موجود.

ابتسم (كرتونة) ابتسامة شاحبة:

- المولد بايظ من قبل ما حضرتك تيجي.

- معايا كشاف.. اطمئن.

ثم صمت للحظة قبل أن يستطرد:

- بيتهيألي مفيش حالات هتيجي النهارده.

- بالعكس يا دكتور.. ده المصايب مش بتحصل غير في الليالي دي.

تنهد الدكتور (ياسر):

- إن شاء الله خير.

ألقى (كرتونة) إحدى أوراقه وجمع بها كل ورق التربيزة، وهو يقول:

- ولد.

صاحب الدكتور (ياسر):

- ده سادس ولد في اللعبة يا عم انت.

وقلب الورق:

- شكلك بتغش.

ظهر أن ورقة (كرتونة) لم تكن ولدًا لكن (شايب).. عاد يقول:

- انت بتأكل بالشايب؟

**أجاب (كرتونة) بحكمة:**

- هو كان ولد بس اللي شافه خلاه يشيب.

ابتسم الدكتور (ياسر) وسأله:

- انت واقف في التعليم لغاية فين يا كرتونة؟

- لغاية تانية إعدادي.

- طيب ومكمليش ليه؟

- الظروف بقى يا دكتور.. بس أنا فعلاً كان نفسي آخد دبلوم.

- طيب ما تخلي طموحك أعلى وشد حيلك وكمل كلية.

**قال (كرتونة) بتهكم:**

- أنا أروح كلية.

**هتف الدكتور (ياسر):**

- مشكلتنا إن احنا بنفقد الثقة في نفسنا بسرعة ومعندناش  
الطموح.

**قال (كرتونة) بغياء مصطنع:**

- مش فاهم.

اعتلد الدكتور (ياسر) في جلسته:

- بص.. هحكي لك حكاية.. كان فيه طفل معروف في الفصل بتاعه إنه أخيب واحد. مكانش بيجاوب على حاجة ولا بيكتب الواجب.. هو كان ذكي جدًا لكن مشكلته الثقة.. والدته دائمًا تقوله يا فاشل.. أبوه يقوله يا فاشل.. وبمرور الوقت هو اتعود على الفشل.. والنجاح بالنسبة له بقى شيء مش مهم.. لكن في يوم مدرسة جديدة خدت بالها منه، بدأت تشجعه ومتضربوش.. ومع كل حاجة صح بيعملها كانت بتكافئه.. الطفل ده بقى شاطر ودخل كلية طب واتخرج دكتور، وفي حفل التخرج بتاعه كانت المدرسة موجوده عشان تحتفل معاه بنجاحه.

- متكملاش.. أنت أكيد الطفل ده.

ابتسم الدكتور (ياسر):

- لا بصرامة.. أصلًا دي قصة مش حقيقة وأنا مألفها دلوقتي عشان أشجعك.

ضحك (كرتونة) حتى كاد وجهه أن يتشقق، قال الدكتور (ياسر):

- إيهرأيك من بكرة نقدم لك دراسة منازل وأنا ممكن اساعدك واشرح لك.

- مش عاوز اتعبك.

قال:

- لا تعب ولا حاجة.. ادينا بنتسلی في حاجة مفيدة.

فجأة سمعا صوتاً يأتي من الخارج..

و قبل أن يتحركا من مقعديهما، اقتحمت الوحدة الصحية امرأة ممزقة الملابس، وجهها ملطخ بالطين والدماء..

حاول الدكتور (ياسر) اللحاق بها قبل أن تسقط لكنها أطلقت صرخة هائلة جعلت قلبيهما يرتجفان، ثم انهارت على الأرض كجوالٍ فارغ..

قال (كرتونة) محدثاً الدكتور (ياسر):

- مش قلت لك إن المصايب مبتjisش غير في الأيام دي.

صوب الدكتور (ياسر) كشافاً صغيراً في حدقتي عيني المرأة، وتحسس نبضها قائلاً:

- النبض مش منتظم.

ثم مسح وجهها، وهو يسأل (كرتونة):

- تعرفها؟

صاحب (كرتونة) بدهشة:

- دي وردة.. زوجة المهندس معتز.

\*\*\*

الدكتور (ياسر) وضع (وردة) على منضدة الفحص.. كانت رائحتها

كريهة جدًا لأنها سقطت داخل أنبوب مجاري.. الغريب أن تلك الرائحة كانت تخرج من فمها وليس من ملابسها..

قال الدكتور (ياسر) بعدما قام بتركيب جلوكوز في ذراعها، وأعطاه حقتين:

- عندها هبوط حاد.

بدأت تعود إلى وعيها ببطءٍ وتصدر حشرجة مخيفة، قال (كرتونة) بتوتر:

- بدأت تفوق يا دكتور.

قال الدكتور (ياسر):

- دي عالمة كويسة.. عازين نتصل بأهلها و...

قطع عبارته حين قبضت على ذراعه، وصرخت:

- طلع اللي في بطني حالاً.

نظر إلى بطنها.. كانت عادية..

بعد لحظة بدأت بطنها تتنفس.. وتنتفخ.. ثم زاد الانتفاخ أكثر، أصبحت بطنها تشبه بطن امرأة حامل في الشهر التاسع..

تراجع (كرتونة) إلى الوراء بذعر:

- يا ساتر.

(وردة) صرخت من جديد صرخة هادرة:

- طلع اللي في بطني.

نظر الدكتور (ياسر) في هلعٍ إلى بطنها التي أوشكت على الانفجار، وأصبح يسمع صوت انشقاق جلدها.. تناول مقصًا ثم شق ملابسها لتبدو بطنها أمامه.. كانت بشعة، تلتتصق فوقها أشياء تبدو كطحالب المستنقعات، لمح الدكتور (ياسر) انبعاج تحت جلد البطن، كأن هناك يدًا كبيرة ت يريد الخروج.. مستحيل أن تكون هذه حركة طفل، استعاذه بالله من الشيطان الرجيم ثم قال:

- لازم افتح حالاً.

حاول (كرتونة) أن يمنعه:

- بلاش يا دكتور.. أنت مش عارف إيه اللي جواها.. أنت ممكن تجيب لك مصيبة.

- اللي يحصل يحصل.. هي كدا هتموت، لكن لو فتحت احتمال تعيش.

صاحب (كرتونة):

- طيب استنى اتصل بالحاج محروس.

هتف الدكتور (ياسر):

- مفيش وقت.

- يا دكتور افهم.. دي حاجة شيطاني، احنا مش قدتها.

صرخت (وردة) من جديد ثم انتزعت المحاليل المعلقة في

ذراعها.. حاول الدكتور (ياسر) أن يمنعها لكنها دفعته بعيداً عنها بقوٍة مفرطة، فسقط على الأرض، ضمت قبضة يدها وراحت تضرب بطنهما بلا هوادة، سائل أخضر لزج كالزيت بدأ يخرج من بين شفتيها، خيط من الدماء تسلل من بين ساقيهما ثم تدفق على الأرض.. الشيء الوحيد الذي جاء في عقل الدكتور (ياسر) أنها مصابة بصدمة عصبية، كان الحل الوحيد أمامه أن يصفعها على وجهها، نهض بسرعة ولم يكدر يرفع يده حتى لطمته في صدره، فطار في الهواء وهو يشعر أن حافلة مسرعة قد صدمته، ارتطم بـ (كرتونة) وسقط كلاهما، نزلت (وردة) من على منضدة الفحص، حركت رأسها يميناً ويساراً، صوت فقرات عنقها وهي تتحرك من مكانها كان مرعباً، سارت تجاه (كرتونة) والدكتور (ياسر) الذي اتسعت عيناه.. وجهها تحول إلى اللون الأزرق،عروقها برزت، عنقها ملفوف على نحو مستحيل أن يحدث، سقطت من بين ساقيهما كتلة مشوهة من اللحم والعظم والدم.. اقتربت من الدكتور (ياسر).. مدت يدها التي راح يتتساقط منها الجلد ناحيته، وهي تقول بصوتٍ حادٍ:

- خرج.. صح؟

لمست أظافرها جبهة الدكتور (ياسر) فارتعش، قال:

- آه.. خرج خلاص.

ارتسمت ابتسامة ارتياح على وجهها ثم انطفأت الحياة فجأة في عينيها وسقطت ميتة.

\*\*\*

(١٩)

استيقظت زوجة (محروس) على حركةٍ أسفلاً نافذة غرفتها، الوقت ما زال مبكراً جدًا ونور الشمس ما زال ضعيفاً في طور النمو.. بعد برهةٍ سمعت زوجها يتحدث مع شخصٍ ما في الأسفل، ويقول بلهجةٍ متوترة:

- يلا بسرعة.

لم تسمع باقي الحوار، فتحت جزءاً بسيطاً من النافذة ونظرت، كان هناك رجل بلحيةٍ طويلة سوداء، يقف مع زوجها عند الحظيرة وبجوارهما حمار صغير.. بسرعة ارتدت ملابس تستر جسدها ثم هبطت إليهما وهي تتوجس خيفة مما يفعلانه.. لم يكدر (محروس) يلمحها حتى ترك الرجل واستقبلها في منتصف الطريق قبل أن تصل، قال برجاء:

- اطلعني فوق دلو قتي.

قالت بحدةٍ ممتزجة بالقلق:

- انت بتعمل إيه بالضبط.

- مش مهم تعرفي.. خشي جوه.

وقفت في عناد:

- لا.

كاد أن يصفعها على صدغها لولا أن تمالك نفسه:

- احنا لسه على الصبح والولاد ممكن يصحوا على صوتنا.

- فهمني بس.. أنا مش مطمئنة من شكل الراجل ده.

قال:

- ده ساحر سفلي.

لم تفهم الكلمة في البداية.. نظرت إلى هذا الساحر نظرة من أسفل إلى أعلى، كان ضخماً وقبيحاً وجاهظ العينين، على خده الأيسر حبة سوداء كبيرة تشبه العنبة، سالت (محروس):

- ساحر سفلي.. يعني إيه؟

- ده راجل بيتعامل مع الجن الكافر والطلاسم والتجسسات.

- واحنا مالنا ومال شغل الجن والكفر ده.

قال:

- أنا ملقتش حل غير كدا.

- بلاش تجري مع الناس دول.. ويعدين الشيخ عرفة موجود ابن بلدنا.

- لا.. الشيخ عرفة لا، أنا بيبني وبيبنيه كلام كتير.

سألته من جديد:

- طيب والساحر السفلي ده انت محتاجه في إيه؟

- عنده طريقة عشان الدويس متقتلينيش.

صاحب:

- يا محروس كل دي شعوذة.

قال:

- سببني بس.. انتي بتحبي لي الخير ولا الشر؟

- الخير طبعاً لكن...

قاطعها:

- يبقى اطلعى فوق واقفلني عليكى الباب.

حاولت الاعتراض من جديد لكنه نظر إليها، لم ينظر لها كعادته نظرة غضب أو تهديد ووعيد، كانت نظراته تحمل الكثير من التوسل والرجاء..

لم تستطع أن تتحمل رؤيته هكذا، كتمت دموعها وهرولت إلى الداخل وأغلقت الباب خلفها..

عاد (الحاج محروس) إلى الساحر لاستكمال ما كانا يفعلانه، قام الساحر بتنفب بعض شعرات من ذيل الحمار، ثم وضعها داخل كيس صغير مصنوع من الجلد، وعلقه في رقبة (الحاج محروس) عن طريق سلسلة صغيرة.. ركب (الحاج محروس) على الحمار بالمقلوب حيث كان وجهه إلى ذيل الحمار.. وضع الساحر تاجاً من الريش فوق رأس (الحاج محروس) ثم أمسك لجام الحمار في يده، وبدأ في السير وهو يردد:

- الـوـحـا.. الـوـحـا..

كان الأمر غريباً حين شاهد الجيران (الـحـاجـ مـحـرـوـسـ) وهو على هذا الـوـضـعـ، ولوـلاـ العـبـوـسـ والـصـمـتـ لـاعـتـقـدـواـ أـنـهـمـ يـشـاهـدـونـ فـيـلـمـاـ هـزـلـيـاـ.

كان (الـحـاجـ مـحـرـوـسـ) لا يـفـتـأـ يـنـظـرـ إـلـيـهـ وـهـمـ يـتـغـامـزـونـ عـلـيـهـ ثـمـ يـعـودـ لـيـطـرـقـ بـرـأـسـهـ تـجـاهـ ذـيـلـ الـحـمـارـ فـيـ خـجـلـ.

تراـصـ أـهـالـيـ (ـتـلـ الـعـبـيـدـ) عـلـىـ الصـفـيـنـ غـيرـ مـصـدـقـيـنـ ماـ يـدـورـ.. صـحـيـحـ أـنـ هـذـهـ عـادـةـ شـعـبـيـةـ مـتـوارـثـةـ لـدـيـهـمـ لـكـنـ لـمـ يـكـنـ يـجـولـ بـخـاطـرـ أـحـدـ أـنـ يـفـعـلـهـاـ شـخـصـ مـثـلـ (ـالـحـاجـ مـحـرـوـسـ).

من بـعـيدـ كـانـتـ (ـعـاـيـدـةـ) تـقـفـ عـلـىـ بـابـ صـيـدـلـيـتـهـاـ تـرـاقـبـ مـاـ يـحـدـثـ، بـجـوـارـ بـعـضـ النـسـوـةـ الـمـتـشـحـاتـ بـالـسـوـادـ، وـهـيـ تـهـزـ رـأـسـهـاـ فـيـ أـسـفـ قـائـلـةـ:

- يـاـ رـبـ تـوبـ بـقـىـ عـلـيـنـاـ مـنـ الـجـهـلـ وـالـخـرـافـاتـ دـيـ.

تـنـهـدـتـ إـحـدـاهـنـ:

- الرـاجـلـ اـتـجـنـنـ يـاـ نـسـوـانـ.

مـصـمـصـتـ أـخـرىـ شـفـتـيـهاـ:

- رـبـنـاـ يـشـفـيهـ.

لـاحـتـ فـيـ الأـفـقـ الـبـعـيدـ أـمـامـ عـيـنـيـ (ـالـحـاجـ مـحـرـوـسـ) أـسـوارـ المـقـابـرـ.. قـالـ مـحـدـثـاـ السـاحـرـ:

- إحنا هندخلها.

قال الساحر في غموض:

- لا هي اللي هتبيجي لينا.

ولم يكدر يقولها حتى انتقل وأصبحا وسط المقابر في غمضة عين!

التفت (الحاج محروس) حول نفسه في ذهولٍ لدرجة أنه كاد أن يسقط من فوق الحمار، هتف بذعر:

- ازاي.. ازاي عملت كدا.

- قال عفريت من الجن أنا آتيتك به قبل أن تُقوم من مقامك.

صاحب (الحاج محروس) وهو يشعر أن شواهد القبور تريد أن تنقض عليه:

- أنت مقولتش ليَا كدا.

- مش كل حاجة لازم أقولها لك.. هما بيسمعونا دلوقتي.

- هما مين؟

لم يرد الساحر..

استمر يطوف بـ (الحاج محروس) لدرجة أن هذا الأخير شعر أن رأسه تدور، قال وقد أصبح يرى كل شيء اثنين:

- أنا حاسساني مش مضبوط.

قال الساحر بصرامة:

- أسيادنا لازم يرضوا.

قال (الحاج محروس) في خنوع:

- اللي هما عاوزينه أنا هنفذه.

توقف الساحر أمام حجرة بلا سقف مبنية من الطوب والإسمنت، في آخر المقابر تسمى (العضامة) وهي عبارة عن مكان يتم فيه جمع عظام الجثث.

الحاج (محروس) سأله:

- احنا جينا هنا ليه؟

أشار له الساحر بيده أن يصمت، وقال بغلظة:

- الصبر.

ثم سار نحو باب (العضامة) الخشبي وأمساك قفله فتحول في يده إلى رملٍ أصفر وتفتت.. دخل إلى (العضامة) غير عابئ بالرائحة الكريهة التي تمنع الطيور في السماء من التحليق فوقها، راح يبحث وسط العظام النخرة والجماجم المتناثرة، حتى خرج منها بعزمٍ طويلة، عاد إلى (الحاج محروس) وقال له:

- خد العضمة دي.

- أعمل بيها إيه؟

- بعدين هقولك.

- حاضر.

تناول منه (الحاج محروس) العظمة التي تشبه عظمة الكتف،  
وهو مغلوب على أمره.

فجأة اعترض طريقهما (معتز):

- انت بتعمل إيه يا محروس؟

رد (محروس):

- ملکش دعواة.

صاحب (معتز):

- البلد كلها بتتحكي عن ال�بل اللي انت عامله.

- وهو كلام البربر دول يفرق معايا في حاجة.

زفر (معتز) وقال:

- طيب تعال معايا اقعد في صوان العزاء بتاع اختك.. انت مجتتش من يوم جنازتها.

دمعت عينا (الحاج محروس) حين تذكر مشهد (وردة) وهي ملفوفة في الكفن، ثم قال:

- لا.. روح اقعد انت وسيبني في اللي انا فيه.

- مش هيمنفع اسيبك كدا.

قال الساحر متوعداً:

- أبعد يا هذا.. عشان مأذكش.

شعر (معتز) في كلامه بالإهانة، فصاح:

- تأذي مين يا نصاب.. انت متعرفش انت بتتكلم مين.

لوح الساحر بيده:

- بحق الذي له ألف وجه، وفي كل وجه ألف رأس، وفي كل رئيس ألف عين، و...

قطع كلامه حين ظهر الشيخ (عرفة) راكباً دراجة نارية يقودها (أبو بديعة)..

ضرب (معتز) كفّاً بكف، وهو يقول:

- النصاب الثاني ظهر.

تجاهله الشيخ (عرفة) وقال له (محروس):

- اللي بتعمله شرك.

قال (الحاج محروس):

- أنا مؤمن وموحد بالله.. أنا باخد بالأسباب.

قال الشيخ (عرفة) باستهجان:

- تاخد بالأسباب الحلال مش الحرام يا حبيبي.. يعني مينفعش عشان يبقى معايا فلوس أروح اسرق واقول باخد بالأسباب.

ثم التفت إلى الساحر وحرك عكاذه تجاهه كأنه يراه، وأردف في غضب:

- انت بقى حسابك معايا بعدين يا نجس.

احمرت عينا الساحر وانقلبت ملامحه وبسط كلتا يديه، ثم صرخ:

- لأجعلنك اليوم من الصاغرين.

رفع الشيخ (عرفة) عكاذه فجأة، وضربه به ضربة واحدة، فشج رأسه وأسقطه على الأرض فاقداً الوعي يسبح في دمائه، ثم قال للموجودين بنبرة حازمة:

- سيبوه مرمي هنا، وتعالوا معايا البيت، عندي كلام مهم لازم تسمعواه.

\*\*\*

حول مائدةٍ مستديرة بدون رأس أو جوانب، وداخل إحدى الغرف الخاصة في منزل الشيخ (عرفة).. تجمع (معتز، وال حاج محروس، والدكتور ياسر، وكمال).. تحت أقدامهم كانت توجد سجادة فارسية سميكة، ذات نقوش بارزة، لونها أحمر قان.. فوق رؤوسهم كانت تتدلى مبخرة من السقف يفوح منها رائحة غريبة تشبه رائحة الملابس القديمة.. الغرفة كان يسودها لون قرمزي مصدره يأتي من مصباحٍ على هيئة بلحة، معلق على الجدار المواجه للباب.. جاء (أبو بديعه) ووضع أمام كل واحدٍ قدحاً من مشروبٍ عطريٍّ ثم وقف أسفل المصباح..

ظل الصمت هو المهيمن لدقائق..

الجميع يتبادل النظرات الحائرة ما عدا الشيخ (عرفة) الذي راح يشرب من القدر الذي أمامه ببطء.. مال الدكتور (ياسر) على (كمال) وقال بصوتٍ خافت:

- هو إيه اللي هيحصل دلو قتي؟

أجاب (كمال):

- مش عارف.

هز الدكتور (ياسر) رأسه، وقال:

- زي الفل.

صاحب (الحاج محروس) بنفاذ صبر، وهو يطوح يده في الهواء:

- جبتنا هنا ليه يا شيخ عرفه؟

صرخ الشيخ (عرفة):

- اسكت.

ثم قبض على إصبع يد (الحاج محروس) وقطعه بسكينٍ أخرجه من طيات ملابسه.

- ١١١١١١١١١١١١٥.

قفز كل واحدٍ من مكانه وارتعب الجميع بينما صرخ (الحاج محروس) في هلع وهو يمسك إصبعه المبتور الذي خرجت منه

الدماء كنافورة صغيرة.

قال الشيخ (عرفة) بهدوء شديد:

- اقعدوا يا حبابي.. مفيش حاجة حصلت.

وفي لحظة لم تعد هناك دماء، وعادت يد (الحاج محروس) كما كانت.

هتف (كمال) مبهوراً:

- ازاي؟!!

قال الشيخ (عرفة):

- انت مسمعتش عن سحرة فرعون اللي كانوا بيسحروا عيون الناس.. دي حاجة زي اللي كانوا بيعملوها كدا.

صاح (الحاج محروس) في دهشة:

- بس الوجع.. أنا فعلًا حسيت إن صباعي اتقطع.

- كل ده سحر.. بالضبط نفس اللي كان بيعمله معاك الساحر السفلي اللي انت استعنت بييه.. أنا حبيت بس أوضح واكشف لك إنه كذاب ونجس.

وصمت لبرهة قبل أن يستطرد والضوء القرمزي يغلف وجهه:

- أنا جمعتكم هنا عشان نتخلص من الدويس.

قال (معتز) بحنق:

- واشمعنا احنا؟

**قال الشيخ (عرفة):**

- تقدر تمشي في أي وقت يا حبيبي.

هز (معتز) كتفيه عازماً على الرحيل، لكن (ال الحاج محرروس) استوقفه قائلاً:

- خلينا معاه للآخر.

**قال الشيخ (عرفة):**

- أنا عارف إن كل واحد فيكم قابل الدويس، وقدر انه يفلت منها، بس دي مش النهاية، هتفضل تطاردكم لغاية لما تقتلنكم أو....

**قال الدكتور (ياسر):**

- أو إيه؟

**أجاب الشيخ (عرفة):**

- أو تقتلوها.

**صاحب (ال الحاج محرروس):**

- ودي حد يقدر يقتلها؟!

**قال الشيخ (عرفة):**

- بعون الله اقدر...

## وہز رأسه وأردف:

- بس الأول لازم نحضرها.

قال (معتز) ساخراً:

- طیب ما تحضرها مدام انت جامد کدا.

قال الشيخ (عرفة):

- الموضوع مش سهل.. لازم الأول نعرف مين اللي وراها  
وبيتحكم فيها.

قال (كمال):

- شوف انت عاوز مننا إيه يا شيخ، واحنا معاك.

## نادي الشيخ (عرفة) (أبا بديعه):

- هات اللي قلت لك عليه.

ذهب (أبو بديعة) وعاد وهو يحمل اللوح الزجاجي الذي أعطاه الرجل النوراني للشيخ (عرفة).

قال (معتز) وهو يتأمل اللوح الزجاجي الذي أسنده (أبو بديعه)  
على الجدار:

## - ده لوح إجاز عادي.

- لا.. مش عادي يا حبيبي.. لأن اللي عمله ناس من أهل الجن..

حاول كدا تكسره.

أمسك (معتز) المقعد الذي كان يجلس عليه، وقال مهدداً وهو يرفعه عالياً استعداداً لكسر الزجاج:

- هكسه.

ابتسم الشيخ (عرفة) ابتسامة ثقة:

- حاول.

راقب الجميع ما سيحدث بشغف..

ثم وبكل قوة قام (معتز) بضرب اللوح الزجاجي بالمقعد.. تحطم المقعد ولم يصب اللوح بخدش واحد.

قال (معتز) في عناد:

- عادي برضه.. إزا ز مضاد للكسر.

قال له (الحاج محروس):

- أسكط بقى يا معتز.

قال الشيخ (عرفة):

- هنعمل جلسة تحضير، ومن خلال لوح الإزار ده هنقدر نشوف من اللي حضر الدويس.

كاد (معتز) أن يستنكر الكلام، لكن الشيخ (عرفة) استطرد بسرعة، كأنه يسمعه:

- ممكن تفكري إني بقول تخارييف أو بحاول اضحك عليك، أو حتى  
بحاول ادي لنفسي شخصية الدجال الرهيب.. بس انا عاوزك  
تصدق اللي بقوله.

صاحب (الحاج محروس) بـ (معتز):

- كفاية جدال بقى وخلينا نخلص.

وجه الشيخ (عرفة) كلامه لكل الموجودين:

- مستعددين؟

أجابوا في وقتٍ واحد:

- مستعددين.

وهكذا بدأت جلسة التحضير.

\*\*\*

وقف الجميع أمام اللوح الزجاجي في صُفٌّ مستقيم، يتوسطهم  
الشيخ (عرفة) الذي طلب منهم أن يركزوا تفكيرهم حول  
(الدويس)..

(أبو بديعه) أغلق كل الأضواء ثم أشعل شمعة صغيرة..

الشيخ (عرفة) راح يتمايل وهو يردد تعويذة معينة..

في الضوء الضعيف المخيم على المكان، بدأت تظهر ت漪يجات  
على سطح اللوح الزجاجي..

صوت غراب يدوى من بعيد..

بعد قليل ظهر على اللوح صورة لطفلٍ صغير عاري الجسد، له أذنان كالأفيال، ووجهه أحمر..

(أبو بديعه) كان يتولى وصف المشاهد للشيخ (عرفة) الذي حرك يده، فتلاشت صورة الطفل.

- مش ده.

فجأة شعر جميع الحضور بهواءٍ ساخن يلفح وجوههم..

قال الشيخ (عرفة):

- أرض الجن جوه باطن الأرض، جنب صخور النار.

شعر (كمال) بحركةٍ وراء ظهره.. حركة تشبه نقر الدجاج على الأرض، كاد أن يلتفت، صاح الشيخ (عرفة):

- محدثش بيتص وراء.

غمغم الدكتور (ياسر):

- هو إيه اللي ورانا؟

رغمًا عنه حرك جزءاً من وجهه.. لمح بطرفيه عينيه شيئاً أسوداً يتحرك.. لا ليس شيء واحد لكن أشياء كثيرة تتحرك، أشياء تغوص داخل الجدران والأرض، تخرج ثم تختفي، صاح بذعر:

- يا حفظ.

## صرخ الشیخ (عرفة):

- محدث يذكر اسم الله هنا.

لاذوا جميعاً بالصمت.

عرفة -

جاء هذا الصوت من داخل اللوح الزجاجي ثم تجسد فوقه رجل  
وقور أبيض البشرة ذو لحية سوداء.. قال:

- ابنی۔

## اهتز الشیخ (عرفة):

والدى -

- ازیک یا عرفه.

صاحب الشیخ (عرفة) بسرعة:

## - اوصفوالي شعر دقنه.

رد (أبو بدیعته):

- دقنه طویله وسوداء.

فيها شعر أبيض؟

تفرس (كمال) جيداً ثم قال:

1

ضغط الشيخ (عرفة) على نواجمه، وصاح:

- ابعد يا ملعون.

تلاشى الشيء الذى كان متجلساً على هيئة والده.

قال الشيخ (عرفة):

- في حاجات بتبقى عاوزة تخدعنـا، وتدخل عالمنـا.

عاد صوت الغراب يدوي.

اقتحم المشهد ظلُّ أسود طویل.. الدويس.. وجهها لم يكن واضحاً.. لكنهم عرفوها..

كانت تقف فيما يشبه قاعة مظلمة لا سقف لها، السماء بلا نجوم أو كواكب أو سحب، مجرد عدم هائل، الأرض من تحتها حمراء.. ظلت تسير فوق التراب الأحمر والمشهد من خلفها ثابتاً لا يتبدل.

- رايحة على فين؟

قالها الشيخ (عرفة) في فضول.

توقفت (الدويس) أمام قبرِ جاثم في الظلام ككابوس، وقد تشابكت عليه الأعشاب ونباتات الصبار، جلست فوق القبر ثم أجهشت بالبكاء والنوح كالغربان.. صوتها مزعج ومرعب جداً لدرجة أنهم جميعاً شعروا أن آذانهم ستتشقّب، قال الشيخ (عرفة):

- زي ما توقعت.. جاية تاخـد بحق حد اتظلم.

صمت للحظةٍ كأنه يفكـر:

- لكن مين اللي ظلمها.. مش معقول يكون كل أهل البلد.

بلا مقدمات توقفت (الدويس) عن النواح، واستدارت نحوهم..

حدقت فيهم جميـعاً...

كاد الدكتور (ياسر) أن يفقد توازنه من الخوف، صاح الشيخ (عرفة):

- متخاـفـوش، هي مش شـايـفـاناـ.

لـكـنـها هـجـمـت وـقـفـزـت نـاحـيـتهـمـ..

ثم اختفت..

ظهر بعد ذلك على اللوح الزجاجي، مشاهد متقطعة سريعة كأنها ذكريات قديمة لشخص ما.. مشهد لبيـتـ قـديـمـ منـ الخـشـبـ فوقـ تـلـ صـغـيرـ، ومـجمـوعـةـ منـ النـسـاءـ يـتـوجـهـنـ نـاحـيـتـهـ.. جـمـرـاتـ منـ النـارـ تـشـتـعـلـ دـاخـلـ (طـاسـةـ) نـحـاسـيـةـ وصـورـةـ لـرـجـلـ تـحـترـقـ دـاخـلـهـ، تـلـاشـتـ الصـورـةـ وـحلـ مـحـلـهـ رـجـالـ غـاضـبـونـ يـحـمـلـونـ المشـاعـلـ، وـقـطـارـ يـنـطـلـقـ بـسـرـعـةـ هـائـلـةـ فـوـقـ قـضـبـانـ مـنـ الدـمـاءـ.. يـتبـخـرـ المشـهـدـ وـتـظـهـرـ اـمـرـأـةـ شـاحـبـةـ تـرـتـديـ ثـوـبـاـ منـ (الـخـيـشـ) البـسيـطـ، وـتـمـسـكـ بـيـدـهـاـ طـفـلـاـ صـغـيرـاـ أـصـلـعـ الرـأـسـ، يـمـتـلـكـ نـفـسـ شـحـوبـهـاـ وـيـحـيطـ عـنـقـهـ بـسـلـسـلـةـ.

انتهت الجلسة وأضاء (أبو بديعه) الأنوار، قال الدكتور (ياسر) باهتمام:

- مـينـ السـتـ دـيـ؟

بحث (كمال) في ذاكرته:

- أول مرة أشوفها.

قال (معتز):

- وأنا كمان.

الوحيد الذي لم يعقب كان (الحاج محروس).. كان منكمشاً حول نفسه، سأله (كمال):

- تعرفها؟

- أيوه.. أعرفها.

\*\*\*

## (٢٠)

هربت الدماء من وجهه (الحاج محروس) وشعر بتشتت أفكاره  
مثل ملاليين الشظايا المتفجرة..

تجمع الشيخ (عرفة) والآخرون حوله في دائرة ضيقه، على وشك  
أن تبتلعه أو تخنقه، وهم يحاصرونه بأسئلتهم.. كان الكلام يصل  
إليه فيما يشبه الهمس الناعم على عكس أنهم يصرخون..

لم يكن يشعر بشيء..

إنه الآن يعيش حلمه الخاص..

حلمه القديم..

يعود بذاكرته إلى سنوات مضت، وظن أنها اندثرت..

وقتها هو كان في بداية العشرينات من العمر، وكان قد انتهى من  
الثانوية العامة ثم سافر إلى القاهرة للدراسة في الجامعة، مجرد  
شاب قروي شبه ساذج يحمل فتوة واضحة وحافظة نقود  
عامة.. كل شيء في حياته يسير على أكمل وجه، كان مثل قطارٍ  
سريع، لا أحد يمكنه إيقافه..

في نهاية كل عام وفي الأعياد، كان يعود إلى (تل العبيد).. ومع  
كل عام جديد كانت البلدة تنموا وتكبر وتزدهر، لم يكن أحد يتوقع  
أنه بعد عشر سنوات من الآن سوف تصاب بالاضمحلال..

أسعار الأراضي كانت آخذة في الارتفاع، غرباء كثيرون وعمال  
من بلدان المجاورة، يدخلون القرية ولا يخرجون..

وهي كانت من بينهم!

ظهرت لأول مرة حين كانت القرية تستعد لدخول عيد الأضحى المبارك..

لفتت انتباه الأهالي حين رأوها تسير بين الطرق وتنادي بعبارات ذات رنينٍ غنائيٍ شعبي.

فوق جبل عرفات ينادي المنادي..

روحوا يا حجاج بلغتوا المرادي

فوق جبل عرفات ينادي عطية..

روحوا يا حجاج زيارة هنية

امرأة غجرية ترتدي فستانًا أسودًا منفوشًا، مطرزاً بالترتر الأحمر والأخضر، وتحمل فوق رأسها سلة من (الخوص) تحافظ على توازتها دون أن تلمسها، وقد تشقت قدماتها الحافيتان، وامتلأت بالسواد..

كان يتثبت بطرف فستانها طفل صغير لم يتتجاوز الثامنة من العمر، أصفر البشرة هزيل الجسد، رأسه تملئ بالحفر البيضاء الخالية من الشعر.. كانت تدور على البيوت لتضرب الودع وتقرأ الكف، وكعادة الناس الطيبين في تلك الفترة، لم يدخل أحد عليها بشيءٍ وأكرمواها.. بمرور الوقت بنت بيئًا صغيرًا فوق قطعة أرض بور، مجرد سقف وأربعة جدران من الخشب القديم..

لم يشتكي منها أحد وكانت خفيفة كالنسمة، لكن النسمات دائمةً ما

تعصفها الريح القوية.. في أول إجازة لـ (محروس) ونزوله من القاهرة إلى (تل العبيد) وقع بصره عليها وهي في منزلهم، لم يشعر أحد بدخوله.. وضع حقائبها جانبًا، ثم توارى وراء ستار ووقف يراقب ما يحدث باهتمام..

كانت الغجرية تجلس على الأرض وبجوارها ابنها الذي لا يفارقها، بينما أخته الكبرى وأمه تجلسان فوق أريكة عالية، فتبعدو أقدامهم في مستوى رأس الغجرية بالضبط..

كانت متجردة إلى حدٍّ ما من ملابسها الثقيلة، فظهرت بكامل حسنها وأنوثتها الهائلة وهي تتحدث معهما بطريقٍّ ريفيٍّ محببة للنفس..

ابتلع (محروس) ريقه وهو ينظر إليها وإلى شعرها الذي ينسدل وراء ظهرها مثل حورية صعدت لتوها من الماء..

كانت تقوم بعمل حجاب لأخته الكبرى التي لم تتزوج بعد وأوشكت على ركوب قطار العنوسه الذي لا يرحم بسبب ملامحها التي تشبه الرجال، وفظاظتها في التعامل.

قالت أخته وهي تناول الغجرية صورة شخصية بالأبيض والأسود لشاعر ما:

- أنا عاوزاه هو بس.

لم يفهم (محروس) من تقصد أخته، لكنه خمن أنه ابن خالتهم.. كان يعلم جيدًا أنها تعشقه حد الجنون والهوس، لكنه قطعًا لن يلتفت إليها.. لا يحتاج مالًا أو حسبيًا ونبيًا.. شخص مثله سيجد

ضالته في فاتنة من بنات المدينة، لا شك في هذا، وقطعاً ما تفعله الغجرية، هو نصب أو مجرد احتيال.

سمع أمهه يقول:

- يا رب يكون في إيدك البركة.

تناولت منها الغجرية الصورة ثم أخرجت 21 فص من العلقة، وكتبت فوق كل فص حرف (ج) ..

أمسكت أول فص بعد أن أشعلت ناراً خفيفة وردت:

- ليطوش، هليطوش، مليطوش.. كانوا قليلاً من الليل ما يهجون، كذلك لا تهجن ابن كوثر عن محبة وعشق بنت زينب.. الoha الoha، العجل العجل، الساعة الساعة.

ثم ألقت الفص في النار..

كررت ذلك 21 مرة ثم ناولت أخت (محروس) حبابين، وطلبت منها أن تضع واحداً تحت وسادتها، والآخر تحت وسادة ابن خالتها.

قالت أخت (محروس):

- طيب وهنحطه له ازاي؟

اختطفت منها أمها الحجاب الثاني، وقالت:

- متقلقيش.. أنا هعرف اتصرف.

تابع (محروس) كل ذلك حتى انتهت الغجرية مما تفعل، وجمعت

أشياءها وغادرت..

أثناء عبورها الباب مرت أمامه، فحانـت منها التفـاتة نـاحيـته..  
ضرـبـته بـرـصـاصـة من عـيـنـيهـا فيـ منـتصفـ قـلـبـهـ فـشـطـرـتـهـ نـصـفـينـ..

قال بصوتٍ غير مسموع:

- جميلة.

ثم ارـتـسـمـتـ علىـ شـفـتـيهـ اـبـتسـامـةـ خـبـيـثـةـ..

خـبـيـثـةـ جـدـاـ.

\*\*\*

اليـومـ التـالـيـ ذـهـبـ (ـمـحـرـوـسـ)ـ لـمـقـابـلـةـ صـدـيقـهـ (ـعـبـدـهـ)ـ..

وقـتـهـ (ـعـبـدـهـ)ـ لمـ يـكـنـ مشـوـهـاـ كـمـاـ نـعـرـفـهـ،ـ بـالـعـكـسـ كـانـ شـابـاـ سـلـيمـ  
الـجـسـدـ،ـ تـفـوحـ مـنـهـ رـائـحةـ صـابـونـ الـاستـحـمامـ التـرـكـيـ،ـ يـصـفـ شـعـرـ  
رـأسـهـ مـثـلـ العـنـدـلـيـبـ (ـعـبـدـ الـحـلـيمـ حـافـظـ)ـ وـيرـتـديـ قـميـصـاـ وـبـنـطـالـاـ  
تـشـبـهـاـ بـأـبـنـاءـ الـمـدـيـنـةـ خـلـافـاـ لـأـبـنـاءـ الـبـلـدـةـ الـذـيـنـ يـرـتـدـونـ الـجـلـبـابـ  
الـوـاسـعـ آـنـذاـكـ.

اقـتـرـبـ مـنـهـ (ـمـحـرـوـسـ)ـ وـبـعـبـارـاتـ سـرـيـعـةـ حـكـىـ لـهـ عـنـ الفـجـرـيـةـ،ـ  
وـبـعـبـارـاتـ أـسـرـعـ أـخـبـرـهـ (ـعـبـدـهـ)ـ أـنـ السـبـيلـ إـلـىـ الفـجـرـيـةـ سـهـلـ جـدـاـ!

فيـ تـلـكـ الـفـتـرـةـ مـنـ الزـمـنـ كـانـ لـدـىـ أـعـيـانـ (ـتـلـ الـعـبـيدـ)ـ عـادـةـ حـينـ  
يـذـهـبـ أـحـدـ مـنـ أـوـلـادـهـ لـلـتـعـلـمـ فـيـ الجـامـعـةـ،ـ يـقـومـونـ بـإـرـسـالـ  
أـمـرـأـةـ كـيـ تـقـومـ عـلـىـ خـدـمـتـهـ،ـ وـأـيـضـاـ لـإـفـرـاغـ شـهـوـتـهـ فـيـهاـ حـتـىـ  
لـاـ يـفـلـتـ لـجـامـهـ مـعـ أـيـ سـاقـطـةـ مـنـ بـنـاتـ الـمـدـيـنـةـ..

بالطبع كان هذا الأمر يحتوي على كثير من الشذوذ الإنساني، لكن كانت تضطر إليه بعض النساء الفقيرات..

لم يكن أحد يتحدث عنه لكن الكل يعرف أنه موجود، ويمكن القول أنه ليس مدعاة للذل في هذا الوقت.

ذهبا (محروس، وعبدة) إلى الفجرية وعرضا عليها الموضوع، أو نقل الصفة.. كان هناك احتمالان لا ثالث لهما كما قال (عبدة).. الأول؛ وهذا الاحتمال الأكبر أنها ستتوافق وسترحب جداً.. الثاني؛ أنها سترفض في الحال وهذا احتمال ضعيف..

الفجرية كان لها رأي ثالث وغير متوقع، رفضت وصفعت (محروس) صفتين على وجهه، استغرق الموقف دقيقة كاملة حتى استطاع (محروس) أن يستفيق من الصدمة ثم ينظر إليها بعينين مجنونتين.. صرخ:

- أنا هعرفك أنا مين.

حدجته بنظرٍ ساخطة، وقالت متوعده:

- بعد عني أحسن أخلיהם يأذوك.

هتف:

- مين دول اللي يأذوني.

ركل الجدار بقدمه، فاهتز البيت وكاد السقف أن يسقط فوقهم..

بكى الطفل الصغير وهرع إلى حضن أمها وهو ينظر إلى

(محروس) بذعرٍ هائل.. مسحت الغجرية فوق شعر ابنها ثم أشارت إلى (محروس) بسبابتها محدزة إياه:  
- هاذيك.

كاد أن ينقض عليها:

- انت مجنونة ولا إيه؟

لم ترد عليه..

ربضت على الأرض وغطت نفسها هي وابنها بملاءة سوداء..  
تراجع (محروس) عما كان ينوي..

كان يسمعها تتكلم من تحت الغطاء الأسود، لم يفهم كلمة مما تقول، استطاع فقط تمييز اسمه، ظن أنها تلقي عليه لعنة أو سحرًا ما، شعر لبرهة من الوقت بالخوف وأحس بقشعريرة في أوصاله..

قطع (عبده) كل ذلك وسحب (محروس) معه للخارج، وهو يقول:  
- ليس هكذا تورد الإبل يا صديقي.

ضغط (محروس) على نواذه:

- شفت عملت فيا إيه؟!

ابتسم (عبده) بخبيث:

- اللي زيها ميجيش كدا.. دي لازم لها خطة.

قال (محروس) وهو يضع يده على كتفه:

- دي لعيتك أنت يا صاحبي.. عاوز انتقم منها.

قال (عبدة) بثقة:

- اعتبره حصل.

\*\*\*

حين عاد (محروس) إلى المنزل، لم يستطع النوم..

مكان الصفعة ما زال ساخنًا على وجهه..

الإهانة التي تعرض لها كانت قوية جدًا، لا يحتملها شخص بمثل غروره.. أغلق أنوار غرفته واكتفى ببصيص من ضوء البهو يتسلل إليه من تحت الباب، استلقى على السرير يحدق في السقف، فجأة شعر أن ظلام الغرفة يتشكل على هيئة ليست بشرية، هيئة مخلوق ضخم جاء للقصاص منه بإيعازٍ من الغجرية.. حاول النهوذ من الفراش لكنه لم يستطع بسبب ثقلٍ هائل شعر به يجثم فوق صدره، تملك (محروس) رعب هائل جعله يعتقد أن جسمه يحترق من الخوف..

اقترب منه الظل..

ثم تلاشى كل شيء فجأة حين اقتربت عليه أخته الكبرى الغرفة.. نظرت له باستغراب حين رأته يغرق في العرق:

- مالك يا محروس؟

نهض من على الفراش، وهو يمسح وجهه:

- كابوس.. كابوس رهيب.

وضعت يدها على رأسه وراحت تقرأ عليه بعض القرآن حتى هدأ قليلاً، ثم سألهما:

- كنت عاوزه مني حاجة؟

- آه.

ثم سكتت، فقال:

- انطقني أنا مفيش فيا دماغ.

قالت بخجل:

- ابن خالتك جه النهارده البيت وطلبني من بابا.

- بجد!!

قالها بصوتٍ يشبه عدم التصديق، فقالت بحدة:

- غريبة دي ولا إيه؟!

حرك كلتا يديه:

- لا أبداً.

ثم تذكر الحجاب الذي صنعته لها الغجرية، أيعقل أن يكون هو السبب؟!

تفرس ملامح أخته جيداً.. تأكد الآن أن الحجاب هو السبب.

\*\*\*

الموعد كان منتصف الليل..

كان الظلام دامساً في هذا الوقت، ولا شيء يبدده غير شعلة صغيرة من الحطب، يتراقص لهيبها داخل (غرزة بلدي)..

داخل (الغرزة) كان يجلس بعض البسطاء يلعبون (الدومينو) وهم يدخنون أحجار المعسل ويتصاحكون حول شؤون حياتهم.. يضرب أحدهم حجر (الدومينو) بالرقة الخشبية، ويقول بلهجة المنتصر:

- قفلت.

على مسافةٍ منهم، كان يجلس (محروس، وعبدة).

- هنعمل إيه يا عبدة؟

قالها (محروس) بلهفة..

قال (عبدة) وهو يصب كوبين من الشاي:

- أنا عملت لها فخ مش هتطلع منه.

ثم ناول (محروس) كوب شاي، وراح يسهب له في شرح تفاصيل خطته..

مع كل كلمة يقولها، كانت عينا (محروس) تتسع في انبهار، لقد كان يجلس مع الشيطان نفسه بلا شك..

بعد قليل جاء شخص ثالث لا يعرفه (محروس).. قال (عده) وهو يتولى تقاديمه:

- ده (رضوان) الكلاف.. تبعنا.

(رضوان) وقتها كان يرتدي جلباباً ممزقاً، يخرج منه شعر صدره ليصارع الهواء..

نظر (محروس) إلى (رضوان) باشمئاز حينما قال (عده):

- فهمت يا (رضوان) اللي هتعمله؟

قال (رضوان):

- أنا تحت أمر محروس بييه.

قالها (عده) بخبيث محدثاً (محروس):

- (رضوان) هو أهم عنصر في خطتنا.

لاحظ (رضوان) نظرات (محروس) له، فقال بسرعة وهو يحني رأسه:

- يا محروس بييه، اعتبرني كلب من كلاب سيادتك.

ربت (محروس) على كتفه في استحسان، وناوله بيده كوب شاي:

- اشرب يا (رضوان).

نفخ (رضوان) في طرف الكوب، ورشف منه رشقة طويلة وهو يبتسم..

ثم تفرق أخلاء الشر.

\*\*\*

مرت بضعة أيام على هذا اللقاء..

بدأت الأحداث بنفوق عادي لبعض الغنم والأبقار، لم يلتف انتباه أحد..

بمرور الوقت لاحظ الجميع أن العدد في ازديادٍ كل يوم لدرجة أنها أصبحت ظاهرة لا يمكن السكوت عنها..

لم يفكر أحد أن (رمضان) هو السبب، وأنه كان يقوم بتسميم مياه شرب الحيوانات.. بدأت الشائعات بعد ذلك في الانتشار، بدأها (عبدة) من على القهوة وهو يحدث (القهوجي):

- سيدنا يونس لما ركب السفينة وكانت هتغرق، الناس قالوا فيه حد معاهم مغضوب عليه، وعملوا قرعة، والقرعة جت على سيدنا يونس ورموه البحر.

- قصدك إيه يا عبدة؟

- قصدي إن فيه حد ملعون في البلد.

قال (القهوجي):

- خلي كلامك واضح.

هتف (عبدة):

- الغجرية.. هوا فيه غيرها.

تجمع الكثيرون حول (عبده).. قال شخص ما:

- يا عم حرام عليك، دي ست غلبة.

وقف (عبده) وقال بصوٌت مرتفع ليسمعه الجميع:

- اعتبروني مقولتش حاجة.. بس دوروا مين اللي بيعمل أعمال سحر ودجل غيرها.. إذا كان ربنا حكم على سفينـة إنها تغرق وكان فيها نبي، أمال احنا اللي في بلـنا واحدة كافرة بربـنا.. ده مش بعيد نتسخـط قرود يا جدعـان.

بعد أيام استيقظ الأهالي على صراخ (رضوان) وهو يجري في الشوارع ليلاً كالمحـنون:

- الحقـوني.. الحقـوني.

ظل يتلوى على الأرض، ويصرخ كالنساء اللاتي تلدـن، ويمزق ملابـسه ويضع التراب فوق رأسـه.. انتظر حتى اجتمع الأهـالي حولـه وأخبرـهم أنه رأـي الغـجرية تكلـم أشخاصـا عراـة لهم رؤوس كبيرة وأقدام كالغـنم.

صرخ أحد الأهـالي:

- دول جـن.

وصـرخ ثـان:

- الست دي ملعـونة، وهـتجـيب الشـؤم للـبلـد.

ثم صرخ ثالث:

- عبده كان كلامه صح يا أهل البلد.

في تلك الأثناء راح كل شخص يتذكر مصيبة حدثت له منذ أن وطأت الفجرية القرية.. الكل أرجع المرض والطلاق والفقر والموت إليها، كما لو كانت إله الشر.

- هي السبب.. هي السبب.

(رضوان) يضحك داخل نفسه في سخرية بينما (عبده) يغمز له.

- أخلصوا منها.

رددتها (محروس) بخبثٍ وسط الحشد الهائل المجنون..

حمل الأهالي المشاعل والشر، وانطلقوا إلى بيت الفجرية..

كان الهواء بارداً يقرص العظام ويجعل الأسنان تصطك ببعضها البعض، لكن لم يكن يشعر به أحد، كان الموقف أكبر من تلك الأحساس البسيطة.

على الجانب الآخر، كانت الفجرية قد علمت بما يحدث.. حملت ابنتها فوق كتفها، ثم خرجت وقلبها ينبع بالخوف والذعر والألم..

شاهدت المشاعل تقترب منها..

فكرت سريعاً..

كان الحل أن تستغل الليل وتدور من وراء مقابر القرية حتى لا يلمحها أحد، إلى أن تصل محطة القطار.

- أنا خايف.

قالها ابنها وهو يبكي، احتضنته وقالت:

- متخافش.. مفيش حد هيأذيك.

تعثرت عدة مرات في الأرض، وهي تدور من وراء المقابر التي كانت بلا سور في تلك الفترة..

سقطت مع ابنها الذي امتلاً وجهه بالجروح، لكنه تحمل وتشبث بها..

أثناء ذلك كان الجمع المسعور قد وصل إلى منزلها وأضرموا فيه النار.. نار هائلة تأججت في لحظات وكسرت ظلام الليل الذي يغطي كل شيء..

من بعيد كان (عبدة، محروس، ورضوان) يراقبون ما يحدث..  
شيء ما ناقص..

الجريمة غير موجودة..

كانت تتجاوز المقابر في هذا الوقت، وتقرب من شريط القطار..

لمحها (محروس) من بعيد..

شعر بالدماء تسيل على وجهه مكان صفعتها، صرخ:  
- الملعونة هناك.

لم يسمعه أحد من الأهالي..

طلب من (عبده) أن يلحق بها، فلم يكذب هذا الأخير خبراً، وانطلق خلفها كالسهم المسموم..

لحق (عبده) بالغجرية وابنها على شريط القطار..

كان (عبده) من الذكاء حيث أمساك بتلابيب الطفل.. يعلم أنها لن تتركه، حاولت تخليص ابنها من بين يديه لكنه أحکم قبضته على عنقه، وقال بشراسة:

- رقبته هتتكسر.

توسلت:

- أبوس إيدك.. بلاش تأذينا.

ركلها في معدتها بقسوة، فسقطت أرضاً..

حاولت أن تنھض ..

ضربيا بمرفقه على ظهرها، فأعادها من جديد على الأرض تئن من الوجع..

- ده عشان تتعلمی متعمليش شريفة على أسيادك.

حمل الطفل فوق ظهره وسار تجاه البيت المحترق، وهو يظن أنها لن تنھض مجددًا..

استجمعت هي قوتها ثم رفعت حجرا ثقيلاً وهوت به على رأسه من الخلف.. أطلق صرخة هائلة وهو يشعر بعظام مخه تسحق، وبالم لا يتحمل..

سقط على الأرض في إغماءٍ سريعة، لم تستمر إلا ثوانٍ قليلة..  
حين استفاق لم يجد الطفل ورأى الغجرية تحمله وتجرى به  
مبتعدة..

أطلق سبة بذيئة وجرى خلفها..

على مسافة بعيدة ظهر المشهد كذئب يطارد فريسة ضعيفة، لا  
حول لها ولا قوة..

استطاع (عبده) اللحاق بالغجرية ثم ركل الطفل من يدها..

انقضت عليه واشتبت معه في قتال حياة أو موت.. قضمت يده  
البيهنى بأسنانها حتى نزعت اللحم من العظم..

هوى (عبده) على وجهها بكلمةٍ هائلة هشمت أنفها وأسنانها  
الأمامية..

ضربته بإصبعها في عينه، حتى كادت أن تتفاها..

أسقطها على قضبان القطار ثم جثم فوق صدرها واستغل ثقله  
وبدأ يحاول خنقها.

تسلط عليهم ضوء أصفر قوي..

من بعيد كانت صافرة القطار تدوي وتحتلط مع أزيز اهتزاز  
القضبان..

صرخ (عبده) بجنونٍ والزيد يتطاير من بين شديقه:  
- هخلي القطر يقطعك.

انتظر حتى لم يعد يفصل بينهما وبين القطار غير أمتارٍ قليلة،  
وقفز من فوق الغجرية..

ستموت بمفردها..

لا..

ليس بمفردها..

(عبده) تعثر فوق القضبان..

القطار يدهس الغجرية ثم (عبده)..

تناثرت الأشلاء والدماء فوق القضبان..

وانتهت الليلة.

\*\*\*

(٢١)

ظل الصمت الثقيل يخيم على الحضور بعدما انتهى (الحاج محسوس) من قصته..

سأله الشيخ (عرفة):

- وبعدين؟

قال (الحاج محسوس):

- الغيرية ماتت.. وعبده أنقذناه بأعجوبة.

- وأبنها.. إيه اللي حصل لابنها؟ ده المهم دلوقتي.

رد (الحاج محسوس) وهو يعتصر ذاكرته:

- كل اللي فاكره إن ناس من أهل البلد كانوا مسافرين المنوفية خدوه لملجاً هناك.

قال (كمال) مخاطبًا الشيخ (عرفة):

- ممكن يكون ابنها هو اللي حضر الدويس.

قال الشيخ (عرفة):

- ده أكيد مدام ظهر على اللوح.

قال (معتز):

- وده هنعرف نوصل له ازاي؟

قال الشيخ (عرفة):

- ممكن يكون أي حد.. مش بعيد أصلًا يكون حد من اللي واقفين هنا.

صاحب (كمال) بحدة:

- قصدك إيه يا شيخ عرفة.. مفيش حد غريب هنا غيري أنا والدكتور ياسر.

قال الشيخ (عرفة):

- أنا مش قصدي حد معين.. اللي اقصده إنه صعب نوصل له.. خلينا نركز في المهم.

قال الدكتور (ياسر):

- أنا ليها معارف كتير في المنوفية.. محتاج بس أعرف اسم الملجأ وھعرف بالضبط إيه مصير ابنها واسمھ إيه.

أخبره (الحاج محروس) باسم الملجأ، فقام الدكتور (ياسر) بإجراء مكالمٍ تليفونية طويلة، عاد بعدها يقول:

- يومين ثلاثة بالكتير، والمعلومات هتكون عندنا.

قال (الحاج محروس):

- خلال اليومين دول هنكون متنا.

قال الشيخ (عرفة):

- كلامك مضبوط.. بس أنا لسه مخلصتش دوري.

نظروا إليه جميـعاً في تساؤل.. قال مخاطبـاً (الـحاج مـحـرـوـسـ):

- دفنتـوا جـثـةـ الفـجـرـيـةـ فـيـنـ؟

قال (الـحـاجـ مـحـرـوـسـ):

- وـهـ دـهـ هـيـفـيـدـكـ يـاـيـهـ؟

- هـيـفـيـدـنـيـ إـنـ اـحـناـ نـقـدـرـ نـحـضـرـ مـنـ خـلـالـهـ الدـوـيـسـ لـأـنـ اـبـنـهـ هـوـ الـيـ حـضـرـهـ.

سـأـلـهـ (الـحـاجـ مـحـرـوـسـ):

- مـتـأـكـدـ.

- إـنـ شـاءـ اللـهـ.

تنـهـدـ (الـحـاجـ مـحـرـوـسـ):

- مـكـانـ قـبـرـهـ مـعـرـوـفـ.. كـلـكـمـ عـارـفـيـنـهـ.

وـقـبـلـ أـنـ يـسـأـلـهـ أـحـدـهـمـ؛ مـاـذـاـ يـعـنـيـ! أـسـرـعـ يـقـولـ:

- الضـرـيـحـ الـأـخـضـرـ.

\*\*\*

الـوقـتـ..

الـسـاعـةـ الـأـكـثـرـ إـظـلـامـاـ فـيـ اللـيـلـ.

المكان..

الضريح الأخضر.

الأشخاص..

كمال، ياسر، معتز، محروس، وعرفة..

الخمسة يقفون أمام الضريح في توٰتٰ وخوفٍ واضحين..

دون إبطاء دخل الشيخ (عرفة) برفقة الدكتور (ياسر) الذي كان يأخذ بيده بدلاً من (أبي بديعه) الذي خاف ورفض أن يأتي..

دخل خلفهما (كمال) وهو يحمل (بلطة) ثم (ال الحاج محروس، ومعتز)..

الضريح من الداخل كان عبارة عن غرفة كبيرة، معلق في سقفها أعلام خضراء وببيضاء مطرزة، مكتوب فوقها آيات قرآنية، ولفظ الجلالة، ولا إله إلا الله، محمد رسول الله.

وسط الغرفة كان يوجد قبر مرتفع عن الأرض، بعلو مترين تغطيه كسوة من الحرير مزركشة..

القبر كان يحيط به قفص من الخشب، له باب عليه قفل عملاق علاه الصدأ.. ضرب (كمال) القفل بظهر (البلطة) فحطمه، أزال القفل وفتح الباب، ثم أشار إلى القبر قائلاً:

- لازم نفتح القبر و...

قاطعه (محروس) بوجهه عبوس:

- مش ضروري نفتحه.

و قبل أن يسأل أحد ماذا يعني، شمركم جلبابه ثم دفع القبر بيده، فتزحżżح و ظهر أسفل منه لوح حجري، و له مزلاج حديد.. قال:

- ده قبر خشب.

أشار إلى مكان اللوح الحجري، واستطرد:

- هي مدفونة تحت هنا.

حرك (كمال) المزلاج من مكانه بصعوبة..

وضع حافة (البلطة) في فتحة صغيرة بين اللوح والأرض، وحركها فارتفع اللوح قليلاً عن الأرض..

أشار للباقيين أن يساعدوه..

تعاونوا معاً حتى استطاعوا تحريك اللوح من مكانه..

ظهرت لهم فجوة سوداء انبعث من داخلها رائحة كريهة.. طلب منهم الشيخ (عرفة) الانتظار قليلاً حتى يخرج الهواء الفاسد..

بعد مدة صارت الرائحة محتملة..

أضاء (كمال) كشافاً وصوبه داخل الفجوة، فظهر سلم حجري مغطى بمادة سوداء تشبه القطران، ظل يحرك الكشاف يميناً ويساراً ثم قال وهو يحدث (محروساً) بشك:

- مش شايف جثت مدفونة.

قال (محروس):

- هي موجودة.. أنا حاططها بنفسي.

انتزع من (كمال) الكشاف، وصوبه مباشرة إلى أحد الأركان، وهو يستطرد:

- هنا.

بالفعل ظهر في هذا الركن جوال من (الخيش) مربوط من طرفه بحبلٍ غليظ.

قال (محروس) وهو يلقي الكشاف في يد (كمال):

- صدقت دلو قتي.

بصوتٍ متواتر، قال (معتز):

- خلاص هي مدفونة.. يبقى مفيش داعي نشيلها.

هز الشیخ (عرفة) رأسه بقوة:

- لازم العضم بتاعها عشان أحضر عليه الدويس.

رفع (معتز) يده:

- أنا مش هنزل.

قال (محروس) بحدة:

- كلنا هنزل.

غمغم (معتز):

- أنا خايف.

نظروا إليه جمِيعًا في دهشة.. عاد يقول:

- آه.. أنا خايف.. خايف انزل ومطلعش.

ثم تغيرت نبرة صوته قليلاً، وكأنه وجد الحل:

- وبعدين لازم حد يفضل بره بحيث لو حصل حاجة.

قال الدكتور (ياسر):

- مضبوط.. لازم حد فينا يبقى بره تحسينا للظروف.

قال (كمال) مخاطبًا (معتز):

- مفيش مشكلة هننزل احنا وخليك أنت هنا.

وافق (محروس) على مضمض..

نزل في البداية (كمال، وال حاج محروس) ثم تبعهم الدكتور (ياسر) والشيخ (عرفة)..

قال (كمال) وهو يشعر ببرودةِ كالمنشار تنشر أطرافه:

- الجو برد جدًا.

قال الدكتور (ياسر) بلهجَةٍ علمية:

- دي الرطوبة.

لم يعقب أحد على كلامه..

توقفوا جميعاً أمام الجوال الذي يحمل عظام الغجرية.. كانت بعض العظام قد ثقبت الجوال.

قال الشيخ (عرفة):

(وَالصَّفَتِ صَفًا (1) فَالْزِجْرَتِ رَجْرًا (2) فَالثَّلِيْتِ ذِكْرًا (3) إِنَّ إِلَهُكُمْ لَوْحِدٌ (4) رَبُّ السَّمَاوَاتِ وَالْأَرْضِ وَمَا بَيْنَهُمَا وَرَبُّ الْمَشْرِقِ (5) إِنَّا زَيَّنَّا السَّمَاءَ الدُّنْيَا بِزِينَةِ الْكَوَاكِبِ (6) وَحِفْظًا مِنْ كُلِّ شَيْطَنٍ مَارِدٍ (7)

بدأ الجوال يهتز والعظام تتحرك.. قال (محروس) والدماء تهرب من وجهه:

- هو إيه اللي بيحصل ياشيخ؟

أشار له الشيخ (عرفة) بالتزام الصمت، وقال:

- مهما يحصل أو تسمع متتكلمش غير لما اخلص.

فجأة سمعوا جميعاً صوت تحريك اللوح من أعلى.. التفتوا نحوه بسرعة..

نظر (معتز) إليهم ببرود.. اهتز وجهه كأنه صفحة مياه شفافة ارتطم بها حجر ثقيل..

بدأت ملامحه تتغير..

تحركت عيناه..

استطال وجهه..

انسحبت جبنته إلى الوراء..

هبط شعر رأسه وتمدد في كل الاتجاهات..

وفي لحظاتٍ تحول (معتز) إلى (الدويس) وأغلقت عليهم باب القبر.

\*\*\*

قبل ذلك..

يوم الفالنتين حين كان (معتز) يقف أمام النافذة و(الدويس) تتسلل خلفه.. شعر بسخونةٍ ترتطم بظهره فالتفت نحوها، تجمد لبرهةٍ من الوقت بسبب الصدمة..

كانت بشعة..

طوحت مخالفتها في اتجاه عنقه..

تفادى المخالف بحركةٍ رشيقة اكتسبها من ممارسة الرياضة ثم تدرج على الأرض وصار خلفها.

انتصب واقفاً..

نزع قميصه فظهرت عضلات صدره وذراعيه، واتخذ وضعية قتالية كأنه يخوض مبارزة كاراتيه.. قفزت نحوه لكنه دار حول نفسه وركلها في منتصف معدتها فسقطت على الأرض..

لأول مرة تبدو (الدويس) حائرة..

نظرت إليه نظرة، كأنها تريد أن تقول: "ماذا تفعل أيها الأحمق؟.." المفترض أن أطاردك وأقتلك."

و قبل أن تستمر في حيرتها، قفز نحوها وهو يوجه لها لفحة ساحقة، هشممت أنفها وألصقتها بالحائط..

صرخت وحاولت أن تقبض عليه، لكنه تحرك حولها بسرعة، ثم انحنى ورفعها بكلتا يديه في الهواء وقدفها بكل قوته نحو شاشة التلفاز.. اصطدمت بالشاشة فانفجرت بها وتصاعد منها أزيز وشرر كهربائي..

نهضت (الدويس) من جديد..

سحب (معتز) سلگاً كهربائیاً عاریاً وأغمده بقسوة في أذنها فارتعدت وتآلمت، والكهرباء تسري في جسدها حتى جف جلدتها وازرق.. سقطت على الأرض ورائحة احتراق ودخان يخرجان من رأسها..

وقف (معتز) ينظر إلى هذا المسرح..

تبعد مبتلة..

انحنى بجوارها..

لمس وجهها الجامد..

تحسس مخالبها.. سوداء ملتوية بطريقه غريبة.

في غفلة منه، فتحت (الدويس) عينيها ثم أغمضتهما بسرعة.. لا

تزال على قيد الحياة.

نهض (معتز) وأجرى اتصالاً هاتفياً بـ (الحاج محروس) ليخبره  
أنه قتل (الدويس)..

الهاتف يرن..

(معتز) يضع السماعة على أذنه، وتغيب (الدويس) عن نظره..

يعود يلتفت..

مكان (الدويس) فارغ..

بحث عنها بعينيه..

لا أثر لها..

فجأة تشكل ظلٌ لها على الأرض..

رفع بصره تجاه السقف..

كانت تلتتصق به..

وفي لمح البصر وقبل أن يفتح فمه ليعرب عن صدمته، كانت  
تهبط أمامه وتغمد يدها في صدره وتنزع قلبه..

قلبه يخفق ببطءٍ بين يديها..

من داخل صدرها خرجت أهداب طويلة تشبه الثعابين التصقت  
بالقلب..

ملامحها تتكسر، تختلط عظامها مع لحمها، لحظات وأصبحت

على هيئة (معتز).

\*\*\*

فيما بعد..

(كمال، والدكتور ياسر، وال الحاج محروس) يصعدون درجات السلم ويحاولون بكل قوتهم رفع اللوح الحجري، لكنه كان غير قابل للإزاحة بسبب المزلاج..

بعد عدة محاولات مليئة بالصرارخ والسباب، عادوا إلى الأسفل في يأس.. جرب كلُّ منهم أن يستخدم هاتفه لكن العجيب أن بطاريات جميع الهواتف كانت فارغة، ليست صدفة لكن هناك ما تسبب في ذلك.

صاحب (ال الحاج محروس) وهو يضرب هاتفه بالأرض:

- التليفونات مش شغالة.

هاتف الشيخ (عرفة):

- امسك أعصابك يا محروس.. لو خفت الجن هيلبسك.

دون سابق إنذار انسحب الكشاف من يد (كمال) بفعل قوةٍ خفية، فارتطم بالأرض وتهشم إلى أجزاء.. وفي لحظةٍ غرقوا جميعاً في ظلامٍ يفوق احتمال البشر، صرخ الدكتور (ياسر):

- هنموت.

بحث (محروس) في جيشه حتى عثر على علبة ثقاب، أشعل عوداً

وهو يقول:

- بسم الله.

كان ضوء العود ضعيفاً، لم يبدد سوى جزء صغير جداً من الظلام.. مجرد دائرة صغيرة التفوا جميعاً حولها، قال الدكتور (ياسر):

- أنا بقول بلاش نوع نار عشان الأكسجين كدا هيتحرق.

هتف (محروس):

- بلاش طب وكلام فاضي.

ابتلع الدكتور (ياسر) لسانه وظل صامتاً..

دلت طقطقة غريبة تشبه طقطقة العظام.. قال (كمال) بهلع:

- إيه الصوت ده؟

لم يحاول أحد أن يخمن..

لحظة وانتهى عود الثقب وغرقوا من جديد في الظلام..

ساد الصمت..

مرة أخرى عادت أصوات الطقطقة..

بعدها صمت آخر..

ثم صرخة هائلة جعلتهم على وشك أن يفقدوا الوعي..

صاحب الدكتور (ياسر):

- ولع عود كبريت تاني.

هتف (كمال):

- والأكسجين اللي هيتحرق؟

صرخ (ياسر):

- ما يتلعن ويولع بجاز.. احنا هنموت.

أخرج (محروس) علبة الكبريت، لكن من فرط خوفه سقطت من يده على الأرض، صاح بارتياع:

- العلبة وقعت مني.

انحنوا جمِيعاً على الأرض يتحسسونها.

عقولهم تهبيء لهم وجود وحوش وشياطين تحيط بهم.. يحاولون العثور على شيء الوحيد الذي قد يساعد، أيديهم ترتطم بأشياء متنوعة؛ عظام، جماجم، مخالب تخدشهم..

فجأة صرخ الدكتور (ياسر):

- لقيتها.

ثم أشعل عود كبريت..

العرق والذعر يغمر ملامحهم جمِيعاً..

حرك الدكتور (ياسر) العود تجاه الصوت..

ظهرت أمامهم الغجرية وهي تجلس القرفصاء وسط المقبرة،  
تنظر إليهم بعينين مشوهتين وابتسمة بشعة خبيثة..  
بدأت تتحرك..

على قدميها وذراعيها..  
قدمها اليمنى ارتفعت من وراء ظهرها ثم القدم اليسرى..  
تقدمت نحوهم بحركة متكسرة مهزوزة..  
صرخوا جميعاً من الرعب في نفس اللحظة التي أنطفأ فيها عود الكبريت..  
لم يعودوا قادرين على رؤيتها..

بخلاف صوت حركتها، سمعوا أصوات خشنة، وأصوات طرق على الجدران، كأن هناك أشياء تود الخروج.. قال (الحاج محروس) بهلع:

- احنا مش هنخرج من هنا.

ردد الشيخ (عرفة):

- أعوذ بالله الكريم من شر إبليس وجنوده ومن شر ما يبغي..  
أعوذ بما استعاذه به إبراهيم وموسى وعيسي ومن شر ما خلق  
وذراً وبراً.. أعوذ بكلمات الله التامات من كل شيطانٍ رجيم، ومن  
كل جنٍّ ملعون، ومن كل مخلوقٍ من نار السموم.

الطرق على الجدران زاد بشدة..

الأصوات المرعبة تضاعفت حتى كادت أن تحرق الأسماء..

يد قوية قبضت على قدم (كمال) فركلها..

شعر (محروس) بأسنانٍ تقضم ظهره، فطوح يده فارتطم  
بشيء طري..

ارتوى (ياسر) على الأرض واتخذ وضعية الجنين في بطن الأم،  
وترك أشياءً تخدشه وهو يصرخ..

الشيخ (عرفة) أخذ يصبح بصوتٍ جهوري:

- يا معاشر الجن أناشدكم بالعهد الذي أخذه عليكم (سليمان بن داود)  
أن لا تظهروا علينا ولا تؤذونا.. يا معاشر الجن أناشدكم  
بالعهد الذي أخذه عليكم (سليمان بن داود) أن لا تظهروا علينا  
ولا تؤذونا.

ساد صمتٌ جديد..

وهدوء..

أضاء الدكتور (ياسر) عود كبريت من جديد وهو يلهث، تجمعوا  
جميعاً حوله والجروح تملأً وجوههم وهم يرتجفون..

فجأة وصل إليهم نداء ملهوف..

ليس من الداخل..

لكن من الخارج..

- يا شيخ عرفة.

هتف (كمال) بفرح:

- أنا عارف صاحب الصوت ده.

كان هذا صوت (أبي بديعه) الذي تغلب على مخاوفه وقرر الذهاب خلفهم.

\*\*\*

قام الشيخ (عرفة) بمساعدة الدكتور (ياسر) في رسم دائرة كبيرة على الأرض، وهو يقول:

- لازم تعرفوا إن فيه دائرة مقدسة بترتبط بين عالم الأحياء، وعالم الجن، وعالم الأموات.

قسم الدائرة إلى أربعة أقسام:

- كمان الكون بتاعنا بتحكمه أربع عناصر هما؛ الميه، التراب، الهواء، النار.

كتب في كل قسم اسمًا باللغة السيريانية، وهو يستطرد:

- بيحكم العناصر دي أربعة من ملوك الجن.. الملك الأحمر، الملك المذهب، الملك برقان، الملك الأبيض.

وضع عظام الغجرية في مركز الدائرة، وقال:

- إحنا هنحضر الدويس جوه الدايرة، وبمجرد ما تحضر هنقولها عليها ونحرقها.

كان (ياسر، وكمال، ومحروس) يصغون له بتركيزٍ شديد.. لحسن الحظ أن (أبا بديعه) سمع صراخهم وأخرجهم، ولو لا هذا ما ظلوا على قيد الحياة..

بعد أن خرجوا من المقبرة، طلب منهم الشيخ (عرفة) ألا يعودوا إلى منازلهم حتى يساعدوه في حرق (الدويس).

الساعة الآن الثالثة ليلاً، وها هم يجتمعون مرة أخرى داخل منزل الشيخ (عرفة) لكن هذه المرة في قبو المنزل.. أمرهم الشيخ (عرفة) أن يقفوا حول الدائرة ويشبّكوا أيديهم بعضهم البعض..

نفذوا كلامه بحذافيره ومد كل منهم يده قدر ما يستطيع حتى يستطيعوا أن يحتووا الدائرة..

كانوا يقفون وهم منهكون وقلوبهم تدق بعنف..

**قال الشيخ (عرفة):**

- دلوتي هنفتح الدايرة.

ثم بدأ يردد بعض الطلاسم المعينة:

- أقسمت عليكم يا ملوك الجن الأربع، أنتم وخدمكم وأعوانكم من العلوية والسفلية، وخدام حرف الألف جميعاً إلا ما سمعتم وأطعتم، وبحق ما أقسمت به عليكم، وبحق حرف الألف وما أنزل الله فيه من أسرارٍ لا يطلع عليها أحد إلا العارفون بالله تعالى، وبحق أبجد وما فيها من الخواص إلا ما أجبتم الطاعة كما دعوتكم إليه وبما أقسمت به عليكم.

هبت عليهم ريح ساخنة خفيفة.. اشتموا رائحة تشبه رائحة  
الشمع المحترق..

ظهر حولهم ملوك الجن الأربعة متجلسين على أربع هيئات.. قط  
أسود كبير، نمر، فيل، رجل يرتدي عمامة حمراء ويمسك بيده  
رمزاً يشبه علامة النازية.

**قال الشيخ (عرفة):**

- متخافوش.. مش هيأذونا.

صمت قليلاً حتى اتخد ملوك الجن الأربعة أماكنهم في زوايا  
الحجرة، وعاد يقول:

- مبقاش قدامنا غير إن الدويس تحضر.

وراح يتمتم من جديد بطلasm أخرى:

- أقسمت عليكم بالذي خلقكم فسواكم، أجيبيوا يا معشر الأرواح  
واقضوا حاجتي، بحق من له العزة والجبروت، أجيبيوا أيتها  
الأرواح الكريمة خدام هذه الحروف العظيمة، بحق ما أقسمت  
عليكم توكلوا.

اهتزت الأرض من تحتهم لدرجة أن (كمال) كاد أن يسقط لو لا أن  
أنقذه (الحاج محروس)..

**صاحب الشيخ (عرفة):**

- خلوا بالكم.. إياكم تفكوا الدايرة اللي انتوا عاملينها.

في تلك اللحظة دوت صرخة هائلة، واشتعلت ناراً خضراء ثم  
خرجت من وسطها (الدويس)..

شhec الدكتور (ياسر) في جزع..

حاولت (الدويس) أن تخترق الدائرة، لكن بدا كأن هناك حاجزاً  
خفياً يمنعها..

راحـت تضرب بقبضتها الهواء فـيتشـكل حولـها حاجـز أزرـق اللـون  
مـكان ضـرباتـها ويـختـفي.. طـلب الشـيخ (عـرفة) مـن الـمـوـجـودـين أـن  
يفـكـوا أـيـديـهـم بـيـطـءـ..

بدـأـت الدـائـرة تصـغـر وتصـيـق تـدـريـجيـاً حـول (الـدوـيس)..

وـحـين فـك الأـرـبـعة أـيـديـهـم تـماـماً، انـغـلـقـت الدـائـرة وـسـحـقـت دـاخـلـها  
(الـدوـيس) وـحـولـتها إـلـى رـمـاديـأـسـود يـتـطاـيرـ..

انتـهـى الخـطـرـ.

\*\*\*

# الفصل الأخير

(كلهم)

بعد مرور شهر، وداخل واحدة من قاعات الاحتفالات الشهيرة، كانت أصوات المدعويين والأصدقاء تختلط بضحكااتهم والكل في انتظار قدوم العروسين (كمال، وعايدة)..

نظر الدكتور (ياسر) في ساعته، وقال:

- اتأخروا.

اعتدل (كرتونة) في مكانه:

- براحتهم.. تصوير الاستوديو بياخد وقت.

- أمال هما هيسكنوا فين؟

- كمال ساب البيت اللي مأجره، وهيعيش مع عايدة في بيتها.

ولم يكدر يقول هذا حتى انطفأت أنوار القاعة تم أضيء ممر طويل وظهر عليه (كمال) يرتدي حلة سوداء أنيقة، وترتبط ذراعه (عايدة) وهي ترتدي فستان زفاف أبيض رقيق..

سار العروسان على الممر حتى وصلا إلى منصة الزفاف التي تشبه القلب العملاق وسط تهليل المدعويين..

بدأت فقرات حفل الزفاف الواحدة تلو الأخرى..

كان (محمد) يقف بجوار والده وهو يرتدي حلة سوداء لها ربطية

## عنق صغيرة تشبه الفراشة..

ارتسمت ابتسامة عريضة على وجه (كمال) وهو يقول لـ (عايدة):  
- منورة.

(عايدة) يده بقوٍ وقالت:

- أنا خايفة.

- من إيه؟

- مش متعودة أبقى قاعدة والناس كلها بتبعص عليا.

ضحك (كمال):

- متركزيش معاهم.. ركزي معايا.

\*\*\*

## الحاج (محروس)

جاء إلى حفل الزفاف وقام بتهنئة (كمال، وعايدة) ثم انصرف  
مسرعاً..

عاد إلى النادي وجلس برفقة (عبدة) يدخن (الشيشة) وهو يقول:

- أنا عملت حاجات كتير غلط في حياتي يا عبدة، بدعني ربنا إنه  
يغفرها لي.

قال (عبدة) وهو يضع له الحشيش فوق النار:

- هيغفرهالك.. ربك كريم.

\*\*\*

(كرتونة)

بعد انتهاء حفل الزفاف، ذهب (كرتونة) برفقة الدكتور (ياسر) إلى الوحدة الصحية كي يكملا سهرتهما سوياً، جاء أيميل للدكتور (ياسر) على هاتفه المحمول، تناول الهاتف وهو يقول له (كرتونة):

- الإيميل ده أنا مستنيه من فترة.. فاكر موضوع الست الغجرية.. دلوقتي هنعرف عن ابنها كل حاجة.. تقريباً فيه صور كمان له في الإيميل.

قال (كرتونة) وهو ينهض من مكانه، ويدور خلف الدكتور (ياسر):

- إيه اللي مكتوب في الإيميل؟

- لسه بيحمل.. الشبكة ضعيفة.. هو جاي لي من الملجأ اللي كان فيه الطفل.

قال (كرتونة) بغموض:

- بس تعرف يا دكتور إن فيه ناس كتير يستحقوا اللي حصل لهم.

- مفيش حاجة تستحق إن الإنسان يقتل بسببها.

- ده لأنك مجربتش تتظلم ومتعرفش تاخذ حقك يا دكتور.

- احتمال يكون عندك حق.

- تفتكر ابن الغجرية يكون عنده كام سنة دلوقتي؟

قال الدكتور (ياسر) بلا تركيز، وهو يفتح صور الإيميل:

- ممكن 27.

ثم انتبه لشيءٍ فانعقدا حاجباً حتى كادا أن يمتزجا سوياً،  
وسائل:

- أنت عندك كام سنة يا كرتونة؟

أجاب (كرتونة) وهو يضع يده على كتف الدكتور (ياسر):

27 سنة.

\*\*\*

الشيخ (عرفة)

كان يغط في نوم عميق داخل منزله، ولا يدرى شيئاً عما يدور  
حوله..

بجوار فراشه كان يوجد عكاذه وجليابه والحجاب الذي أعطاها له  
الرجل النوراني كي يحميه من (الدويس)..

بعد قليل استيقظ على صوت خدش على النافذة من الخارج..  
فكر أن يكون أحد أصحاب الحاجة.. نادى بصوتٍ جهوري:

- مين؟

لكن لا رد.. الخدش لم يتوقف..

ربما كان مجرد فرع شجرة انحنى بفعل الهواء واحتك بالنافذة..  
هكذا حاول أن يفسر ما يحدث..

استجتمع همته ثم نهض من مكانه تجاه النافذة..

مد يده تجاه مزلاج النافذة يبطئ..

أصدرت مفصلات النافذة صوتاً يشبه النباح، وهو يفتحها، في  
الخارج كان الظلام يعم، ولم تكن المصابيح مضيئة، ما عدا  
واحدة راحت ترتعش وتصنع حول نفسها دائرة من الضوء بحجم  
قبضة رجلٍ بالغ.

فجأة سمع ثلاث طرقات على باب المنزل من الأسفل.. طرقة ثم  
طرقتين.. طرقة ثم طرقتين.. صاح:

- مين؟

بهدوء، ومن وراء ظهره تجمع ظلُّ أسود في السقف ثم هبط على  
الأرض.. نادى مرة أخرى:

- مين؟

تحرك الظل نحو الشيخ (عرفة) حين كان يهم بإغلاق النافذة من  
جديد..

تجسم الظل على هيئة امرأة..

الدويس..

شعر بها الشيخ (عرفة) فالتفت..

و قبل أن يفتح فمه لينطق بشيء، سحقت (الدويس) وجهه بضربيٍّ واحدة.

\*\*\*

(كمال)

كان يجلس على كرسيٍّ عريض في بهو المنزل وهو ببدلة الزفاف،  
يضع كلتا يديه على مسند المقهى، عيناه متسعتان عن آخرهما،  
ويحدق في الباب الأمامي بنظرةٍ خاوية..

الأضواء باهتة من حوله واللون القرمزي يطفى..

الباب ينفتح تلقائياً وببطء شديد..

فراغ أسود يظهر من وراءه..

مثل المنوم مغناطيسياً نهض من مكانه، وسار بخطواتٍ منتظمة  
واسعة..

خرج من المنزل دون أن يلتفت حوله..

الشوارع فارغة والظلام دامس على نحو عجيب..

كان يسير ويتحرك رغمًا عنه..

يرى كل شيء حوله بلونين فقط.. أبيض وأسود..

كان يشعر أن هناك يدًا باردة تمسك يده، وتقوده خلال الطريق  
الممتد..

بعد قليلٍ مر على نساءٍ يرتدين الملابس السوداء المخصصة للجنازات، ويضعن أغطية شفافة على وجوههن.. كن يقفن في دائرةٍ وينظرن إلى شيءٍ ما على الأرض..

لا يفهم ما الذي يجري..

حاول أن ينطق..

إحدى النساء كشفت عن وجهها..

جميلة..

بيضاء مثل اللبن الحليب..

أفسحت له المجال كي يشاهد ما يلتقطون حوله وعيناها تبرقان في مكير وخبث..

مد عنقه إلى الأمام واستطال قليلاً..

شاهد على الأرض امرأة ترتدي ملابس الغجر، وعلى صدرها طفل صغير تقوم بإرضاعه..

ثم وجد نفسه يكمل السير مضطراً..

التفت إلى المرأة التي كشفت له وجهها، فوجدها تبتسم له ابتسامة مخيفة ملأت ثلاثة أرباع وجهها..

قادته قدماه إلى منطقة المقابر..

حاول أن يتغلب على الشيء الذي يتحكم به ويمنع نفسه من الدخول..

تصلب للحظاتِ أمام بوابة المقابر..

كانت البوابة شاهقة الارتفاع، لها حراب حديدية ترتفع في وجه السماء، وفوقها مكتوب آية قرآنية تم طمسها بالكامل ما عدا كلمة واحدة (الجن)...

عاد يتحرك من جديد..

بعد أن تجاوز البوابة وجد رجلاً طويل القامة، نحيلًا إلى حد الاختفاء، عيناه غائرتان، أوردة جبينه تتلاقى كشبكة العنكبوت، يرتدي جلباباً أسوداً قصيراً، فتظهر قدماه كقدمي صرصارٍ ممتلئتين بالشعر المجعد..

قاد الرجل (كمال) داخل المقابر وهو يحمل شمعة طويلة راح نورها يرتعش..

كان يسير في الأمام و(كمال) خلفه مباشرة..

كانت شواهد القبور مهشمة ويفطئها بعض الأعشاب والنباتات المتسلقة..

توجد رائحة عطن وعفونة واضحة..

هناك أجزاء لحيوانات ممزقة..

بين الحين والآخر كان الرجل ينظر إلى (كمال) من فوق كتفه وبيهز رأسه..

ظهرت كائنات كثيرة غير واضحة المعالم.. منها الطويل والقصير..

الضخم والضئيل.. كائنات مرعبة تجلس فوق القبور..

توقف الرجل ثم دنا بوجهه من (كمال) حتى كاد أن يلتصق به.. اكتشف (كمال) أن هذا الرجل لا توجد له عينان كما تصور.. فقط فجوتان والعظم بداخلهما وجزء يتلوى كأنه عصب العينين..

انصرف الرجل بعد أن ترك وراءه انطباعاً مرعباً..

النفت (كمال) حول نفسه..

شاهد الأموات يخرجون من قبورهم تغطيتهم الأكفان البيضاء ويترنحون كالذي يتخيّله الشيطان من المس.. وقفوا جمِيعاً أمام القبور.. في حركة واحدة وفي نفس التوقيت ارتفعت أبصارهم تجاه السماء ثم تجمدوا جمِيعاً.. كانوا ينظرون إلى شيءٍ ما مرتفع وغير ظاهر..

سرت رعدة في جسد (كمال)..

حاول أن يفعل مثلهم..

لكن نطاق بصره كان يتوقف عند تلك الغيمة السوداء التي تطفى على كل شيءٍ كأنها حضن أمٌ تحتوи أبناءها..

ما يحدث غير منطقي..

بالقرب منه رأى أحد الأموات يبدو أنه دفن حديثاً.. وجهه لم يتعرّض بعد لكنه أصبح يابساً.. الكفن جديد وما زالت رائحته لا يأس بها..

سؤال الميت:

- أنت جديد هنا؟

فتح (كمال) فمه ليتكلم لكن راوده إحساس أن الصمت أفضل.

عاد الميت يقول، وهو يشير إلى القبر الذي بجواره:

- أنا ساكن هنا.

ثم أشار إلى قبر آخر حديث البناء:

- وابنك هيسكن جنبي هنا.



(الدويس)

بعد انصراف (عبدة) ظل (الحاج محروس) بمفرده في النادي  
يفكر في اللاشيء..

أجفل حين سمع صوت زمرة تأتي من وراء أحد الأبواب..  
زمرة ليست آدمية أو حتى حيوانية.. كانت فقط مرعبة جدًا..  
سرعان ما تحولت إلى صرخٍ هائل يزلزل القلوب..

أسرع ووضع أحد المقاعد وراء الباب بزاوية 45 درجة وتناول  
هراء صغيرة كانت موجودة واستعد ليدافع بها عن نفسه ضد  
الخطر القادم..

(الدويس) تتجسد أمامه فجأة.. صرخ:

- انتي لسه مموتيش.

قفز من مكانه وجرى ناحية النافذة ثم فتحها بسرعة وهو يتعمد  
ألا ينظر خلفه..

ألقى بنفسه من النافذة فسقط على الأرض سقطة غير قوية، لم  
تصبه بأذى..

كانت عربته المرسيدس على مسافة ليست بالبعيدة عنه..

فقط عشرون خطوة بالكثير وسيصل إليها..

أوشك كثيراً على الوصول..

سمع سقوط شيءٍ ما يرتطم بالأرض خلفه.. التفت بسرعة فوجد  
(الدويس) تتقدم نحوه..

صرخ وهو يتراجع:

- أنا ماليش ذنب.. أنا...

قطع جملته حين تعثر فجأة، فسقط على الأرض، وغار وجهه في  
الطين..

نظر إلى الشيء الذي تعثر به.. كانت جثة (عبدة) ممزقة تماماً..

صرخ في ارتياحٍ حين أمسكته (الدويس) من عنقه..

مدت إصبعها داخل فمه وراحت تعبث في أسنانه كأنها تقوم  
بعدها، ثم أمسكت لسانه وانتزعته من حلقه!

بعد دقائق قليلة كانت قد قتلت (محروس) بطريقةٍ وحشية،  
لدرجة أن العظم كان يخرج من بين الجلد.

\*\*\*

(محمد)

استيقظ (كمال) مفروعاً والعرق يغمر وجهه وصدره بسبب الكابوس البشع الذي رأه..

لم يجد (عايدة) بجواره على الفراش.. فستان زفافها ملقى على الأرض.. تحسس مكانها.. ما زال مكانها دافئاً..

بأعلى صوته ناداها.. لكنها لم تجب.. صدى صوته يتكرر مراراً وتكراراً..

لديه هاجس يحفر في رأسه، أن (الدويس) لم تمت..

قفز من مكانه وجري.. كان حافي القدمين ومع ذلك كان لوقع خطواته وقع الطبل..

وصل إلى غرفة (محمد) وأضاء الأنوار..

شهق مما رأه..

(الدويس) عادت لتنتقم منه أشد انتقام.

\*\*\*

(الدكتور (ياسر)

خرج (كرتونة) من مبني الوحدة الصحية بمفرده وهو مرتبك جداً.. كان يمسك في يده اليمنى هاتف الدكتور (ياسر) ويلتفت

حول نفسه يمياً ويصاراً.

\*\*\*

(عايدة)

احتبرت أعصاب (كمال) حين رأى فراش (محمد) خاويًا.. فجأة سمع أنيًا مكتومًا يأتي من الطابق العلوي..

تجاوز الردهة ثم صعد الدرج..

تبعد مصدر الأنين حتى وصل إلى غرفة بابها مغلق، ومعلق عليه دمية بلاستيكية صغيرة..

دفع الباب بكتفه ودخل..

كانت الغرفة مبللة زلقة، وجدرانها سوداء تترافق فوقها ظلال رمادية صنعتها أضواء شمعة تذوب في بطء..

وسط الغرفة، كانت (الدويس) تقف وأسفل قدميها (محمد) فقد الوعي..

ومن بين الظلال خرجت (عايدة) وهي ترتدي عباءة سوداء.

\*\*\*

استيق (كرتونة) الريح، هو يحاول الوصول إلى (كمال).. حاول الاتصال به أكثر من مرة عن طريق هاتف الدكتور (ياسر) لكنه لم يرد.. كان يريد إخباره أن (عايدة) هي ابنة الغجرية.. نعم ابنتها وليس ابنتها.. الجميع اعتقاد أنها ولد بسبب ملابسها ومظهرها الذي

تعمدت من خلاله الغجرية أن تخدع به الناس كي تحميها من أفكارهم المريضة.. لم يتم كشف حقيقتها كفتاة إلا في الملجة بعد توقيع الكشف الطبي عليها.. أعطوها اسمًا عشوائياً.. (عايدة).

الإيميل الذي وصل للدكتور (ياسر) والذي كشف السر، به صور ضوئية لـ (عايدة) وهي في فترة المراهقة.. صحيح أن الصور يتتجاوز عمرها العشرة أعوام، لكن الملامح كانت واضحة جدًا.

الآن (كرتونة) يحاول الوصول إلى منزل (كمال) من أجل إنقاذه، فهل سيجد الوقت الكافي؟

\*\*\*

لا بد أن مدة ليست بالطويلة مضت و(كمال) متجمد في مكانه ينقل بصره بين (الدويس، وعايدة، ومحمد)..

الشمعة أوشكت على الفناء..

قالت (عايدة) وهي تخرج خنجرًا معقوفًا من طيات ملابسها وتنحني نحو (محمد):

- أنا آسفة.

- ارجوكى بلاش تأذيه، خدينى أنا.

صاحت بندم:

- صدقني مش بإيدي، اللي هي بتختارهم بتقتلهم.

قال بصارة:

- رجعتيها ليه.. احنا كنا موتناها.

- انتوا مقدرتوش تموتها.. الديويس مستحيل تموت.

وضعت الخنجر على نحر (محمد) وأردفت:

- مستحيل تموت إلا في حالة واحدة بس.

التفتت لها (الديويس) بحدة، وكأنها فهمت مقصدتها، حينما أسرعت (عايدة) تقول:

- إن أنا أموت.

صرخت (الديويس)..

أغمدت (عايدة) الخنجر في صدرها..

دخان خرج من صدر (الديويس) في نفس الموضع الذي ضربت فيه (عايدة) نفسها..

سقطت (عايدة) وسقطت (الديويس)..

أسرع (كمال) وحمل (محمدًا) من على الأرض..

وصل (كرتونة) في تلك اللحظة، وهو يلهث من التعب..

شاهد ما حدث..

قالت (عايدة) وهي تلفظ أنفاسها الأخيرة:

- سامحني يا كمال، أنا مكانتش قصدي إن محمد يتأندي، سامحني.

ارتخي جسدها وأغمضت عينيها لآخر مرة..

طار من فوقها رماد (الدويس) بعد أن احترقت..

(كمال) حمل (محمدًا) فوق كتفه والحزن ينهش صدره. قال (كرتونة):

- سامحها يا صاحبي، هي كمان كانت مظلومة، أمها ماتت قدام عنديها من غير ذنب عملته.

- صدقني يا كرتونة، مبقتتش عارف مين اللي ظلم ومين اللي اتظلم، عمر ما رد الظلم يبقى بال بشاعة دي.

- الحمد لله إنك لحقت محمد وإنه كوييس.

- الحمد لله، بس أنا خلاص لازم أسيب البلد بعد ما ادفن عايدة، ولها طلب أخير منك، مش عاوز حد يعرف إنها هي اللي كانت السبب في كل اللي حصل.

- متقلقش خالص من ناحية الموضوع ده.

ألقى (كمال) نظرةأخيرة على جثة (عايدة) المساجاة، نظرة يملأها حزن الشفقة على مصيرها، وألم فقدانها.

سأله (كرتونة) وهو يضع يده على كتفه:

- هترووح فين بعد كدا؟

قال (كمال):

- بلاد الله الواسعة.. هدور على أي مكان ميكونش فيه لا حقد،

ولا حسد، ولا كره، ولا ظلم.

قال (كرتونة):

- تفتكر ممکن تلاقي مكان كدا!

كمال:

- على الأقل هحاول في مكان جديد ميكونش كل حنة فيه  
تفكرني بعايدة، وبكل الظلم اللي عاشته أو اللي عملته.. عاوز  
أنسى تل العبيد.

\*\*\*

## خاتمة

داخل غرفة يملأها الظلام والصمت سوف نتوقف قليلاً..

نسمع صوت قطرات ماءٍ تساقط، ويبدو أنها ترتطم بسطح صلب لأن الصوت كان قوياً.. قطرات تساقط ببطء.. بين كل قطرة والأخرى حوالي عشر ثوانٍ..

نسمع صوت عود ثقاب يحتك، ثم يشتعل فجأة، فيبدد بعض الظلام ويصنع دائرة صغيرة من الضوء، يظهر على إثرها وجه امرأة عجوز ممتلئاً بالتجاعيد، ولها أنف معقوف كمنقار الطيور..

تظل العجوز لثوانٍ ممسكة بالعود المشتعل كأنها صنم ثابت لا حياة فيه.. قبل أن يموت العود تقوم بإشعال شمعة لتزداد مساحة الضوء في الغرفة.. تتحرك العجوز إلى أحد الأركان بخطوات متعرجة.. تقترب من خزانة متوسطة الحجم تحتوي على ثلاثة أدراج.. تضع الشمعة فوق الخزانة وتتأكد من أنها لن تسقط.. تفتح الدرج الأخير وتخرج منه حجاباً.. أغلقت الدرج ثم حملت الشمعة بيدها اليمنى والحجاب في يدها اليسرى..

سارت إلى الأمام بنفس الخطوات المتعرجة..

على مسافة ظهرت منضدة خشبية مسجى فوقها جثة (عايدة)..

كان يحيط بالجثة أربعة أشخاص طوال القامة.. ليسوا من البشر لكن من الجن.. لهم قرون صغيرة.. عيونهم سوداء تماماً لا يوجد بها بياض.. أجسادهم عارية.. أعضاؤهم التناسلية مطموسة.. لهم ذيول قصيرة مدبوبة.

بحوار جثة (عايدة) كان يوجد إبريق نحاسي ممتلئاً عن آخره بالماء.. كانت قطرات ماء تخرج من الإبريق ثم تطير في الهواء إلى الأعلى عكس قانون الجاذبية وترتطم بالسقف..

نحاول أن نفهم كيف يحدث ذلك قبل أن نكتشف أن قطرات الماء لا ترتطم بالسقف لكن بالأرض..

المشهد كان مقلوبياً بالكامل..

الجن والعجوز وجثة (عايدة) كلهم موجودون على السقف.

تقرب العجوز من المنضدة..

تنظر إلى جثة (عايدة) والجرح الغائر في منتصف صدرها..

تحسس الوجه الميت الخالي من الروح.. بارد كالثلج..

مدت العجوز يدها وحاولت فتح الفم.. كان الفك متختسباً..

استجمعت قوتها..

نسمع صوت تباعد الفكين عن بعضهما البعض، يشبه أنين مريض في لحظاته الأخيرة..

وضعت العجوز الحجاب داخل فم (عايدة) وأطبقته جيداً..

أخرجت إبرة ملتوية وخيطاً، وبدأت في حياكة الشفتين ببعضهما البعض بطريقة معينة.. صنعت 13 غرزة..

حين انتهت قصت الخيط المتبقى..

الأشخاص الأربعة الذين ينتمون إلى الجن، بدأوا في التراجع إلى  
الوراء..

ركعت العجوز على الأرض في إجلال..

اهتزت المنضدة بقوة..

حضرت روح (الدويس) داخل جسد (عايدة)..

ثم نهضت.

مقدمة



# محمود الجعيري

2018

